





26<sup>th</sup> April 1969  
PREGIASCIO  
TURIN  
cat



V. 1622







21  
P  
-  
CIT

a





AMSTELODAMI, *Sumptibus* ANDREÆ FRISII, MDCLXIX.



ESL

RT 6013111

2

۱۸۸۸



LAURENTII PIGNORII  
PATAVINI  
MENSA ISIACA,

Q V A

Sacrorum apud Ægyptios ratio & simulacra subjectis  
tabulis æneis simul exhibentur & explicantur.

A C C E S S I T

*Ejusdem Authoris de MAGNA DEUM MATRE discursus, & sigillorum, gemmarum, amuletorum aliquot figuræ & earundem ex Kircheri Chifletioque interpretatio.*

N E C N O N

Jacobi Philippi Tomasini MANUS ÆNEA, & de vita  
rebusque PIGNORII dissertatio.

81-3



A M S T E L O D A M I,  
Sumptibus A N D R E Æ F R I S I I.  
C I O I O C L X I X. [1669]

*Joannis Stephani Goletti S. T. D. et Canonici S. Andreae*



2P-  
CU

# THE NORTHERN PACIFIC

Carriage and Coach Works  
Established in 1850

Manufacturers of  
Stage Coaches, Touring Cars,  
and all kinds of Carriages and Coaches.

Established in 1850  
at Portland, Oregon.

81-3



ANDERSON  
and  
Sons

Portland, Oregon



*Amplissimo, Spectatissimo, Celeberrimoque Viro,*

D O M I N O

**D. JOANNI BLAEU,**

I. U. D.

*Nec non Reipublicæ Amstelodamensis dignissimo Senatori,*

P. F.



D quam Te, Vir Amplissime, quâ possum humanitate invito, mensa est, ijs referta dapibus, quæ maxime faciunt ad palatum tuum. Tu enim INDEFESSUS AGENDO tam multa apposuisti lectoribus  
\* 3                      tuis,



21  
P  
cat  
tuis, id est, avidis abditæ & retru-  
sæ doctrinæ mentibus inexpecta-  
ta fercula, ut jam mundus uni-  
versus habeat exquisitissimas in  
ATLANTE tuo epulas: Sine me  
ergo quasi symbolum meum ad-  
ferre, ut honestius tecum liceat  
convivari: Suscipe, inquam hanc  
*Isiacam mensam*, ab alijs quidem  
stratam, à me verò in multis hac  
nova editione adornatam, & con-  
dimentis quibusdam instructam,  
quo magis delectet, aut certe ijs,  
qui nondum habent palatum fa-  
ctum ad has delicias, minus fasti-  
dio sit. Te autem hæc talia non  
fastidire, sed avidè appetere, præ-  
fertim dum eo, quem ego præ me  
fero



fero pleno amoris & observantiæ  
offeruntur affectu, certo scio. Qui  
amor, ne quasi fuco oblitus, tibi  
sinceritatis amantissimo quid a-  
dulationis redoleat, supersedebo  
hic enarrare laudes tuas, quæ cum  
operibus tuis orbem pervaserunt  
universum, tantum orabo ut hoc  
munusculum ea benevolentiae  
demonstratione suscipias, qua tibi  
veneratione illud defert

*Amplissimæ Dominationis Tuæ*

*obsequio addictissimus*

ANDREAS FRISIUS.

AN-



21  
P  
ca

# ANDREAS FRISIUS

*Lectori Benevolo*

S.

**M**ensa quam exhibemus, **ISIACA**  
**P**IGNORII est, sedita, (absit ver-  
bo livor) ut nostra videri possit. Ete-  
nim præterquam quod menda, quæ ir-  
repserant plurima sustulimus, & verba authorum sub-  
jectis eorundem in margine nominibus, quantum id  
quidem fieri potuit, diverso à textu charactere ex-  
pressimus, id etiam quod in hac re præcipuum fuit  
egimus, ut tabulæ, quibus ipsa **M**ensa absolvitur,  
ad exemplar & normam Illustris Andreae Vici expri-  
merentur, eademque simul & limbus literis nume-  
risque correspondentibus, eo quo decet ordine, desi-  
gnarentur; possitque jam uno intuitu quicquid hoc est  
operis sine ulla studiorum graviore mora perlustrari.  
Ac ne quid deesset quo juvari studia antiquariorum  
possent, Amuleta quæ Pignorius ad finem au-  
ctarij nulla addita explicatione subjecerat, ex Kir-  
chero



## AD LECTOREM.

*chero Chifletioque illustravimus , adjectis recens pluribus alijs veterum nummis , nec non his , quæ idem Pignorius de Magnæ Deûm matris Idææ Attidisque initiis & Tomasinus de Manu ænea , Cecropij votum referente , non minus eruditè quàm luculenter tradidit. Et quia indignum videbatur sine aliquo memorabili encomio & velut inglorios mori , qui alijs erudito labore vitam famamque conciliant , coronidis loco adjecimus Tomasini de Vita , Museo & Bibliotheca Pignorij dissertationem , ut hac ratione per Tomasinum revivisceret Pignorius , & per Pignorium tanto magis innotesceret Tomasinus. Hæc sunt benigne Lector , quæ præter nitorem editionis copiosissimumque rerum , verborum authorumque indicem bene de te merendi studio , non sine rerum nostrarum remora primi , & præ alijs præstitimus , quæ si grata tibi acceptaque esse videbimus , est quod nobis gratulemur. Vale.*

★ ★

A D



*To Bookbinder*  
**AD BIBLIOPEGVM.**

**N**Overit Bibliopegus in compingendo hoc tractatu ,  
tres priores mensæ Ifiacæ tabulas literis A. B. &c.  
usque ad P. notatas, secundum seriem literarum con-  
glutinandas, & inter 16. & 17. pag. inferendas esse.

Qua eadem ratione tabulæ tres, literis Q. R. &c. usque  
ad H. H. insignitæ, inter 32 & 33 Pag.

Et tres reliquæ, literis I. I. K. K. &c. usque ad Y. Y. signa-  
tæ inter 48. & 49. pag. inferendæ sunt.

Tabulæ limbum constituentes, num. 10 & 11 signatæ,  
collocandæ sunt inter pag. 66, & 67.

Quod si cui mensam Ifiacam totam conglutinare placue-  
rit, supremas tribus tabulis prioribus, intermediis se-  
quentibus tribus, & infimas tribus reliquis tribuat.

Limbum duabus distinctis tabulis contentum, quod at-  
tinet, primo utraque tabula juxta ductum linearum in  
partes dissecanda, postea particulæ omnes secundum  
ordinem alphabeti majoris conglutinandæ, & figuræ  
à numero 1. ad 25, vel inter a. & b. interceptæ, su-  
pra, figuræ inter lit. c. & d. contentæ, ad dextram,  
literæ inter e. & f. comprehensæ, infra, & inter g. & h.  
intermediæ ad sinistram, secundum ordinem nume-  
rorum collocandæ sunt.



LAURENTII PIGNORII  
PATAVINI  
MENSÆ ISIACÆ  
EXPOSITIO.

CAP. I.

**M**ORTARIS ME MARCE VEL-  
SERE, V. Cl. ut Tabulam illam pu-  
ræ putæ antiquitatis insigne monumen-  
tum, quam VINCENTIUS Man-  
tuæ DUX, è Petri Bembi Cardinalis  
Musæo translata jam diu domi habet, diducto  
quo obducitur antiquissimæ Historiæ linteo, & in  
bono explicationis lumine quatenus licuerit colloca-  
tam, publice conspiciendam proponam. *periculose*  
*plenum opus aleæ* (ita cum Lyrico vate dicere liceat)  
tractari jubes, tractabitur tamen in tuæ spem gratiæ,  
quam etiam si discupere me dixero, miro tamen quo  
ejus teneor desiderio vix fecero satis. rem igitur ag-  
grediar optimis auspicijs tuis; ejusdem Tabulæ simu-  
lacro non ἀληθοειδές, sed ad veterum narratio-  
num fidem pro viribus expositurus. odi enim ego  
si quis alius nimias illas, & à proposito plerumque  
alienas hujusmodi rerum interpretationes, quas in  
confirmationem labantium Fabularum Platonici,  
Præceptoris dogmatum parum memores, invexe-  
runt

Euseb. lib. 3.  
de preparat.  
Evang. c. 3.  
Lib. 2. de  
Repub.



runt : fatiusque duxi ignorationem fateri , quam  
 erudito Lectori fastidio esse. Utcumque res sit tuum  
 erit Vir Cl. si quid peccatum agnoveris ignoscere pri-  
 mum ; deinde cogitare me oneri , quod longe viri-  
 bus meis impar imposuisti ferendo non esse. ut enim  
 fileam rei propositæ difficultatem eam esse , ut per  
 L. & amplius annos hæc siparia sibi explicari frustra  
 peroptaverint Philologiæ amatores ; torquent me  
 profecto veterum Auctorum variæ , & distractæ sen-  
 tentiæ, quibus Ægyptiorum de Religione commenta  
 ita exagitantur , ut consistere nullo modo queant. a-  
 pud Herodotum Isis eadem est quæ Δημήτηρ, id est,  
 Ceres, Osiris idem qui Bacchus. Ideo placuit non-  
 nullis Melampodem Amythaonis ex Ægypto in  
 Græciam mysteria transfuisse. apud Diodorum Isis  
 cum Luna, Cerere, & Junone : Osiris cum Sole, Sa-  
 rapide, Dionysio, Plutone, Ammone, Jove, Pane in  
 unum veluti corpus rediguntur. Servio, & Macro-  
 bio Isis, Terra, vel Natura rerum est ; Osiris verò  
 cum Adone, & Atide Sol, & hoc ex intima Ægy-  
 ptiorum Theologia; legimus enim cultum fuisse apud  
 Alexandrinos quoddam simulacrum, quod Osiridis,  
 & Adonidis nomine venerabantur. idem apud A-  
 mathusios notavit Stephanus. immo & Byblii am-  
 bigebant utrum quotannis rite lugerent , Osirin vi-  
 delicet an Adonin. Plutarcho Osiris, Pluto, Bacchus,  
 Sarapis, Apis, Oceanus, Sol, Sirius idem significant  
 numen : Isis Minerva, Proserpina, Luna, Thetis, no-  
 mine dissident, re non item. Appuleio Isis, Deum ma-  
 ter,

Lib. 2. Ce-  
 drenoidem  
 visum.

Refer: Cle-  
 mens in Pro-  
 trept.

Lib. 1. cap. 2.

Servius. 8.  
 Æneidos  
 in fin.

Saturn. lib. 1.  
 cap. 21.

Suidas in  
 regionibus.

Lucianus de  
 Syr. Dec.

De Iside, &  
 Osiride.

Lib. 11. Me-  
 lam.



# E X P O S I T I O.

3

ter , Minerva , Venus , Diana , Proserpina , Ceres ,  
 Juno , Bellona , Hecate , Rhamnusia , unicus *δαίμων*  
 multiformi specie ( ne ab ejus verbis abeam ) nomine  
 multijugo appellantur; ut non immerito à quibusdam  
 Isis *Μυριώνυμος* fuerit dicta , Heliodorus cum Plutar-  
 cho arcanum quidpiam prodit, Nilum Osiridem, Ter-  
 ram Isidem esse. Statius Titana , Phœbum , Osirin,  
 Mithran , eosdem canit. Marcianus Capella Solem,  
 Serapin, Mithran, Ditem, Typhonem, Atyn, Ammo-  
 nem , Adonin unica nomenclatione differre asseve-  
 ravit, & alibi, Soli Lunæque diversitatem gentium  
 innumera vocabula sociasse affirmat.

*Plutarch.  
 de Isid.  
 Heliod.  
 lib. 9. Æ-  
 thiopic.  
 Lib. 1.  
 Thebaid.  
 Lib. 2. de  
 Napt. Philol.  
 Lib. 8. de  
 Napt.*

Hosce Scopulos ut evaderent , fuerunt qui Sarapi-  
 dem, & Isidem in Gemmis ita scalpendos curarent.



Ut non ab re Capuæ legatur in antiquo marmore.

T E. T I B I  
 U N A. Q U Æ  
 E S. O M N I A

D E A. I S I S  
 A R R I U S. B A  
 B I N U S. V. C.

A 2

Præ-



2  
1  
C  
4 M E N S Æ I S I A C Æ

*Lib. 1. de  
Nupt. Phil.  
Lactantius  
lib. 1. c. 21.  
Euseb. lib. 3.  
de prepar.  
Eu. c. 3.  
Syntagm. 3.*

Præterea, quod talia inquirenti majores tenebras offundere possit, non liquet utrum Osiris fuerit Isidis maritus an frater vel filius. Diodorus enim, & Marcianus maritum, Plutarchus fratrem & maritum, Lactantius & Minucius Felix filium, Eusebius maritum, fratrem, & filium fuisse scribunt. quod si animadvertisset Gyraldus Lactantium appellan-tem Osirin Isidis filium non reprehendisset. hujus controversiæ vestigium extat in antiqua gemmæ sculptura, in qua Osiris cum triplici pene ad Pamilitia indicanda, de quibus Plutarchus; digito ad os admoto ac si Osiris, Orus, & Harpocrates iidem essent.



*Lib. 1. de  
Nat. Deor.  
Tuscu. 5.*

*Sat. 15.*

Accedit sacrorum istiusmodi jure merito jampridem memoriam evanuisse; tum quia DEUS Optim. Max. DEUS zelotes eamirum in modum oderat; tum quia reliquis nationibus risui potius hæc, quam venerationi fuerunt. Ciceronem audiamus, qui Ægyptiorum in hoc genere dementiam, Ægyptiorum imbutas mentes pravitatis erroribus Ægyptiorum superstitiones, cum stomacho, & risu non semel recensuit. Juvenalis non magis acriter, quam vere cecinit.

*Quis*



*Quis nescit, Volusi Bithynice, qualia demens  
Ægyptus portenta colat?*

Quid Græci senferint exponent nobis Ælianus, & Lib. 12. hist. anim. cap. 5. Serm. 38.  
Max. Tyrius. ille Ægyptiorum cultum multiplici, & vario risu exceptum tradit: hic detestatur Ægyptiorum numinum λατρείαν, quod illorum sit ἀγῆνης ἢ ἡ θεοπαμία, αἰχρὰ ἢ ἡ πμή. Plutarchus ipse, qui elegantissimo libello conclamatam superstitionem in vitam revocare conatus est, veritatis fidiculis tortus negare non potuit, totam penè hujusmodi sacrorum rationem sannis, & irrisioni objectam fuisse; & sane quis à risu abstinuisset? colebant enim bestias fere omnes, quas portentorum mater Ægyptus alebat. in his & Serpentes, & Dracunculos, quos illi Agathodæmonas vocabant. hæc sacra (ut ipsi dicebant) animalia eo studio venerabantur, ut cum admiratione dixerit Cicero, Lib. 1. de Nat. Deor. *firmiores apud Ægyptios opiniones esse de bestiis quibusdam, quam apud Romanos de sanctissimis templis, & simulacris Deorum.* ita prorsus, & sine amplificatione fuit: Canem, Accipitrem, Felem, Ibin, Crocodilum & alia hujusmodi si quis violasset, capite plectebatur. cujus rei præter alia sexcenta extat illustre testimonium Moysis, in Ægypto sacrificare detrectantis; Exod. cap. 8. *quod si (inquit) mactaverimus ea, quæ colunt Ægyptij coram eis, lapidibus nos obruent.* & hoc fundamento nitebatur Lib. 2. iusta & legitima Josephi contra Apionem ratiocinatio, *Orbem Terrarum*



6 M E N S Æ I S I A C Æ

si Ægyptiorum sacra suscepisset, brevi bestiarum plenum,  
inanem hominum futurum. conabantur quidem ipsi ve-  
lamento mysteriorum insaniam obtegere, dicentes  
(ut ridicule Porphyrius philosophatur) divinitatem  
non per hominem tantum, sed & per omnia animalia  
pertransivisse.

Lib. 4. de ab-  
sinent. ab  
esu carn.

IV. Georg.

----- Deum namque ire per omnes  
Terrasque, tractusque maris, cælumque profundum.

Digna utique res, quam & Lucianus in Hermoti-  
mo rideat, & alibi non semel infectetur. ut hinc sequi  
videatur,

Juvenalis.  
Sat. 15.

Porrum & cape nefas violare, & frangere morsu.

Ita ut exclamare libeat,

O sanctas gentes, quibus hæc nascuntur in hortis  
Numina!

Lucian. de  
sacrif. &  
alii. Idem  
de Astrol.

Fabulabantur præterea Deos in animalia mutatos,  
metu, & vi cogente Typhone, quibus adjicias licet  
(ut Vara Vibiam sequitur) insigne commentum, cul-  
tos videlicet Arietem, Pisces, Hircum, Apin, quod  
hujusmodi signa in Cælo primi Ægyptii observaf-  
sent. ad hæc alenda sumptus universi suppedita-  
bant, exceptis Thebaidos incolis, qui nullum morta-  
lem Deum esse censebant, sed *Eneph*, seu *Kneph*  
Deum immortalem venerabantur, hæc festis diebus,  
Fanis, sacrarum epularum appositione, Sacrificijs, &  
sepulchrorum molibus dignati sunt, ut Theodoretus  
præ-

Theodoret.  
serm. 3.



præter alios testatus est. huc autem pertinet, quod Herodotus notat, *Ægyptios cum feris vefci*, contra om- Lib. 7.  
nium mortalium institutum. facessit negotium postremo, perijsse magnam illam scriptorum turbam, quibus hæc posteritati tradere curæ fuit, quorum nomi-

na, hîc, ut è naufragio tabulas, colligere operæ precium duxi. agmen in primis mihi aget Hecatæus Abderita; mox Ptolemæus & Asclepiades, ambo Mendefij, Eudoxus, Aristagoras, Manethon, Hermæus, Cheremon ille Stoicus, Appion Polyhistor, Philarcus, Leo Ægyptius, Demetrius, Lynceas sive Lynceus Naucratis, Hellanicus, & Ammianus Marcellinus in gestis Hadriani, & Severi Principum, quæ magno historiæ malo perierunt. his fortasse annumerandi Andron Alexandrinus, Appollonius, & Ister; alijque quos ociosus lector facile adnotabit. horum omnium alicubi latentia fragmenta ad nos evaserunt, quæ nocti huic nostræ illuni, & nubilæ creperi nescio quid luminis, attulerunt. vere enim in Asclepio vaticinatus est Mercurius ille Trismegistus; *o Ægypte,*

*Ægypte, religionum tuarum solæ supererunt fabulæ,* Cap. IX.  
*æque incredibiles posteris tuis.* atqui dicet aliquis integri quidam è scriptoribus ad nos usque pervenerunt. fateor id quidem, & ingenti Dei beneficio accidisse credo, ut præ oculis homines haberent, in quas tenebras inciderint illi, divinarum rerum illustri splendore destituti. verum plerique horum auctorum ea superstitione, quæ tunc animos hominum imbuerat, impediti, mysteria silentio involvunt; inter quos Herodotus,

Dio-

Plutarchus.  
Suetonius  
Augusto.  
Suidas Heracl.  
sco. Euseb. de  
prep. Ev.  
lib. 10. c. 3.  
Diog. Laërt.  
in Prohem.  
Ioseph. lib. 1.  
cont. Apion.  
Theodoret.  
serm. 3.  
Gell. lib. 5.  
c. 14.  
Tertull. de  
coro. Mil.  
Athenaus.  
lib. 15. c.  
13. & alijs  
complures.



2  
P  
C  
8 M E N S Æ I S I A C Æ

Diodorus , Heliodorus , Pausanias , & Appuleius.  
mystis namque peculiaris indicta fuit taciturnitas :  
quam si quis solvisset , improbus intestabilisque cen-  
feretur. Horatius,

Lib. 3. Carm.  
Od. 2.

----vetabo , qui Cereris sacrum  
Vulgarit arcanae , sub iisdem  
Sit trabibus , fragilemque mecum  
Solvat Faselum.

Hujus silentij ea caussa erat , quod hæc vel turpia  
vel crudelia essent , qualia Eleusinia , Pessinuntia , A-  
donia , Isiaca , Bacchanalia , Ityphallica , Omopha-  
gia , & Mithriaca fuerunt , quæ exagitare consueverunt  
Ecclesiæ Christianæ indefessi Prædicatores , Justinus ,  
Hieronymus , Augustinus , Ambrosius , Cyprianus , &  
alii , à quibus pete mi lector si tenebras illas cum ma-  
gno fructu pietatis , & eruditionis discutere lubet ; hæc  
instituti mei remoras consulto recensui , ea mente ,  
ut si quid *πλουσιότηας* studiosi per me profecerint , Deo  
Opt. Max. acceptum ferant : si verò , quod proclivius  
est , longe secus acciderit , voluisse me tamen constet ,  
rei obscuræ , & penè dixerim desperatæ lucem &  
medicinam orationis afferre , qui conatus , nisi me  
*φιλαυτία* fallit , laudem aliquam apud posteros sal-  
tem promerebitur.

C A P. I I.

Fuerunt qui hanc Tabulam inexplicabilem esse  
Appuleij auctoritate firmare conarentur. sed fefel-  
lit



lit eos Appuleius, qui ita scribit, *de opertis adyti profert quosdam libros litteris ignorabilibus prænotatos, partim figuris cujuscemodi animalium, concepti sermonis compendiosa verba suggerentes: partim nodosis, & in modum rotæ tortuosis, capreolatimque condensis apicibus à curiosa profanorum lectione munita.* non erit opinor qui hæc verba ad aliud, quam ad litteras trahat, cujusmodi in Tabula ipsa, & alibi plurimas videmus; quæ tamen tunc temporis doctis ignorabiles non fuerunt, sed à curiositate tantum profanorum hominum egregie munitæ; alioquin qui potuisset impostor ille Appuleium monere, ut pararet, quæ forent ad usum Teletæ necessario præparanda? ut missos faciamus Strabonem, Plinium, & Ammianum, obeliscorum quorundam Notas interpretantes; quos tamen omnes Goropius suggillat, sed quam recte ipse viderit. in hisce litteris explicandis, quas modo in Tabula expressas monui, operam perdere nolui: in eo Agro, quem ego primus (ni fallor) fatis proscidi, messem alijs relicturus. acute namque monuerunt Pœni, Agricola allidi, cum valentiore, quam ipse sit Agro colluctantem. erit forsan aliquis, cui & majus otium, & studium acrius & doctrina subtilior suppetant, qui hosce griphos interpretetur. mihi neque Notas (paucis exceptis) agnoscere, neque sensus abditos expromere datum fuit. potuissem quidem ex ingenio, multo cum labore, pauco cum fructu aliquid comminisci: sed quis postea recepisset illum, qui notas duxerat ita sensisse? at Horapollo, dicet aliquis li-

Lib. 11.  
Metamorph.  
Ignorabiles  
vocat, &  
Ammianus  
lib. 21.

Strabo. l. 17.  
Plin. lib. 26.  
cap. 8. & 9.  
Ammianus  
lib. 17.



10 M E N S Æ I S I A C Æ

bello peculiari, Clemens Alexandrinus & alij præ-  
iverunt. utatur per me qui volet: sentiet enim, quod  
& vidit magnus vir ANT. AUGUSTINUS, non  
magis eos huic rei quam tractamus conducere, quam  
versus aliquot Plauti ad vetustam Pœnorum linguam  
expediendam. utque in semitam redeamus, notan-  
dum est, Ægyptiacam superstitionem, exagitatam  
licet, & sapientum contumelijs vexatam, per Orbem  
fere universum diffusam fuisse. adeo ut vere scripserit  
Diodorus, *ubique fere terrarum Isidem cultam*, idque  
propter manifestas ejus morborum curationes (tales  
miseris offucias obtrudebat Diabolus) cui testimonio  
adjungimus nummum æreum Claudij Imperatoris, in  
quo Isis cum Sistro, & Situla inscribitur SALUS  
AUG. ad hæc navigantium tutela credebatur, ven-  
torumque Domina. Juvenalis de votivis Tabellis.

Dial. 4. de  
numism.

Lib. 1. cap. 2.

Sat. 12. ubi  
Vet. interp.  
Tibull. lib. 1.  
eleg. 2.  
Lucian. in  
Dial. Noti  
& zephyri.  
Pausanias,  
Aristides.  
Plutarchus.  
Herodotus  
lib. 4.  
Corn. Tac. de  
Mor. Germ.  
Smet. Inscr.  
Antiq.  
Arnob. lib. 2.  
adv. Gent.  
Tertul. Apo-  
loget. cap. 6.  
Dio. lib. 40.  
42. 47. 54.

----- *Pictores quis nescit ab Iside pasci?*

Colebatur in Græcia passim, in Asia Smyrnæ, in  
Phœnicia Bybli, in Libya Cyrenis, in Germania apud  
Suevos, in Lusitania apud Bracar-Augustanos. Romæ  
profecto diu jactata sacra, manserunt tamen. Anno si-  
quidem Urbis DCXCVI. Piso & Gabinius Coff.  
ex Urbe ejecerunt, ut narrant Arnobius, & Tertul-  
lianus. Anno DCC. fana Isidis, & Serapidis ex  
S. C. solo æquata sunt. post septem annos Aruspices  
omnia eorundem Tempia demoliti sunt. quinquen-  
nio transacto irrepsérant hæ sordes in purgamento-  
rum



# E X P O S I T I O.

11

rum hujusmodi sentinam, nisi M. Agrippa Ædilis anno Urbis DCCXXXII. extra pomœrium receptas eliminasset: vetuissetque in Urbe, & Suburbano intra D. passus consistere. expulit postremo Senatus Tiberio imperante: exinde tamen tanquam ruptis obicibus in urbem superstitionum Asylum nefaria hæc sacra agmine factò irruperunt. ita ut non solum de plebe homines, sed & Imperatores, veluti Commodus, & Caracalla, & Alexander Severus manus derint. hinc apud Rufum, & Victorem, Urbis æternæ Topographos, Area Isidis Ælianæ, Ara, Tempia, & Ædiculæ ejusdem: Isis patritia, Vicus Isidis, Isæum, Isis Athenodora, Ædes Isidis: apud recentiores Isæum Metellianum, Templum Isidis & Serapidis prope Ovile, cujus videntur meminisse Juvenalis, & Appuleius nomine Isidis Campensis. hinc Plinij quærela, *Harpocratem, statuasque Ægyptiorum numinum in digitis Viros quoque portare incipere.* laboravit enim semper cultus hic infamia quadam peculiari, cujus testis erit Augustus, qui Apin adorare noluit, quod se Deos non Boves adorare diceret. ideoque notat Servius in fine octavi Æneidos ad illud.

*Tacit. lib. 2.  
Annal.*

*Ælius Lam-  
pridius &  
Spartianus.*

*Pauvin. in  
Urbe.  
Iuv. Sat. 6.*

*Appul. 11.  
Metamorph.  
Plinius lib.  
33. cap. 3.*

*Dio. lib. 51.*

*Omnigenumque Deum Monstra*————

Hæc sacra sub Augusto nondum Romæ recepta fuisse. lenocinia, & mollities præter cetera objectabantur, ut de Paullina illustri foemina legimus, quam perditus amator obtentu religionis polluit. quod & actitatum innuit Juvenalis.

*Joseph.  
lib. 11.  
Antiq.  
cap. 47.*

*Sat. 6.*

B 2

jam-



----- *jamque expectatur in hortis*  
*Aut apud Isiacæ potius sacraria lenæ.*

64p. 12.

In Octavio.

Et Suetonius Othone, inter alia mollitiei, & effœminati animi signa illud refert, *in Linthea religiosaque veste sacra Isidis propalam celebrasse.* verum non deerant mulierculæ superstitionibus indulgentes, & viri cupidi rerum novarum, qui ut ait Minucius Felix *non magis Isidem, quam ceparum acrimonias; nec Sarapidem magis, quam strepitus per pudenda corporis expressos extremiscerent.* hinc religioni ridendæ accessit favor. hinc Tempia, signa Donaria, Gemmæ cælata, lapides inscripti. nec aliunde Tabula hæc nostra, quam præ manibus habemus. ea Romæ incidit in manus magni Viri PETRI BEMBI Cardinalis, seu ex PAULI III. Pontificis Maximi munere, seu quod alijs placeat ex Orci faucibus, è manibus videlicet Fabri ferrarij, qui illam in Borboniana Urbis direptione comparaverat, precio extorta, nunc in preciosa Pinacotheca Serenissimi DUCIS MANTUÆ inter illustrium Pictorum monumenta adservatur. ærea tota est, ejusdem latitudinis cum impresso typo, quam ÆNEAS VICUS, industrius ille sculptor viriculo ita affecutus est, ut non tam simile ovum ovo sit. archetypa nigro veluti encausto, quod atramento sculptor expressit, & tenuibus argenti bracteis passim obducitur, & supervestitur, quas inspectori ob oculos ponere mihi consilium non fuit, ne in re non admodum facili tempus tereremus. quid enim Lectorem juvet si dixe-

Tabula Isiacæ ærea est.



dixerimus, nigras illas foliorum tesseras argenteis interfunctas esse? & pastorem illum, inter bubula cornua, in media regione, in quo testes Osiridis cestro cælator delinearit, argenteum esse; cum multa adhuc supersint ejus generis monenda. artificem Tabula non valde doctum sapit, Ægyptium videlicet, factumve ad Ægyptiorum normam, quorum studium in id magis incumbibat, ut picturas miras exprimerent, quam ut venustatem affectarent. gracilitatem corporum excusavit Pierius, ea ratione, quod innuere vellent DEI Lib. 49. naturam spiritu, non corpore constare. utcumque sit, ex his imperitis delineationibus non male quorundam sententia apud Plinium confirmatur, *linearem Picturam Philoclis Ægyptij inventum esse*: cum hisce Lib. 35. cap. 3. convenire videatur, quod de infantia Picturæ narrat Lib. 10. de var. hist. Ælianus, adeo indocte Pictores tunc temporis penicillum tractasse, ut *adscribere nomina rerum necesse haberent*. digna res utique, quam & Thebani pecunia mulctarent. & hinc primum manasse censeo ego Picturas illas, quas Vitruvius tantopere exagitat, quæque nostri in Cryptis Romæ inventas Ælian. lib. 4. var. histor. GROTTESCHE appellarunt, & avide arripuerunt. fuit autem Tabula hæc, nisi mea me fallit sententia, sacra Romæ Templi alicujus Mensa, quæ ex Macrobio, & Macrobius lib. 4. Satur. cap. 11. Fest. Mensæ. Dio. lib. 39. Festo Aræ, & Pulvinaris loco erat, in qua epulæ, stipipes, & libationes reponebantur, & Sacella præterea Deorum. fuerunt hæ Mensæ quandoque aureæ, vel argenteæ; & quidem inscriptæ apud Græcos, ut notant Aristoteles, & Val. Maximus. sollemnes Men-



Cicero lib. 3.  
de nat. Deo-  
rum.

Lib. 34.  
cap. 3.

Mensa Isidis  
quid conti-  
neat.

Hierogl.  
Lib. 7.

Lib. 1.

Plutarchus.

In Commen-  
tar. de Papy-  
ro.

fas appellat Cicero. ærea est hæc nostra, ideo forsan, quod æris usus in sacris maxime probaretur. cultros enim, secespitas, secures, & pateras æreas plerasque nos vidimus. & quod magis placet, Plinij testimonio *prisca limina ac valvas in Templis ex ære factitaverunt.* qua fortasse de causa Camillo Sp. Carvilius Quæstor crimini objecit, quod ærata ostia haberet in domo. Cortinæ insuper, Lychnuchi pensiles, & signa Deorum in Templis ex ære omnia conspiciebantur. continet verò sacra hæc Mensa Isidis præcipue mysteria, cui in Auctarij vicem adjuncti sunt Osiris, Orus, Anubis. Goropius, nimis reconditas origines sectatus, hæc improbare videtur: at res ipsa loquitur. ideo autem Isis in præalto Solio Mensæ umbilicum occupat; ipsa enim, ut videtur innuere Diodorus, magis quam Osiris culta est. & hinc factum videtur, ut Isidi prius, quam Osiridi initiaretur Appuleius. & fidem facit sacratorum universalis denominatio, quos Isiacos passim appellatos reperias. ut fileamus Isidis simulachra frequentius, quam Osiridis promi solita, & magis conspicua fuisse. at Melchior Guilandinus (ut tu me per epistolam olim peramanter monuisti MARCE VELSERE) censebat, hanc tabulam vix aliud, quam Ægyptiorum leges pandere. hujus sententiæ id columnen fuit, quod Leges in æs inciderentur. Ego ad eruditum Lectorem provoco, qui religiose judicabit, an quicquid in æreas Tabulas incisum est, id continuo Lex sit; me, ut ut alij sentiant, ne nunc quidem pœnitet, ejus, quam adduxi inter-

pre-



pretationis ; mensam enim Deorum in ædibus sacris  
agnovit & Varro, & Delphica illa apud Plinium, Mi-  
nervæ anathema æris antiqui huc pertinere videtur.

*Lib. 4. de  
L. L.  
Plin. lib. 7.  
cap. 15.*

## C A P. I I I.

Placuit mihi semper aureum illud , & probum  
dictum.

*Amittit merito proprium qui alienum adpetit.*

Gloriari enim alicuius bonis perinde esse duxi, ac  
se nullius precij hominem fateri. apage Polypi fu-  
rax, & subdolum ingenium, qui non nisi quando  
aliena non suppetunt proprijs flagellis vesci solet.  
me mea paupertas, & nunc, & impofterum alet,  
& quidquid è scrinijs meis in lucem conspectumque  
hominum prodibit, id è penu meo ; non ex aliorum  
compilatis cellarijs prodibit. siquid amicorum libe-  
ralitas adjecerit ( ut factum gaudeo ) illaudatum mi-  
nime relinquam ; verbis saltem, quando re non li-  
cet ; magnis eorum in me meritis satisfactorus.  
egregie enim profecto magnus scriptor testatus est,  
*obnoxij animi, & infelicis ingenij esse, deprehendi in*  
*furto malle, quam mutuum reddere ; ex quo capite*  
*quis non oderit ineptas illas Grammatici hominis*  
*voces, jactantis litteras secum natas, secum interituras ?*  
Ego quidem omnibus his, qui me juverunt infinitas  
habeo gratias, quod reconditas, & magno sumptu  
quæ-

*Plinius in  
præfat. historiæ  
naturalis.*

*Sueton. de  
illustribus  
Gramm. in  
Remmio Pa-  
lemone.*



quæsitæ copias liberali manu obtulerunt, unde nos,  
 uti è fontibus aquam haurientes, & ad proprium hoc  
 herediolum traducentes, feraciores, & expeditiores  
 habuimus ad differendum facultates; tibi primum  
 MARCE VELSERE Clarissime vir, & inter præ-  
 cipua seculi ornamenta numerande, qui languentem  
 sæpenumero commovisti, jacentem excitasti, & au-  
 ctoritate, qua plurimum apud me potes, pervicisti  
 tandem, ut manum de Tabula aliquando tollerem.  
 NICOLAO dein FABRICIO, Chalasijs Domi-  
 no, natalium splendore, & recondita eruditione illu-  
 stri adolescenti, qui non modo insignis Antiquitatis  
 reliquias, quibus instructissimus est, in meum, & stu-  
 diosorum usum munifice contulit, sed etiam aliorum  
 Musæa ut paterent sedulo curavit. ejus diligentia  
 factum est, ut non modo Venetijs FRIDERICI  
 CONTARENI D. MARCI PROCURATO-  
 RIS & JOHANNIS MOCENICI Illustrissimo-  
 rum Virorum præclarissima, nummorum, & gemma-  
 rum *καμήλια* mihi in promptu essent, sed & Romæ  
 ornatissimi viri LÆLII PASCHALINI *κίερος*  
*ἀμαλθείας*, cur enim hoc nomine non appellem bonæ  
 copię divitem thesaurum, de quo nobis Numisma-  
 ta, Gemmæ, Sigilla, rara omnia, insigni humanitate  
 suppeditata sunt? eidem FABRICIO acceptum  
 ferri debet, omne id, quod è NATALITII  
 BENEDICTI preciosis oculis evulgamus. è qui-  
 bus Auctario nostro cum robore, & incremento  
 spiritus accessi. ea enim omnia, quæ ad illustran-  
 dam



dam Epiphaniij, Irenei, & aliorum Patrum historiam Sectarios antiquos exagitantem attulimus, inde profecta sunt. His omnibus in solidum, si non pares, at pro meo tamen studio debitas gratias, meritasque habebo semper, referamque pro viribus: bona Lectorum saltem nomina delegando, qui scientes per quos profecerint, id æs, quod ego solvendo non sum, bona fide persolvant. Ingenua hæc & liberalis debiti confessio, Viris optimis, qui res magis quam speciosa verba spectare consueverunt, abunde faciet satis.

His explicatis ad Tabulam accedamus, quam in Tabulæ Iſidis distributio.

*A*ctionem primam inchoat (*a*) Osiris, in quo notanda videtur ansata Crux, & digitis apprehensa. cuius Crucis usum, cum Goropius acute pervidisset, evertere frustra conatus est vir Doctissimus, in suis Libris de Lipf. lib. 1. cap. 8. in Notis. Cruce. & hunc salutaris signi typum, non in obeliscis tantum, sed & alibi, ut in antiquo lapide apud Cl. Virum JOH. VINC. PINELLUM exculptum vidimus. fuit autem is ferrei coloris, & crassitudinis digitalis, quam tenuis candida linea ambiebat. hujus eëtypon ad amussim expressum, alias etiam profuturum, hîc damus.





Lib. 9. hist.  
tripartita.

Cæterum hæc illustrantur eâ, quæ apud Socratem est narratione. cum enim (inquit ille) Sarapidis Templum spoliaretur, & in sacris, uti vocabant, litteris, Crucis figura inventa esset, ea res in disceptationem venit. Christiani enim, quibus Notarum periti adstipulabantur, Crucem CHRISTO adjudicabant. Ethnici verò commune quidpiam CHRISTO cum Sarapide esse impie contendebant. tutatus est causam suam DEUS. plurimi eorum, quos diabolus deceperat, CHRISTO nomen dedere, & Trophæum passionis, Crux triumphalis notatis frontibus refulsit exinde. Sequitur item (b) Osiris, bisulcum animal quoddam veluti conficiens, caprini fortasse generis; capras enim foeminas tradit Ælianus Copti Isidi in delicijs esse; mares autem immolari. Apex ille, seu Tutulus, Osiridis capiti impositus, accedit non nihil ad eam Teletarum coronam, cujus meminit Appuleius in hæc verba; ac ma-

Lib. 10. hist.  
en. cap. 23.

XI. Met.



*nu dextra gerebam flammis adultam facem, & caput decorè corona cinxerat, palmæ candidæ folijs in modum radiorum profistentibus.* consueverunt enim & hodie Palmæ folia ita plicari, ut calathos, flabella, & alia hujusmodi utensilia palmea non semel videamus. Et olim apud Ægyptios monachos plectæ, seu habenæ ad canistra conficienda, Psiathiaque seu tegetes ex eadem parabantur. usu (ni fallor) invecito ab antiquissimis ejusdem regionis Sacerdotibus, qui ut Cheremon refert, cubilibus ex Palmarum virgultis intertextis utebantur. Palmas ipsi voce vernacula **B A I S** appellabant, quæ vox Horapollini animam significat. soleas præterea ex hujus arboris folijs perfectas Isidi tribuit Appuleius : ut ex his omnibus detur intelligi sacram arborem fuisse, & mysticis rationibus insignem. (c) Isidem proxime referri censeo ego, cujus vestimentum jampridem expressit Madaurensis scriptor his verbis, quæ semel retulisse sufficiet. *Sed Antistites sacrorum, procures illi qui candido linteamine cinclum pectorale adusque vestigia strictim injecti, &c.* niger autem ille Galerius tenuibus argenti notis exornatus ad eas Isidis vestes referri potest, quas multicolores notavit Plutarchus, ob lucis, tenebrarum diei, noctis, vitæ mortisque discrimina, quæ omnia Isidem moderari testatur. Et quidem in Tabula universa nigror hic maxime conspicitur, argento fere semper discretus. qua mente Appuleius eidem pertextam disciorem, & pallam nigerrimam adsignavit. post Isidem

*Joh. Cassia.  
coll. 18. c. 15.  
& Giaccobius in Notis.  
Apud Porphy. lib. 4.  
de abstinentia.*

*Lib. 1. c. 7.*

*Lib. XI.*



dem (d) Osiris perpetua fere serie spectatur, cujus A- D  
picem ( seu Metam mavis ) pinnæ duæ, Accipitris for-  
te vel Ibidis conficiunt: adjecta plana illa rotunditate,  
& fulcris dextra, læyæque insurgentium viperarum.  
Paulò diversum spectamus in Sarda apud N I C. F A-  
BRICIUM cujus hic Protypon habes.



Cæterum Iconem hanc præ oculis videtur habuisse  
Heliodorus lib. 6. Αἰθιοπικ. ἱστορ. scribingens καὶ νυνὶ ὃ θεῶν  
ὄρνιν πινὰ τέτον ὡς ὀράς νεκλῶν φοινικέπτερον, τὸ φιλάτης ὀπί-  
ταγμα κομίζων. Ex quo præter cætera discimus Phœni-  
copterum Isidi in delicijs fuisse. neque officit alarum  
nigredo religionis gratia ( ut ego censeo ) nullibi non  
affectata. Goropius tamen Stymphalidem avem esse  
censet, quam Hercules ostendet: recte ne an secus a-  
liorum esto arbitrium. Phœnicopteri meminerunt  
Plinius, Martialis, Juvenalis.

Lib. 5. Hie-  
rogl.

Lib. 10. c. 48.  
In Xenijs.  
Sat. 11.

*Et Scythicæ volucres, & Phœnicopterus ingens.*

Ad Juvenalem porro notat antiquus interpres; a-  
vem esse, quæ habeat pinnas colore Phœnicio, & ro-  
strum incurvum & prolixum: in aquis degere, in A-  
frica abundare. hæc omnes insigniores notas refere-  
bat



bat Phœnicopteri ad vivum expressum exemplar,  
quod vir magnus ULYSSES ALDROVANDUS  
ad FABRICIUM transmissit, gerit autem Osiris  
hastam sibi cum Libero Patre communem, de qua ita  
Macrobius; colitur etiam apud Lacedæmonios simu- Lib. I. Sat.  
cap. 19.  
lachrum Liberi Patris hasta insigne, non Thirso. sed  
cum thyrsū tenet, quid aliud quam latens telum ge-  
ritur, cujus mucro hedera lambente protegitur? at  
Osirin Bacchum esse & paulo infra ostendemus, &  
ante nos probavit Plutarchus in Iside, & Osiride.  
qua ratione Antonius apud Dionem Ὀσίρις καὶ Διονύσιος Lib. 50.  
appellabatur. quod nec Aufonium latuit, canentem In Myobabo.  
de signo Liberi Patris.

*Ogygia me Bacchum vocat,  
Osirin Ægyptus putat.*

E Hunc ab Iside discriminat (e) Cercopithecus ille  
facer, cujus præter Juvenalem meminere Lucianus in Sat. 15.  
Legendus  
præterea Socrates hist.  
trip. lib. 9.  
cap. 27.  
Concione Deorum, Prudentius in Romano martyre,  
& adversus Symmachum.

*Isis enim & Serapis & grandi Simia cauda, &c.*

F Ornatur autum Isiacis symbolis, Lunaribus corni-  
bus, orbe patulo, & aspide. stat supra Thmuis (f), Non. ad 11.  
invest. Greg.  
Naz. in Iu-  
lian.  
Herodotus  
lib. 2.  
De sacrificijs.  
hircus videlicet Mendæus Pani facer, quem Ægyptij  
Mendeten vocabant. testatur insuper Lucianus Pana  
apud Ægyptios coli ὅλον τέλει. cujus mysterij ea vi-  
detur afferri posse ratio, quod Panis natalia insignire  
vellent. Pan etenim Penelopes filius dicitur, quam



*Virgil. Ecl. 2.* Mercurius ( ut est in fabulis ) sub hirci imagine compressit. ita Herodotus, Iun. Phylargyrus, Probus, &  
*Lib. 2.*  
*Serm. 7.* Theodoretus, ut hinc natum appareat id quod Antiquitas existimavit hircum in Mercurij tutela fuisse, ut in antiqua gemma.



*Lucianus in  
bis accusato.*

*Genes. c. 46.  
Appul. in  
Apologia.  
Herodot.*

*Coge Ægyptium ut ovium lacte vescatur.*

*Hieron. lib. 2.  
runt. Iovian.*

*Apud Theodoret. ser. 3.*

*Diodorus loco cit.*

*Lib. 1. Strabonem.*

*Diodorus.  
Tibullus  
lib. 1. ecl. 7.  
Plutarchus.*

Ideoque Pani *παῖον ἐνοργον* Athenienses macabant. notandum verò est, apud Mendesios honorem Caprarijs habitum, cum tamen Ægyptij Pastores ovium detestarentur. Oderant quippe lanam etiam, veluti se-  
 gnissimi corporis excrementum, quam vestitu Sacerdotum, & cadaverum humatione penitus ablegarant. at quid cognationis Pani cum Iside? Antiqui Theologi, quos Mythologos rectius appellaveris, inter quos Manethon, & Diodorus Isidem nihil aliud esse quam Lunam interpretati sunt; quam pulchellus amator montivagus Pan lanæ vellere ( si Poëtis credimus ) in sui amorem pellexit, sed in gratiam Ægyptiorum, qui fabellas hujusmodi aspernabantur, magis est, ut dicamus, Pana in comitatu Osiridis fuisse, ut prodit Diodorus. & quidem is *Διονύσης σερατηγός* fuit ex Polixeno, à quo Panici terrores & cornutæ acies. at Dionysium eundem cum Osiride fuisse facile probabitur; Herodotus enim scribit Osirin Bacchum esse ex Ægypto-



gyptiorum sententia. præterea utrique mystica Vitis,  
 utrique Hedera ab antiquis tribuitur : uterque Nisæ  
 altus, utriusque comites Chorus & Cantus, Satyri &  
 Panes. Serpens ipsa, sine qua Osiridem in Tabula nu-  
 squam videas, fuit Bacchi cinctus, & Bassaridum coro-  
 na, nisi dicere lubeat cum Diodoro Pana, & Osiridem  
 eundem Deum esse. Cercopitheco adstat Isis (g) Ne-  
 bride induta in Bassaridum morem, præfert Modium  
 Sarapidis insigne ut ex antiquis nummis, & Euse-  
 bio elicitur. Sarapin verò ΔΙΑ Græci, Latini Jo-  
 vem nuncupant, inquit Achilles Statius. imo Æscu-  
 lapium multi, quidam Osirin, plerique Jovem, pluri-  
 mi Ditem Patrem fuisse conjectant. jam verò quia  
 Isis vel Terra est (inquit Macrobius) vel natura re-  
 rum subjacens, soli ideo Isidi Modium veluti frugum  
 parenti adsignarunt. scribit enim Diodorus in Isidis  
 pompa alicubi triticum, & Hordeum præferri, ut ab  
 ipsa repertas fruges testarentur. & hinc factum est,  
 ut à quibusdam dictum sit, Cererem nihil aliud esse,  
 quam Isin. quo sensu Cererem Fariam dixit in *Apolo-*  
*getico* Tertullianus, ut recte monuit interiorum litte-  
 rarum decus J. L I P S I U S. (b) Osiridis subsequen-  
 tis caput ornat sacra Serpens in Tabula ita frequens,  
 ut in mentem veniat mirari hominum stoliditatem,  
 qui à D E O Opt. Max. ita aberrarent, ut sordidum  
 hoc animal venerarentur. neque verò Ægyptij tan-  
 tum huic dementiæ affines. Indi enim, Phœnices,  
 Arabes, Babylonij, Pœni, Bœotij, Epirotæ, Sicyo-  
 ni,

Clemens in  
 Protrept.  
 Athenæus  
 lib. 5. in de  
 script. Pom-  
 pæ Ptolemæi  
 Philadelphæ.  
 Lib. 2. histor.  
 eccl. lib. 5.  
 Cornel. Tac.  
 extremo.  
 lib. 4. hist.

Lib. 1.

Lib. 1. de  
 Cruce cap. 5.  
 Max. Tyrius.  
 ser. 28. Taau-  
 tus apud Eu-  
 sebiu.  
 Pausanias  
 Bœotia.  
 Daniel c. 14.  
 Sil. Ital.  
 lib. 6.  
 Stat. Theb.  
 lib. 5.  
 Ælianus

lib. 11. list. anim. c. 2. Pausan. Corinth. Val. Max. lib. 1. cap. 9. Ovid. 15. Metamorph.



Rabanus  
Maur. de in-  
stit. cleric.  
lib. 2.  
Ludovicus  
Barthema in  
Itinerario.

ni, Epidaurij, Romani, è nostris hæretici quidam, & novi Orbis incolæ huic insanix manus dedere. tanto studio Diabolus triumphati hominis symbolum, ut affereret laboravit: credo, ut eam jacturam refarciret, quam olim fecerat, cum serpentem DEUS inter omnia animantia, & bestias terræ maledictum esse jussit, nec defuerunt qui serpentis divinitatem litterarum monumentis consignarent, veluti *Taautus* ex Phoenicum placitis, & agmina Poëtarum, quorum licentia in hoc (ut cum Poëta dicam) exijt in immensum. Osiridis femoralia in conum desinentia, subinducant, latere ibi, ut ego quidem sentio, arrectum penem, qualem Osiridi tribuit Plutarchus; qua specie Romæ quoque Priapum expressum videmus, eo nimirum consilio, ut significaretur occultam, & latentem esse in Natura gignendi vim: imo quod miretur quispiam, in *Benavidiorum* Musæo apud nos extat muliebre marmoreum signum, antiqui operis, sub cuius tunica nescio quid ejusdem argumenti videtur latitare.

Ad





Ad quam regulam directum videtur Ægyptio-  
 rum dogma : Lunæ videlicet naturam permixtam,  
 & androgynam tribuentium , quo ejus vim genita-  
 lem assequerentur. à quo fonte manavit Carreno-  
 rum superstitio , qui Spartiani testimonio Lunum  
 Deum venerabantur. unde quamvis Græci (inquit il-  
 le) vel Ægyptij, eo genere, quo foeminam hominem,  
 etiam Lunam Deum dicant, mystice tamen Deum  
 D dicunt,

*Plutarchi de  
 Isid. & Osir.*

*In Caracal-  
 la. Vide &  
 Ammian.  
 lib. 23.*



In II. *Æneid.* dicunt. ad quæ intelligenda plurimum conferent Ser-  
*Lib. 3. Satur.* vius, & Macrobius. At Serpentem (i) Isidis capiti I  
*cap. 8.* impositam quo nomine appellabimus; Joannes Leo  
 Afer, qui Ægyptum hominibus etiam ociosis calamo  
 perviam fecit, narrat apud montem, cui Atlanti no-  
 men est, reptare tarde Dracones quosdam alvo cras-  
 sissima, cauda capiteque exilibus. alvum hic agnosco,  
*Cap. 30.* cetera non item. ego Aspida foeminam esse censeo,  
 cujus alvum tumidiorem esse testatur Solinus; inter-  
 polatam tamen, & ornatu quodam sacro Mystrarum  
 opera suffarcinatam, ut pleraque omnia in hac Men-  
*Ælian. lib. 6.* fa. *Aspides in diadematibus pictas Ægyptij Reges cir-*  
*de hist. an.* *cumferebant.* earum nomen apud Ægyptios, qui sa-  
*cap. 38.* cras esse censebant, Thermutis fuit. his coronabant  
*Lib. 10. c. 32.* Isidis simulachra, eamque in sceleratos Aspidem im-  
*Lib. 17. c. 5.* mittere fabulabantur. cum iisdem eam familiaritatem  
*Joseph l. 2.* contraxerant, ut cum infantibus educarent, & con-  
*contra A-* vivio adhiberent. felices & divinos reputabant, quos  
*pion.* illæ momordissent, huc referre possumus Ovidij car-  
*Lib. 9. Me-* men, de Isidis comitatu loquentis.  
*tam.*

*Plenaque somniferis serpens peregrina venenis.*

Falluntur enim qui de Crocodilo dictum inter-  
 pretantur. somniferis venenis plenam rite appellavit  
*Lib. 9.* ut & Lucanus.

*Aspida somniferam tumida cervice levavit.*

Quia miles apud eundem Aspide ictus.

————— *subita caligine mortem*

*Accipit, & Stygias somno descendit ad umbras.*

Pere-



Peregrinam interpretari possumus Niliacam. Lu- *Lib. 9.*  
canus de eadem.

----- *Niloque tenus metitur arenas.*

&

*At tibi Læve miser fixus præcordia pressit  
Niliaca serpente cruor : -----*

Ammianus Marcellinus, serpentes quoque Ægyptus alit innumeras ultra omnem perniciem sævientes, Basiliscos & Amphisbænas & Scytalas & Acontias, Dipfadas & Viperas, aliasque complures, quas omnes magnitudine & decore Aspis facile supereminens, nunquam sponte sua fluenta egreditur Nili. *Lib. 22.*

Pigram vocavit Ovidius.

*Lib. 2. Amor. eleg. 13.*

*Pigraque labatur circum donaria serpens.*

Et prope simulachrum Isidis argenteam statui consuevisse docet Juvenalis.

*Sat. 6.*

*Et movisse caput visa est argentea serpens.*

Accedit Appulejus, qui in Pompa Isidis *Aspidem* *Lib. 11. Met.* recenset *squamæ cervicis striato tumore sublimem.* Val. denique Flaccus, ne ullus hæsitacioni locus relinquatur, de Ifide canit. *Lib. 4. Argon.*

----- *Et procul Io*

*Speñtat ab arce Poli jam Divis addita, jamque  
Aspide cincta comas, & ovanti persona Sistro.*

Addatur corollarij vice, quod infaniam redoleat,



Epiph. lib. 1.  
adv. her.

Apud Euseb.  
lib. 1. de  
prep. Evang.  
Cap. ultimo  
Euseb. loco  
cit.

Lib. 27. c. 7.  
lib. 3. c. 25.

Horapollon  
lib. 1.  
Epistolicar.  
quest. lib. 2.  
ep. 1.

Lib. 16. Hie-  
rogl.

in quaternos Templorum angulos fuisse in more positum, ut aspides fictilibus conclusæ injicerentur. neque omnino male Serpenti huic nostræ Accipitris caput impositum fuit. Epies enim μέγιστος ἱεροφάντης καὶ ἱερερχαμμάδης ita scribit τὸ πρῶτον ὃν θεότατον ὅφιν ἐστὶν ἱεραχὲν ἔχων μορφῶν. imo Ægyptij mundum describentes inter cætera ὅφιν ἱεραχέμορφον appingebant. Isis adhæc manu prætendit Absinthium marinum, Seriphiumve, quod & Plinius & Dioscorides ab Isiacis præferri consuevisse testantur. nascitur id in Taph Osiri Ægypti, ideo non mirum si Isis præferat in mariti memoriam. ita conjicio ego, præjudicio non obfuturus, si quis meliora in medium attulerit.

In (k) Osiridis icone subsequente id unum animadversione dignum videtur, sacrum sceptrum Cucuphæ avis capite ornatum, cui aut ob pietatem in parentes id honoris Ægyptij habuerunt. hanc primus, quod ego sciam, Cælius Calcagninus, qui Horapollinem latinum fecit & commentario illustravit, Ciconiam interpretatus est. non rectè ni fallor; obstat enim & figura & vox. PIERIUS Cicumam appellat, è Ciconiarum ut ipse inquit genere; quod omnino mirum visum est, cum cicuma Festo & Isidoro Noctua sit. apud eundem Regium Sceptrum delineatum est, quod ipse contra rei præsentis, atque ante oculos propositæ fidem, refert extare in ahenea BEMBI Tabula. non videtur autem in hoc peccasse Vir doctissimus, qui Tabulam non semel viderat: sed pictores potius, ad quorum notitiam ea non pervenerat.



rat. Cucupham ego Upupam interpretor, quam & figura & Plinius exprimunt; crista nimirum visendam plicatili, quam contrahit, subrigitque per longitudinem capitis. accedit Ælianus, qui Upupas ceneri scribit apud Ægyptios, *quod in parentes piæ sint.* Lib. 10. c. 29. Lib. 10. de hist. an. c. 17. lib. 26. c. 5. & alibi tradit idem scriptor, Upupam Indorum Regi eadem ratione in delicijs esse: ibidemque recitat fabellam Brachmanibus familiarem, quæ pietatem in parentes commendet. vox postremo *κρυψα* ab Upupa non abit, quæ videtur irrepsisse in egregium Auctorem, manus violentas non semel passum, quem concisum esse, & mutilum cum liqueat, nemo sanus integrum præstare audebit. & sane videtur vox latinogræca, ne barbaram dicamus, quales usus, & mala illuvies infelicium sæculorum invexit. Suidas enim, quo uno niti videntur Ciconiæ adsertores, huc non respexit. GOROPHIUS Alaudam, seu Galeritam esse censet, non omnino male, cum ex Aristophane pateat, Indorum narratiunculam Galeritæ à Græcis adtributam fuisse. In ἀντίκρυ λαρυγίη. Pone Osiridem Lib. 8. Hierogl.

**L** (1) Gryps est, Soli, idest Osiridi sacer, quem Indorum pictores Solis quadrigis jungebant; ut hinc detur intelligi, cur in Gallieni nummo hujusmodi animal inscriptum sit APOLLINI AUG. & quidem Philostatus lib. 3. de vita Apollon. Poëtæ etiam, uti Sidonius panegy. in Anthemiū ut in Burgo Pontij Leon- tij. Appulejus stolam Olympiacam Sacratorum describens, ait: *hinc Dracones Indici, inde Gryphes Hyperborei, quos in speciem pinnatæ alitis generat mundus alter.* hic tamen auritus non est, ut delineant Plinius, & denarius Papiæ Gentis. accedit autem ma-



*Lib. 4. c. 26.* gis ad Ctesiae narrationem, qui apud Ælianum scripsit *Aquilino ore esse, & capite.* hæc omnia cum hæsitazione dicta sunt. quid enim prohibet Monstrum hoc in numero Sphingum reponi?

*Lib. 2.*

*D. Greg. in-  
vect. 11.*

*Diodorus,  
Sic. lib. 1.*

*Pausan. Elia-  
cor. poster.  
Diodor. Sic.  
lib. 1.*

*Ovid. lib. 1.  
Metamorph.  
Ælian. lib. 2.  
var. hist.*

(m) Isin cornibus exornabant Ægyptij, ut Herodotus, & Nonnus præter ceteros, testantur. an propter aspectum recentis Lunæ, qua ratione signum Lunæ cornutum apud Eleos videtur extitisse? an respectu Bovis, qui ipsi mactabatur? an quia fruges invenisset, & sine bobus vix aut difficile constaret agrorum cultura? an verò quod Inachi filia esset, quem Taurinis cornibus instructum, ut fluviorum plerosque, coluerit antiquitas? qualem Acheloum effingebant Acarnanes.



*De præp. Eu.  
lib. 1. cap. ult.*

*Lib. 1. part.  
2. cap. 2.*

*Val. Max.  
lib. 5. cap. 6.  
Inl. Capitoli-  
nus.  
Phuarchus.*

*Exod. 34.*

An quod id esset Regium insigne, ut de Astarte sua produnt Phœnicum Theologi apud Eusebium? quod & apud Ægyptios Reges, referente Diodoro, usu receptum est. quo spectant cornua enata in capite Genucio Cipo Prætori, & omen de Tauro cornibus suspenso, Antonino Pio factum antequam imperaret. neque ineptum erit arbitrari allusum ad Galeam, quam è Bovis capite fabrefactam Isidis capiti Mercurius imposuit, vel postremo eos Moysen sanctissimum virum



virum æmulari voluisse, qui à congressu Domini  
DEI Exercituum faciem cornutam referebat. fuit  
enim semper Diabolus divinorum operum usque ad  
imposturam æmulator, ut olim Sanctissimus vir JU-

*In colloquio  
cum Tripho-  
ne.*

STINUS Martyr, & nostro sæculo CÆSAR BA-

*Annal. 10. 1.  
quibus adde*

RONIUS Cardinalis, cui Christiana res æternum  
debebit, luculentissime probaverunt. neque enim ab-

*Ananiam.  
de Nat. De-*

horruit Ægyptus à Judæorum institutis; inde nam-

*mo. lib. 2. &  
Vairum de*

que videtur effluxisse, & circumcisio, & ovium ar-

*Fascino lib.*

borumque, Circumlitio, quam ab Hebræis Agni san-

*2. cap. 1.  
Herod. lib. 2.*

guine postes illinentibus arripuerunt. Stellam, qua

*Epiph. adv.  
her. lib. 1.*

Isidis cornua distinguuntur Σὼθιν Ægyptij, Ἀσπερὺων

Græci nuncupaverunt ut docet Horapollon. Latini

*Lib. 1. cap. 3.*

Luciferum & Vesperum, alij aliter. Plinius: jam ma-

*Lib. 2. cap. 9.*

gnitudine extra cuncta alia sidera est: claritatis qui-

dem tantæ, ut unius hujus stellæ radijs umbræ red-

dantur. itaque, & in magno nominum ambitu est. a-

lij enim Junonis, & alij Isidis, alij Matris Deum ap-

pellavere. Hyginus maximam vocat, ut non ab re ta-

*In poet. A-  
stronom.*

lem in Tabula toties conspiciamus. reliquæ sunt hu-

jus primæ Regionis postremæ tres imagines, quarum

N prior, (n) Osiridis nimirum, læva manu Modiolum

exhibet, præclarum illum Sarapidis Tutulum, de quo

paulo supra verba fecimus, quemque præ oculis ha-

buisse videtur Lucianus, ille hominum Deumque

*De sacrifi-  
cijs.*

conviciator, quando scripsit ποτήριον Ægyptiorum

quibusdam Deum esse. penultimi signi insigne gesta-

O men sunt Osiridis (o) testes (quod nemo non rideat)

oculati. licet enim oculus hic non ita exacte appareat,

in



in gemma tamen, quam Molochiten vocant apud  
NIC. FABRICIUM liquido conspicitur.



*Lib. 1. Satur.  
cap. 21.*

*Euf. ex Dio-  
doro, lib. 1.  
prap. Eu. c. 6.*

*Lib. 1. cap. 2.  
Plutarchus.*

*Arnob. lib. 5.  
adv. Gent.*

*Herod. lib. 2,*

*Ad 1. In-  
vestiv.*

*Nazianz.  
lib. 5.*

*In orat. Gre-  
gor. in sancta  
Lumina.*

*in Poët. astr.  
Theodoret.*

*ser. 8.*

*Clem. Alex.  
in protrept.*

*Theodoret.*

*serm. 1. & 3.*

*Plut. Suid.  
in quib.*

*Athenaus  
lib. 24.*

*Arnob. lib. 5.  
adv. gent.*

*Diodor. Sic.  
l. 1. par. 2. c. 4.*

*Petron. Arb.*

Ut minus mirum sit, quod scripsit Macrobius, Ægyptios ut Osirin, qui Diodoro, Plutarcho, & Eusebio multioculum significat, exprimerent, speciem oculi delineasse. testes verò sacravit Isis, quæ cum Osiridis, à fratre Typhone interempti, reliquias anxie conquireret, ejusdem pudendorum imaginem divino cultu honestavit, ut inquit Diodorus. alij tradunt Pamylen quandam hoc instituisse, & Pamyliæ festa appellasse. hinc, veluti è perenni superstitionum fonte, manarunt apud Græcos Dionysia Ithyphallica, non sacra, sed scelera, quibus, inquit Arnobius, in Liberi honorem Patris Ithyphallos subrigit Græcia, & simulacris virilium fascinorum territoria cuncta florescunt. erant autem ficulnei, quia ficus inventor Bacchus, seu coriacei, è collo pendentes, ut narrant Herodotus, & Nonnus. aureus enim ille CXX. cubitorum, cujus meminit Athenæus extra ordinem fuit. Turpium initiorum originem cum insectatione referunt præter Arnobium, & Nonnum, Nice-tas, & Hyginus. hinc Phallagogia; Phallophoria, Ithyphalli, & Phallophori. hinc Veneris Cypriæ abstrusæ illæ initiationes, quarum participes pro-  
stipe



stipe collata phallis donabantur. hinc Satyrorum, Faunorum, Silvanorum *Διοφύωσις*. neque aliunde effluerunt propudiosa illa Priapi secreta, quæ traducere nefas fuit. hinc Mercurij fascinus, à Cyllenijs cultus, Atheniensium religione sacer. hinc Neurospasta apud Lucianum, & remedium, præbiave in collo pueris, res turpicula, Fascinus videlicet, quem *infantium custodem* appellat Plinius. hujus amuleti speciem ex ære, lapide lazuli, corallio, & crystallo hîc damus in gratiam eruditi lectoris.

*Pausanias Eliacor. poster. Herod. lib. 1. & Lucian. de Syria Dea. Varro lib. 6. de L. L. Plin. lib. 28. cap. 4.*



*P* Claudit agmen (*p*) Isis cum Sacro sceptro, cuius *προτίμησης* est loti flos, Solis amator, perinde ac mariti Isis. quem florem non modo Ægyptij, sed & Basilidiani magnifecerunt, in quorum portentosis amuletis cernitur cum insidente Sigalione.

*Plin. lib. 13. c. 17. & 18.*

*Hæc Deo volente in Auctario dabimus.*

*Q* Intermediæ regionis primas obtinent bina (*q*) Ifidis simulachra, cum subligaculo, cætera investia, pensili, & prominente mamma, quod factum videtur eo, quia Isis *πη* & *πυνδεχης* ex Platone apud Plutarchum crederetur. imo Macrobius scribit, continuatis uberibus Dæx (Telluris an Ifidis intelligas parum refert) corpus omne censer. & audio extare hujus-

*Explicatio intermediæ sectionis Mensæ Ifidæ.*

*Plutarch. de Ifide & Osiride.*

*Macrobi. lib. 1. cap. 20.*

E

modi



modi signa Romæ, quæ ego Isidis esse existimo, ci-  
stam secretorum capacem capite gestantis. juvat ve-  
tus numisma Hadriani Imperatoris in quo Isis puel-  
lum Orum uberibus exercis admovet.



Lib. 4. Et hinc suspicari licet effluxisse cognomen Cere-  
ris mammosæ apud Lucretium, & almæ apud Vir-  
gilium: cum Ceres eadem cum Iside fuerit, ut vel ex  
Pausan. Co- eo patet quod apud Hermionenses in fano Sarapi-  
vinthiac. dis, & Isidis arcana Cereris statuta, & sollempnia erant.  
ex hac indiscreta numinum ratione Ἀρεμῖς quo-  
que Ε'φεσῶν multimammia in eorundem nummis  
Ostasio. conspicitur. Minucius Felix. & Ephesia mammis  
multis, & uberibus extracta. Ceres enim, & Luna  
Lib. 1. Georg. (seu Dianam mavis) eadem sunt ex sententia  
maximi Poëtarum.

----- vos ô clarissima Mundi  
Lumina, labentem Cælo quæ ducitis annum,  
Liber, & alma Ceres-----

Lib. 3. adveri- Non indocti apud vos viri (inquit Arnobius) ne-  
Gent. que quod induxerit libido garrientes, Dianam, Cererem,  
Lunam caput esse unius Dei triviali germanitate pro-  
nun-



nunciant. in hac hæresi fuit Marcianus Capella, qui in Lunæ globo sinistra Niliaca, Eleusiniam Lampada, arcus Dictynnæ, Tympana Cybeles collocavit. Superstat (r) Apis, imago Tauri Cælestis, Lunæ & Isidi sacer, & ideo in comitatu Isidis recensetur ab Ovidio & Appulejo. ut autem ipsi augustiores natales affingerent, ex vacca fulgure afflata conceptum fabulabantur; festo etiam septem dierum instituto, quo manente Crocodili ingenitam feritatem exuebant. & numerus septenarius huic genti sacer fuisse videtur in festis diebus. Juvenalis enim ita de Ægyptiorum privilegijs.

*Pervigilique thoro, quem nocte ac luce jacentem  
Septimus interdum sol invenit -----*

Si causam quæras, religioni aptissimus visus est, magni etiam Pythagoræ instituto, ab Ægyptijs forsitan Sacerdotibus, ut alia multa in ea secta, promanante. compertum Apin Memphin deducebant: ideo Lucianus & Clemens Alexandrinus à Memphitanis cultum Apidem testantur. Memphi præterea initiabatur. Solinus; quem repertum centum Antistites Memphin prosequuntur; ut incipiat sacris ibi initiatus sacer fieri. eadem habet Marcellinus, qui addit in Thalamum induci solitum. qui eum consecrabat, de more ritumque priscæ religionis diadema gestabat: & Memphi Regis Ægyptij primum sacris initiabantur, & in Regni folio collocabantur. excipiebatur autem Apis hilaritate sum-

Lucianus de Astrol.  
Theodoreus serm. 3.  
Ælianus lib. 11. de histor. an. cap. 10.  
Luciat. Placid. III. Theb.  
Ovid. 9. Met.  
24. Amor.  
Appul. 11. Met.  
Pomp. Mela. lib. 1. cap. 8.  
Plin. lib. 8. cap. 46.  
Solinus cap. 35.  
Ammianus Marcellinus lib. 22.  
Sat. 15.  
Appuleius lib. 11.  
Diodor. lib. 1. par. 2. cap. 4.  
De sacrificijs.  
In Protrept.  
Sidonius ad Magnam Fel. Cos.  
Non Apin Mareoticum sonabo.  
Ad Memphiticam sinistra concitari.  
Suet. Tit. Commentator Germanici Cæs.



Lib. 3. ma, ut referunt Herodotus, & Ælianus, quandoque  
 Lib. 11. c. 10. turbis popularibus; apud quos deberet locari (inquit  
 In Hadriano. Spartianus) omnibus studiose certantibus. ejusdem  
 afflatu, si credere dignum est, concitati puerorum  
 Plin. Solinus greges futura præcinebant, quos *πεσφίτας* videtur  
 Ælianus appellare Lucianus. Delubra eidem gemina; seu  
 Lucian. in Thalamos adsignat Plinius, Aulam Herodotus, Psam-  
 Deor. concil. mitichi opus, in qua vice columnarum stabant colof-  
 Plin. l. 8. c. 46. si duodenum cubitorum. vide Strabonem lib. 17.  
 Herod. lib. 2. ubi Memphin, & Apidis Templum enarrat. eundem  
 Plinius, & stato die, ultra quem vivere fas non erat, aquis merge-  
 Solinus. bant, idque ex auctoritate librorum mysticorum, ut  
 Plutarchus. ait Amnianus. Memphi sepeliebant: & peracta se-  
 Paus. Actic. pultura, tum demum Sacerdotibus in Sarapidis Tem-  
 Tibul. lib. 1. plum ingredi licebat. demersum serio ipsi ridendi lu-  
 El. 7. gebant. in luctu cæsariem attondebant. alterius re-  
 Lucian. de pertu cessabat luctus. cæterum quod ad nos attinet,  
 sacrif. & de Apidis notæ investigandæ sunt, in quibus describen-  
 Syr. Dea. dis auctores ita variant, ut recte cecinerit Ovidius.

Lib. 9. Met.

----- *varijsque coloribus Apis.*

In concil. Nec male Lucianus variegatum, seu discolorem  
 Deor. lib. 3. appellarit. Herodotus namque has Api adscribit no-  
 tas; ut sit toto corpore niger, ut in fronte candorem  
 quadratum, in tergo effigiem Aquilæ, in lingua Can-  
 Lib. 17. tharum, duplices in cauda pilos habeat. Strabo ni-  
 grorem corporis albedine quadam in fronte, & alibi  
 interstinctum in litteras retulit. Plinius in dextro la-  
 tere



tere candicantem maculam, & nodum Cantharum  
 five scarabæum sub lingua assignat. Solinus notæ al-  
 bæ maculam tribuit. Pomponius Mela nigrum, &  
 cauda linguaque dissimilem aliorum refert. Ammia-  
 nus Marcellinus, & Ælianus corniculantis Lunæ  
 congenitam speciem notant. à quibus omnibus abit  
 ut plurimum Apis in Tabula expressus. dicendum  
 ergo, aut non fuisse Notas easdem perpetuo, quod  
 nemo sanus negabit. qui enim poterant ea ludentis  
 Naturæ stigmata, nulla intercedente cognatione se-  
 minis, eadem ad unguem prodire semper? ex inter-  
 vallo temporum præsertim. quod enim scribit Plini-  
 us, non unquam diu quæri, improbatur testimonio  
 Herodoti, Spartiani, & Marcellini, & ex eo præte-  
 rea, quod Darius commentus est, ut à se deficientium  
 Ægyptiorum gratiam iniret, præmio videlicet talen-  
 torum centum ei proposito, qui Apin adduxisset. aut  
 dicemus cum Æliano, minime Ægyptijs probatam  
 fuisse narrationem Herodoti, & aliorum: ipsi enim  
 multo plures Notas, easque diversas recensebant.  
 quare consulto videntur fecisse Pomponius Mela, &  
 Amnianus; quorum alter Apin certis maculis insi-  
 gnem, alter diversis genitalium notarum figuris ex-  
 pressum appellat. conveniunt tamen omnes, Hero-  
 doto excepto, in Lunæ recentis notam dextro lateri  
 ingenitam, quam & in mensa agnoscimus, & in æreo  
 nummo Hardriani Imperatoris se vidisse alij testati  
 sunt. animadvertit autem Achilles Statius, quod ad  
 rem nostram facit. *Niloticis bobus cornua temporibus*

*Polian. Stra-  
 teg. lib. 7.*

*Sebastianus  
 Erius de  
 Nomism.  
 Lib. 2.*



*alte consurgentia ita curvari, ut summæ illorum partes coire videantur, & plenæ Lunæ ambitum exprimere.*

*Lib. 4. c. 10.* notavit autem Lactantius Firmianus, Hebræos olim

*Exod. c. 32.* ad profanos Ægyptiorum ritus conversos, Apin coluisse; quando nimirum longioris moræ, quam Moyſes cum DEO fecerat impatientes, vitulum conflatilem cultus causa erexerunt. hujus farinæ fuerunt vituli aurei, quos Jeroboam in Bethel, & Dan constituit. consuevit enim populus ille duræ cervicis, abominationes vicinorum in DEI viventis contumeliam impendio colere, ideo adsciti atque ac-

*3. Reg. c. 12.* cerſiti ab exteris nationibus Reemphaam Chaldæorum, Sidoniorum Baal, & Astaroth, Phœnicum Da-

*Act. Apost. c. 7.* gon, Moabitarum, & Ammonitarum Camos, &

*3. Reg. c. 11. & 17.* Moloch sive Melchon. ex eadem schola prodierunt

*Judic. c. 10.* Aruspices, Effeminati, Galli, Fanatici, Conjectores,

*4. Reg. c. 23. & 21. lib. 4.* Excelsa, Luci, & reliqua Gentium nugamenta. ne-

*c. 18. & 19.* que vicinos tantum Hebræos, sed & longe diffitos Cocinenſes, & Malabares videtur invaſiſſe mala hæc

lues, Deos sibi ex armentis Boves ſeligendi; niſi fallunt rerum Indicarum ſcriptores frequentes, & fidei

*Rer. Indicar. Auctores à Ramnuſio editi to. 1.* non improbatæ. adſtant Apidi ſacerdotes, (ſ) Pro-

*De ſacrific. Sin Philoſophend.* phetæ videlicet, ſive ſcribæ; mento etiam raſo, ut

*Lib. 1. cap. 2.* eos perſtringit Lucianus, ſacras ejuſdem Notas velut

*De Iſide, & Ofiride.* perveſtigaturi. Neque vero Iſidi tantum, ſed &

*Lib. 1. Saturn. cap. 21.* Ofiridi, Oro, & Apollini ſacer fuit Apis, Diodoro,

*Ælianus lib. 11. de* Plutarcho, Macrobio, & Æliano aſſerentibus. Eu-

*hiſt. an. c. 10.* ſebius etiam ex Porphyrio nigredinem & Cantha-

*Lib. 7. de præp. Evang. cap. 3.* rum ad Solem trahit. appoſite ſinguli, teſtatur ſiqui-

dem



dem Appuleius, connexam, imo vero unicam rationem numinis, religionisque (in Ifide, & Ofiride) esse.

T De (t) Ifide, cujus prope cernimus cornigerum simulachrum, nihil habeo quod dicam, eximium aliquantisper aut singulare. nisi forte ad rem putet aliquis pertinere capillitium satis prolixum, & excultum, quod Memphitæ ostentare solebant, à quo & frutici lapidescenti nigro, & Coralium imitato nomen inditum: quod forsitan Isis eâ licentiâ, quâ cetera, Absinthio congenitum in superiori segmento manu præfert. hosce comæ honores æmulata Berenice, longe meliori invento cæsariem cælo inferri passa est, quam Callimachus, & Catullus insignes Poëtæ carmine magis, quam radio Conon illustrarunt.

V Avis (v) illa muliebri facie, vel erit Siren, qualem delineant nummi veteres Valeriæ Gentis, apte ad Ovidij Metamorphosin, lib. 5.

Lucian. ad-  
vers. indo-  
ctum.  
Plin. lib. 12.  
cap. ult.

Sub. lit. I.

Apud F. Ursinum.

----- vobis, Acheloides, unde

*Pluma pedesque Avium, cum Virginis ora geratis?*

Sirenes autem Proserpinæ comites fuerunt, quam cum Ifide eandem monstrare, Plutarcho præsertim asserente, quispiam non magno negotio possit. intercessit præterea inter Ifidem, & Sirenes cognatio aliqua; cum narret Apollodorus ex Acheloo, & Melpomene Mnemosynes filia Sirenes natas. at Hermopoli Musarum princeps (Calliopen intelligo) Ifidis & Justitiæ nomine censebatur. vel si negemus esse muliebrem faciem, & virilem asseramus, ut capitis

Lib. 1. Bib  
lioth.  
Plutarchus.

orna-



ornatus subindicat, quem frustra alibi quam in virili  
 Icone quæsieris, dicemus esse Osiridis symbolum, ex  
 Accipitre, de quo infra ad satietatem dicemus, & O-  
 siridis vultu conflatum. cuius & Isis, Solisve, &  
 Lunæ conjunctionem seu relationem, quam è na-  
 turæ fontibus hausit, nemo veterum non agnovit,  
 indicat imago sedens, cui appositum est Ibidis caput,  
 peculiari & insigni (ut dicemus) unius (x) Isis nota. X  
 Crocodili præterea gemini throno subjacent, ani-  
 mantes apprime solares, quos Jamblichus propter  
 hexagonarium numerum cum sole convenire scribit.  
 tradit enim Aristoteles parere eos ova sexagena, quæ  
 per totidem dies foveant, ultra quem numerum an-  
 norum, maxime vivaces, minime progrediuntur. com-  
 probaret Jamblichi dictum nonnihil Achilles Statius,  
 qui prodidit Crocodili dentes, si ad numerum redi-  
 gantur, anni dies æquare; at ipsemet mendacium ve-  
 ritus, testimonij auctoritatem verbo elevavit. plura  
 in hanc sententiam Ælianus lib. 10. est autem hic nu-  
 merus Astrologis prima mensura, quem τέλειον Græ-  
 ci, nos perfectum vocamus, inquit Censorinus. neque  
 alia ratione factum putarim, quod apud Eusebium le-  
 gitur, Solis imaginem Ægyptios in navi collocasse,  
 quam Crocodilus gestaret. quod navigium Mar-  
 cianus Capella, cui nos non omnino malam medici-  
 nam fecimus, ita describit: cui Nautæ septem, ger-  
 mani tamen, sui que consimiles præsidebant, in prora Fe-  
 lis forma depicta, Leonis in Arbore, Crocodili in ex-  
 timo videbatur. Felis nomine Ælurum intellige, &  
 omnia

Pag. 52 &  
72.

De myst. *Egypt.*

Lib. 5. de  
hist. anim.  
Plutarchus.

Lib. 4. in st.

Plutarchus.

De die Natali  
cap. 11.

De præp. Eu.  
lib. 3. cap. 3.

Lib. 2. de  
Nupt. Phil.



# EXPOSITIO.

41

omnia in unguem quadrabunt , Crocodili sculpturâ Oriens , & Occidens , Cîrci Solaris Metæ exprimebantur , ut retulit Horapollo. eorundem antiquiores divinatione pollere Ægyptij arbitrabantur , cum de consulentium manu cibos caperent , vel aspernarentur , ut de Api narrat Plinius. Crocodilorum cultores fuerunt Ombitæ , Coptitæ , & Arfinoitæ ; Thebani , & Mœrios stagni accolæ. quin & Urbi nomen à Crocodilis inditum : ipsis divini honores adtributi , ut asseruit præterquam plures nobilis Geographus , qui hujus præposterius cultus spectator fuit. Tentyritæ è contra , & qui circa Elephantinam erant interficiebant. Juvenalis.

Lib. 2.  
Ælian. l. 8.  
cap. 4.

Ælian. l. 10.  
de histor. an.  
cap. 21. 24.  
Herodotus  
lib. 2.

Strabo. l. 17.

Sat. 15.

*Inter finitimos vetus atque antiqua simultas;  
Immortale odium & nunquam sanabile vulnus:  
Ardet adhuc Ombos , & Tentyra , summus utrinque  
Inde furor vulgo , quod numina vicinorum  
Odit uterque locus , cum solos credat habendos  
Esse Deos , quos ipse colit. -----*

Omnia ad historiæ fidem. Josephus enim , gravis in primis auctor , Apionem refellens , objicit , Ægyptios inter semet religionis ergo præliari. invaluerat enim pravus hic mos in universa Ægypto , politico quodam Regum consilio , ne scilicet populi paria sentientes facile contra ipsos conspirarent , quæ fraus utinam ad quosdam è nostris , magno Christianæ Reipublicæ malo non pervenisset !

Lib. 2.

Diodor. Sic.  
lib. 1. par. 2.  
cap. 4.

F

fed



sed caveant. *malum enim consilium*, ut vetus est dictum, *consultori pessimum*. plerasque alias harum barbarum causas ne pigeat videre apud Plutarchum, qui narrat grave bellum sua tempestate conflatum, ex huiusmodi cultus disparitate, inter Cynopolitas, & Oxyrynchitas. *Ombitæ* liberos suos à *Crocodilis* raptari (ô tenebras!) mirifice gaudebant. at non ita visum Cleomeni, homini Alexandrino, qui huiusmodi ineptias in privatam nundinationem convertit. Tentyritæ, & Apollonopolitæ egregie, qui noxias bestias oderant, & interficiebant. causam quæris? Typhonem Osiridis illum interfectorem, Deorum omnium hostem, in Crocodilum conversum esse existimabant. Typhonem hunc, ne quid indictum abire patiamur, arbitrabantur Ægyptij vim quandam malam, & tyrannicam esse; à quo, ut verbo dicam, incommoda omnia fluerent. hæc ipsis Typhon, Seth, Bebon, & Smy appellabatur. ossa Typhonis ferunt; Typhonem ipsum rufi coloris fuisse dictitabant. hunc Manilius proprijs videtur coloribus depinxisse.

*Scilicet in Piscem sese Cytherea novavit.*

*Cum Babylonicas submersa profugit in undas,  
Anguipedem alatos unguis Typhona ferentem*

Ab hac radice pullularunt Magorum somnia de Oromaza, & Arimanio; Manichæorum commenta, Incantatorum præstigiæ, Gnosticorum, & Marcioni-

Plutarcho  
adjungendus  
Appollo Ab-  
bas. Apud  
Pallad. in  
Laus. sect. 48.  
Ælianus  
lib. 10. c. 21.  
Maxim. Ty-  
rius ser. 35.  
Arist. de Re.  
Famil. lib. 2.  
Ælianus  
lib. 10. c. 21.  
Plutarchus.

Manil. lib. 4.  
Plutarchus,  
quem omni-  
no vide, &  
Agath. lib. 2.  
hist.  
Rabanus  
Maur. de in-  
stitut. cleric.  
lib. 2.  
Pet. Sic.  
Sulpic. Seve-  
rus hist. sac.  
extremo  
lib. 2.  
Isidorus de  
vir. illustr.  
& lib. 5.  
Etym. cap. 5.  
Theod. ha-  
ret fabul. l. 1.  
D. Hier. ad-  
vers. errores  
Joan. Hiero-  
sol.



cionistarum deliria, qui duo principia asseruerunt. Inter Ibin, & Crocodilum, ut in semitam redeamus, ea intercedit *ἀντιπόδεα*, ut solo Ibis pennarum contactu (si Æliano credimus) Crocodilus statarius fiat. Osiridi anteambulonis, Isidi stipatoris *ο-*  
*Y* peram præstat (*γ*) Orus, ut arbitramur, de quo inferius \* agemus; peritos Structores imitati, qui in paupere domo ita convivium instruunt, ut Cenæ caput plerumque in extremos missus rejiciant. Isis  
*Z* (*ζ*) in folio sacro Tabulæ meditullium obtinet, universæ rei contextum & seriem sibi vendicans. ornat ipsius verticem Numidica guttata, caput fovens expansis alis, quali positu cernitur & in antiquo æreo sigillo, quod seorsum in AUCTARIO \* dabitur. & fane Pausanias docuit nos, apud Tithorenses Meleagridæ ave Isidi fieri Ægyptio ritu. avi impositus cestricillus, è quo surgunt bina Perseæ folia, & cornua illa satis decantata, inter quæ bicornis Scarabæus, quem Taurum Aristoteles, Lucanum vocavit Nigidius, Lunæ sacrum, ut notat Horapollon, quod, ut & Porphyrus animadvertit, in partu fovendo VIII. & XX. dierum periodum Lunarem observet. Scarabæi charactere Ægyptiorum bellatores signabant, ea ratione, quod cum foeminino genere hoc insectum careat, viros utique solos deceat bella tractare. addit Plinius ab Ægyptiorum plerisque inter numina coli. imo è gemma, lapideve eisdem elaborabant, in eum videlicet usum, ut filo trajectos gestarent; cuiusmodi è Sarda vidi apud amicum meum. EDMUND

*Lib. 10. de  
hisor. anim.  
cap. 30.*

*\* Pag. 50. &  
seqq.*

*\* Tabula. V.  
In Phocidis.*

*Lib. 5. de hi-  
stor. an. c. 19.  
Plin. lib. 11.  
cap. 28.  
Porphyrus.  
lib. 4. de ab-  
sinentia.  
Plutarchus  
& Ælian.  
lib. 10. c. 16.*

*Lib. 30 c. 11.*



44 MENSÆ ISIAE

DUM BRUTZIUM insignium rerum acerrimum  
conquisitorem. Isis ipsa plumatili veste induta est, è  
Numidicæ pennis confecta, familiari ut videtur, &  
penè domestico integumento, quod fortasse gutta-  
rum specie Osiridis etymon referret. Ferculi basin  
ornant (aa) Hieracosphynx, & (bb) Canopus, AA  
de quibus sermo erit \* inferius. Sceptra baculosve, BB  
quos & à lateribus, & in basi conspiciamus, Artapani  
testimonium insignivit. is enim apud Eusebium re-  
fert, cum Tellus à Moyse baculo icta, Muscas, Ra-  
nas, Locustas, & alia huiusmodi fastidia protulisset,  
consuevisse Ægyptios in templo Isidis, quæ Terra  
foret, Baculum, cultus, & memoriæ gratia collocare.  
hæc apud Pierium pessime descripta sunt, ab ijs for-  
san, qui Autographa non capiebant. Oro stanti, è  
regione est (cc) fœmina, de cuius nomine mihi CC  
non liquet. scio quidem Ægyptijs cultas esse Ne-  
phtyn, quam Finem, Venerem, & Victoriâ esse  
censebant; Tithrambo seu Hecatem, Thermutiden,  
& Eumenutin Canopi uxorem; Themidem, Ve-  
stam, & Gratias, at hæc omnia nihil ad Bacchum, ut  
in Adagio est. ad (dd) Osiridem veniamus, cuius DD  
scabello insculptus Leo est, apponi solitus sub Ori  
Throno, ut Horapollo testatus est, cuius auctoritas  
apud me magna pervicit aliquando ut crederem, i-  
cones omnes, quæ Upupam præferunt in virga sacra  
(ut ipsi appellabant) Ori esse, quem necis paternæ  
vindicem fuisse scribunt omnes. hæc mihi suppressere  
non libuit, quæ fortasse amatorem invenient. pul-  
crum

πολύβοταλ-  
μος.

\* Pag. 70  
75.

Lib. 9. præp.  
Eu. cap. 4.

Lib. 14. Hie-  
rogl.

Plutarchus.

Epiph. lib. 3.  
adv. her. &  
in Ancor.  
Herodot.  
lib. 2.

Lib. 1. c. 71.



crum enim duxi semper veritatem, etiam per existimationis dispendia conquirere. utcumque hæc se habeant, non hallucinabitur, qui Solem, Orum, & Osiridem in unum redegerit, & Osiridi Leonem assignarit. ignitæ namque naturæ animal, caloris, & ignis auctori convenire arbitrabantur. & Solem retulit Porphyrius à quibusdam Lacertum, Leonem, Dra-

*Lib. 4. de ab-  
stin.*

*Macrobius.  
lib. 1. Satur.  
Herod. lib. 1.*

conem, Accipitrem appellari. ad hæc Leonis signum in Zodiaco Ægyptij domicilium Solis appellaverunt. & ideo Cræsus Delphos inter alia Anathemata Leonem aureum misit. Segmenti hujus extremum

EE obtinent signa (ee) Isidis, cum Sacro capitis ornatu; Spicis nimirum, vulturinisque pennis. de Spicis præter Ovidium, & Appulejum, insignis est Tertuliani locus, in libro *de corona militis* ita scribentis, si & Leonis Ægyptij scripta evolvas, prima Isis repper-  
tas spicas capite circumtulit. de Pennis Ælianus, qui easdem in Ægypto vestibulorum fastigijs ornamento esse testatus est. pone Isidem hinc Rana, illinc Cyno-

*Lib. 2. Meta.*

*Lib. 10. c. 23.*

FF cephalus, (ff) nisi quis Cercopithecum esse malit. at Cynocephalum stantem, manusque in cælum tollentem βασιλείον τε ὅτι τὴ κεφαλῆς ἔχοντα fuisse Lunæ exorientis symbolum retulit Horapollo. βασιλείον Grammatici Regiam interpretantur. ego cum vulgata Horapollinis versione Regium insigne, seu Diadema lubens retineo; favente præsertim Pictura, quam præ oculis habemus. & quidem Regium capitis insigne (sive Reges priscos intellexerit Horapollo, sive Imperatores, quorum ævo vixisse creditur) circulum

*Lib. 1. c. 15.*

*Suidas.*



*Lib. 6. c. 37.* imitabatur. firmat hæc Ælianus, qui Aspidum picturam in diadematibus Ægyptiorum Regum notavit, quam in Tabula videri nemo opinor negabit. at si cui hæc minus placent, audiat quid mihi ex insperato venerit in mentem, consuevit dædala Antiquitas res hominum opinione religiosas, & augustas, quibusdam veluti Notis insignire, per quas ipsis aliqua dignitas accederet. inter has maxime nobilis fuit orbis quidam capiti aliquando circumscriptus, Venerationis index & Majestatis, quæ humanam excederet; hunc ego Imperatoribus, quos Veteres supra fastigium mortalitatis elatos suspiciebant, Provincijs Orbis Romani, Urbibus primarijs, animalibus etiam Deorum circumpositum notavi. & quod ad Augustos pertinet, extant numismata ærea Antonini Pij, & Constantij illius, qui Arrianis favens Catholicam Ecclesiam perturbavit.



*Edidit Hieronymus Rubens in Append. histor. Raven.*

Et Ravennæ, in Æde D. Vitalis, manent adhuc antiquissimæ ex opere musivo Justiniani, & conjugis imagines, quarum capita noster hic circulus ambit.

Pro-



Provincias, & urbes videmus in libro cui Titulus est NOTITIA UTRIUSQ. IMPERII. & in Tabula Itineraria, quam debemus MARCO VEL-  
SERO Cl. Viro, cujus beneficio factum est, ut no-  
bile illud Antiquitatis monumentum in lucem pro-  
dired. Pavonem postremo ita exornatum gestat Æ-  
ternitas, in antiquo nummo Faustinae Augustae.



Hunc Orbem Ægyptij in summo capite simu-  
lachrorum suorum locabant : quod & hic & alibi li-  
cet animadvertere. ab illis Romanos sumpsisse licet  
susplicari : & variasse, habita decoris ratione. quod  
capiti, cui divinum quid inesse putabant, eo situ  
corona aptaretur, qui tamen ornatus insequentium  
Principum moderatione, & tacito omnium con-  
sensu, DEO, & Sanctis ejus, ut alia pleraque in to-  
tum cessit, & antiquum Diadematis nomen in ho-  
diernum diem retinuit. at Cynocephalus, à quo di-  
gressi sumus, Diademati Lunæ speciem annexam ha-  
bet, cum qua ut Jamblichus tradit, communes habet  
physicas rationes, quæ sunt, eadem exoriente lætari,  
deficiente mœrere. Cynocephalos in numero finia-  
rum ponunt Aristoteles, Plinius, & Solinus, ut mi-  
nus

*De mysterijs  
Ægyptior.  
Aristot. l. 2.  
de hist. an.  
Plinius lib. 8.  
cap. 54.  
Solin. cap. 30.*



Lib. 1. de  
hist. anim.  
cap. 10.

Hæc & ho-  
die perdo-  
centur, ut  
prodit ocu-  
latus testis  
Petrus Bel-  
lon, lib. 2.  
obser. c. 52.  
Strabo l. 17.  
Ælian. l. 10.  
cap. 26.

Idem lib. 1. de  
var. histor.

Plutarchus,  
& Eusebius.

Horapollon,  
lib. 1. c. 25.

Idem lib. 2.  
cap. 101.

Ælian. l. 12.  
cap. 11.

Macrob. l. 1.  
Saturn. c. 21.

nus mira videantur, quæ de eorundem docilitate prædicat Ælianus, Ptolemæis videlicet regnantibus, literas pingere, saltare, tibias inflare, stipem pro his colligere, & in marsupium conjicere doctos fuisse. hos Hermopolitæ in numinum loco habuerunt, si Straboni credimus. Cynoprofopos videtur appellare idem Ælianus, quibus manus cum robustis unguibus, caput & dentes caninos, pectus hirsutum, & pedum celeritatem tribuit. de (gg) Rana, quæ Perseæ pomo insidet vix habeo quid dicam. ut enim Ælianum missum faciam, qui Ranarum Ægyptiarum vafritiem commendat, conjicere possumus, hoc animal veluti fœtum Nili, quem Sacerdotum sapientiores Osirin vocabant, in aliqua veneratione fuisse. hinc autem in sacris sculpturis Embryonis nota fuit, ut quæ esset Telluris, ac si dicas Isidis filia, quam Nilus altricibus aquis fœcundat. his accedat oculorum acies, qua ita pollet, ut ejusdem aciei fuerit symbolum peculiare: ut ex hoc capite Osiridi, & Oro perbelle congruere queat.

Supra ea, quæ diximus simulachra, stat in proprio veluti consepito Apidi adversus Taurus alter & ipse sacer: *Onuphis* (hb) videlicet, qui & *Menuphis* Suidæ HH (nisi hoc nomen utrobique corruptum sit) *Bacisve*, seu *Mnevis*. totidem enim apud Ægyptios (quod ego sciam) culti sunt. Onuphis niger fuit, magnitudinis admirandæ, & herbam Medicam depascebatur. Bacis Hermunthi colebatur Soli sacer, nam, & per singulas horas mutare colores affirmatur, inquit Macrobius,



crobius , & hirsutus dicitur setis , in adversum nascentibus , contra naturam omnium animalium.

Mnevis item Soli facer Heliopoli colebatur , niger & nonnullorum sententia Apidis pater , quem maximis testibus nigerrimum , & adversis pilis insignem fuisse scribit Eusebius ; quem *Netiron* vel *Neuton* videtur appellare Macrobius. inter hos disceptatorem agere non lubet. unum docuisse satis erit , in Archetypo nigri coloris esse bovem hunc , quem si quis unicum re , nomine triplicem esse dixerit , non inepte dixerit.

*Ælianus lib. 11. c. 11.*  
*Diodorus lib. 1. par. 2. cap. 4.*  
*Euseb. lib. 2. præp. Eu. c. 1.*  
*Plutarchus, & Ammianus. Marcellinus lib. 22.*  
qui videtur hæc ignorasse cum scribat super eo nihil dici memorabile.  
*Euseb. lib. 2. de præp. Evang. c. 3.*

I I Restat nobis explicandum Mensæ infimum spatium , quo peracto limbum percurreremus , cum aliqua spe , si non Palmæ , at plausuum tamen , & adclamationum. occurrit autem ( *ii* ) Isis , cujus capiti insidet calathus cum manubrio , Osiridi communis ; ut amborum vis frugifera , & capacitas , omnia in subline trahentium , declararetur. De Aspide , Stellaque \* superius. hic satis erit admonuisse , Aspidem repetitæ juventæ beneficio , & incessus facilitate , sideri comparatam fuisse. quod adeo verum est , ut notarit Clemens Alexandrinus Astra propter obliquam conversionem corporibus serpentum assimilata fuisse. Interpretationem proximæ Iconis cogitavi sæpe sæpius an attingere expedit , tantam inquirenti difficultatem obtrudere visa est. & denique consultius visum fuit , dicere aliquid , ut quæstionis ambagibus expositis , doctiores ad hæc disquirenda provocarem. qua in re Le-

*Macrobius. l. 1. cap. 20.*

\* *Pag. 26*  
*& 31.*

*Plutarchus. Lib. 5. Strom.*



ctorem monitum volo, me conjecturis, quando alia non suppetebant, indulgisse: cum modo tamen, & voto corrigendi, si quid minus vere dictum incide-

*Lib. 7. Hierogl. & alibi.*

rit. Goropius Canopum contra historiæ & veterum monumentorum fidem interpretatus est. an ego meliora in medium attulerum, eruditi Lectoris hæc

*Lib. 3. de præp. En. c. 3.*

erit cognitio: Eusebius ex Porphyrio scribit, Ægyptios Mundum expressisse complicatis pedibus, veste variegata indutum, auream Pilam capite sustinentem. hæc ideo, quia locum non mutet, quia stellatus sit, quia rotundus. Plutarchus vero libro sæpius citato, ex Eudoxo Ægyptiam fabellam recitat. Jovem videlicet pedibus inter se connatis feriantem, ab Iside ad gressum expeditum fuisse. cujus fabellæ hoc erat *Ἰσιούδιον*, DE I mentem inconspicua & latentem sua natura esse: motu autem ad

*Plutarchus.*

rerum procreationem processisse, quare dicamus & nos, propositum simulacrum (*kk*) Ori esse, cujus KK nomine Ægyptij Mundum hunc interitui & ortui obnoxium; ideoque veluti spurium à Typhone accusatum, intellexerunt. quæ indefinens recentium

*Suidas.*

formarum libido fecit, ut Orum illi à Baccho, & Priapo non sejungerent. ab hoc capite fluxit Ori

*Plutarchus.*

discerptio, quem Luna, seu Isis, Mundi mater, in aqua repertum, vitæ restituit (ita fabulabantur) & immortalem fecit. genitalis enim Aquæ vis, & Luna sublunarium Regina Mundum & fœcundant, & immortalem fere per varias rerum vices efficiunt. hinc apud eosdem Ægyptios invaluit opinio,



nio , Lunam & Solem oculos Ori fuisse , appo- Plutarchus.  
 site ad Historiam sacram , in qua DEUM legi- Gen. 1.  
 mus duo luminaria magna in Mundo constituif-  
 se. quod vero ad Jovem attinet , nihil aliud Ju-  
 piter fuit , quam Mundus vel Mundi pars ; ut Apud Appu-  
 lejum de  
 Mundo, apud  
 Plutarch. de  
 Placit. Phi-  
 los.  
 pene putidum sit recensere hîc Orphei , Empe-  
 doclis , Arnobij & aliorum testimonia. hinc So- Arnob. lib. 3.  
 advers. gent.  
 Macrobi. l. 1.  
 Sat. cap. 21.  
 & 18. & 19.  
 Plutarchus.  
 Epiphanius  
 lib. 3. adver.  
 her.  
 lem Jovis oculum appellavit antiquitas , & Jo-  
 vis , Cœli , Mundi mentem. Hoc igitur Ori Ecly-  
 pon esse statuamus , quem in Paludibus apud Bu-  
 tum Latona primum enutrivit. in cujus rei memo-  
 riam institutum videtur , quod D. Epiphanius nar-  
 rat ; Buti videlicet senes Sacerdotes caput rasos,  
 ad instar Nutricum Orum seu Harpocratem ge-  
 stare circumcursantes , & faciem pulticulis oblitos  
 eam in ebullientem lebetem demittere. & qui-  
 dem hæc imago ad infantis pueri speciem acce-  
 dit involuta nimirum fascijs , & compositis pe-  
 dibus , quo statu Deorum simulacra apud Æ-  
 gyptios fingi testatur Heliodorus *lib. 3. Æthiop.*  
 Hujusmodi sunt icunculæ fictiles , quas passim  
 in thorace conditorum funerum , ex Ægypto  
 ad nos advektorum , Aromatarij reperiunt. ut  
 suspicari liceat Herodotum de funeribus Ægy- Enterpe.  
 ptiorum loquentem , religione aliqua impedi-  
 tum , Ori nomen consulto subticuisse. nemo  
 enim erit ( modo conditum funus vide-  
 rit ) qui nos nugari putet , si dixerimus ,  
 hanc imaginem servati funeris exemplar.



vidimus autem apud NICOLAUM FABRICIUM Ori typum in Gemma, quem hic delineatum volumus.



Ostentat autem Orum in Baride forsan jacentem, virgata veste indutum, pedibus indiscretis. Caput & pedes obsidet Upupa, quod summe pius Osiridem parentem à Typhone interemptum ultus fuerit. de Scarabæo cornuto satis paullo \* supra. Orum in Tabula contuetur (ll) Isis, modiolos quinque L L præferens, quorum rationem intactam sinere, quam per divinationes investigare maluimus. Sacra Avis Accipiter librum, quo Deorum Ritus continebantur, detulit olim ad Sacerdotes, ideoque jure Isis capiti insistit, quæ Dijs quibusque Tempia, Honores, & Sacerdotes constituit. hæc autem doctrina in libros relata esse videtur; Pythagoras enim apud Lucianum se Rituales Ægyptiorum didicisse profitetur. in proxime sequenti Osiridis (mm) simula- M M cro status pedum notandus, ceteris quoque hujus Tabulæ Imaginibus communis. sunt enim omnes varis pedibus, & in se contractis. cujus rei ratio ab Aristotele petenda, qui in problematis quærit, cur Æthiopes, & Ægyptij blæsi sint. τὸ βλαισὶ, qua voce ibi

\* Pag. 43.

Diodorus,  
lib. 1. par. 2.  
cap. 4.  
Idem lib. 1.  
cap. 2.

In Gallo.

Problem.  
sect. 14.



ibi utitur Philosophus , quid significet , Interpretes inter se digladiantur. ego pravitatem interpretor. at vero qualis sit distortio hæc , & quarum corporis partium , Aristoteles uti conspicuam non explicavit. Nos è Tabula primi forsan omnium ( venia sit dicto, subodorati sumus. cum Tabula faciunt pleræque Ægyptiorum numinum Icunculæ fictiles antiquissimæ, apud PROSP. ALPINUM, qui olim Ægyptum magno cum fructu studiosæ juventutis peragravit. imo apud eundem spectatur Tela Indica, ex Æthiopum officinis prompta, in qua indigenarum mulierum mira simulacra eodem positu pedum incedunt. at negabit quispiam, Ægyptios propria corporis vitia in Dijs expressisse. non negabit opinor, si apud Theodoretum legerit , *Αἰγυπτίαις ὡσαύτως αὐτὰς Νε- Serm. 3.*  
*μορφῶν πρὸς τὴν οἰκίαν μορφώ.* quod Æthiopēs, Thracas, Persas, Medos fecisse commemorat. ceterum hæc Theodoretus à Clemente Alexandrino videtur Lib. 7. Strom.  
 mutuatus. at quia supra votum meum contigit, ANTONIUM QUÆRINGUM ( norunt omnes quem virum ) in explicatione Aristotelici problematis mecum sentire, à studiosis Lectoribus me gratiam initurum certo scio , si ejusdem hac de re aureolam disputationem , cujus describendæ , vir non minus ingenuæ naturæ, quam eruditionis, mihi potestatem fecit, in Commentarium meum inseruero.



## ANTONIUS QUÆRENGUS

LAURENTIO

PIGNORIO.



Uod tam verecundè insignium virorum  
opinionēs convellere aggredieris, in eo  
Laurenti non minorem iudicii laudem,  
quam modesti, ac pudentis animi pro-  
mereris. si qua enim in re probandus est  
antiquus è Menandri comœdia senarius.

τὸ πολλὰ πλμᾶν πολλὰ ἀμαρτάνειν ποιεῖ.

Probandus certe in re litteraria, in qua nullum pec-  
candi modum cum sibi statuatur audacia, difficile dictu  
est, quam licenter, hoc præsertim ævo, grassetur in  
bonas artes. Sed in tanto veritatis, ac pudoris disci-  
mine audi tamen, quid à gravissimo Theologo pro-  
nunciatur. Si quis est, inquit, qui ob humanam aucto-  
ritatem rationi abrogandam fidem existimet, hunc tu di-  
gnum ducito, qui divini vatis sententia brutis animantibus  
adnumeretur. & rursus: Qui alium adigit, ut in verba  
magistri juret, nec præterea quidquam aut scribat, aut  
doceat, quàm quæ ab illo tradita accepit, is ad veritatem  
pergentibus viam obstruit, & ingenii lumen contra æternæ  
legis præceptum non abdit modo, sed opprimit, & extin-  
guat. Audendum ergo, sed ita ut numquam excidat,  
τὸ μέτερον ἄρμα, & si quid refellimus, id more tuo impro-  
bemus, non contentionis, aut inanis gloriæ studio,  
sed publicæ utilitatis.

Quod



Quod vero pertinet ad locum Aristotelis in problematis, videris mihi tam felici conjectura Ægyptiam superstitionem cum Græca Philosophia contulisse, ut si quis à te forte dissentiat, nemo tamen esse possit, qui opinionis tuæ rationem non maxime probabilem fateatur. Quid enim illis acutius? Veteri mortalium instituto ad suæ quisque gentis similitudinem omnes deorum speciem effingunt, cur igitur nullam Isidis, & Osiridis imaginem non varis cruribus antiquus cælator exprefferit, ab ipsa Ægyptiæ gentis corporum habitudine petendæ sunt causæ. Tum addis, Ad docuit nos Aristoteles, quod in dijs illis cum admiratione intuemur, id vulgo in omnibus Ægyptijs naturam efficere. jam ergo invenimus quod quærebat; Quin duo simul didicimus, & quod modo dictum est, & quæ recta sit interpretandi Aristotelis in illo problemate ratio. τὸ βλαισὸν enim cum multa significet, ad peculiarem tibix demonstrandam inflexionem, qualem in Ægyptia Tabula inspicimus, aptissime duci potuit. Sed duos habes magni nominis adversarios, Theodorum Gazam, & Guiljelmum Budæum, qui tamen cum inter se dissentiant, te, si neutri accedis, ab judicij temeritate facile vindicant. Putavit Theodorus, nihil aliud esse apud Aristotelem eo loco βλαισότης, quam pravam pedum inversionem, atque ea de causa, quod barbarus interpres intortum simpliciter reddiderat, id ipse suo more simul transferens, & declarans, novo in lingua latina dicendi genere pedum blæsitatem appellavit. Hanc vero maxime  
pro-



propriam ejus esse vocabuli notionem probare po-  
 tuit non levibus argumentis. Nam Suidas cum duo-  
 bus in locis blæsi rhæbique differentiam exponeret,  
 illum proprie dixit esse, cujus pedes à genu detorti  
 conspicerentur, hunc vero cui vitium esset in tibia. Et  
 Xenophon initio libelli *πεὶ ἱππικῆς*, ubi docuit e-  
 quorum ungulæ, si nimium depressæ sint, inde fieri,  
 ut pars pedis interior ingrediendo lædatur, statim ad-  
 didit *ὥστε οἱ βλαισοὶ τῶ ἀνθρώπων*. Inepte vero hujus-  
 modi usus esset exemplo, si βλαισότης aliud esset quam  
 pedis inversio. Postremo Alexander cum primo pro-  
 blematum libro indagandum proposuisset *ἀλλὰ τί τῶ  
 ὀνέχων ὡς ἐπὶ τὸ πλεῖστον οἱ πόδες ἀφρέπονται* in secun-  
 do eandem prope repetens quæstionem ita scripsit  
*ἀλλὰ τί οἱ εὐνέχοι μακροὶ καὶ βλαισοί*; quasi indicare vellet,  
 illos ipsos, quibus distorqueri pedes alibi dixerat,  
 blæsos proprie nuncupari. His fortasse, aut non ad-  
 modum *ἐνδοξότεροις* suam tueretur Theodorus transla-  
 tionem. Budæus vero, cum ad hujus vocabuli ape-  
 riendam proprietatem multa congerat, nec satis ex-  
 plicet, quid potissimum probet, ita Aristotelem vi-  
 detur interpretari, ut blæsum dici velit, cujus crura  
 extrorsum diversa, ac divaricata sint. hunc autem  
 eundem esse cum valgo, quod ex Sex. Pompeij ex-  
 plicatione facile intelligi putat. valgo vero ita varum  
 opponi, quemadmodum blæso opponitur rhæbus.  
 Hæc Budæus, quorum si quis rationem exigat, non  
 deerunt, quæ respondeat; nam ut Latina omittantur,  
 quæ ad Aristotelis verba recte interpretanda nihil fa-  
 ciunt,



ciunt, Julius Pollux lib. secundo ὀνομαστικῆς παιδὸς inquit καλεῖσθαι οἷς καμπύλα εἰς τὸ ἔνδον τὰ σκέλη, βλαισὰς δὲ οἷς τὸ δὴ τῶν γονάτων εἰς τὸ ἔξω ἀπέτραπταί. Post Pollucem Galenus (quamquam enim σύγχρονοι, fuerint, videtur tamen Galenus adulto jam Commodο, cujus præceptor Pollux, plura scripsisse) cum in libro περὶ αἰτίων duas attulisset causas; ob quas crura depravari contingeret, tertiam addidit, quam impositi corporis molem esse dixit, atque ejus onere, quibus rectiora quam naturæ usus exposceret crura essent, eos blæfos fieri; contra rhæbos, quibus paulo pronius inter se curvata sinuarentur edocuit. Tum disertis verbis quarum rerum ea vocabula notæ essent ostendere aggressus, eadem prorsus attulit, quæ paulo ante ex Polluce descripsimus. Ergo si Budæum audias, Ægyptios & Æthiopus valgis fuisse cruribus ex Aristotele discimus; si Theodorum, pravis tantum pedibus eos laborasse probat hypothesis; utrumvis autem admittas, inde tuam everti explicationem contingit, unde tu illi subsidium parasti; nam si blæfitas nulla est, quæ poplitibus in exteriorē partē projectis pedes comparet, & in recto vestigio ingredientem hominem statuatur, vel perverse in antiqua tabula rudis artifex Ægyptiorum corpora adsimulavit, vel turpi lapsu pro cruribus pedes, pro varo valgum Aristoteles in quæstionem vocavit. Non tamen hæc ejusmodi sunt, quæ te facillime de sententia deiciant. Ac primum, quod utrique adversariorum commune est, si τὸ βλασὸν inferiores tantum corporis partes

H

invertit,



invertit, cur libro *de Animalium historia* scripsit Aristoteles, *flecti hominis brachia in posteriorem partem*, cum illa exceptione *πλὴν μικρὸν ἐβλάσωνται εἰς τὰ πλάγια τὰ ἑκπὲς*. ; Blæstas igitur de brachijs etiam, ut loquuntur scholæ, prædicatur. Hoc communiter adversus ambos. sunt vero quæ etiam singulis separatim objicias ; nam primum quod attinet ad Theodorum, vel blæsum ad pedes recte contractum dicitur, quod ea propria sit vocabuli significatio, vel quod eum necessario sensum expostulet dubitationis propositæ methodus. Sed tam angustis finibus ejus vocabuli notionem minime circumscribi clare intelligimus, cum ex verbis 2. libro de Animalium historia nuper prolatis, tum ex libro de Animalium ingressu, in quo septies repetitus ejusdem vocis usus, ad significandam cruris inflexionem plerumque adhibetur. Dubitationem vero, quam proponit Aristoteles, non esse ad pedes tantum referendam, & causa rei quæ γενικῶς redditur, & ipse prope sensus aperte demonstrat ; nam sive calor, sive moles membra distorqueat, qui in longitudinem porrectiores sunt artus, eos facilius vi aliqua adhibita à recto deduci necessarium est. Budæi vero sententiam non multo validioribus machinis & ipsam demoliaris ; nam cum dicit blæsum Aristoteli valgum esse, non animadvertit, si hoc verum sit, inde effici, ut Analyticæ artis vel inventor vel expolitor Philosophus logicas syllogismorum consecutiones ignorare videatur. Quid est enim ? crura Ægyptijs extrorsum flectuntur, quia caloris exsuperantiam flexio



flexio cruris insequitur. At vel pueri cognitum habent, non commeare inter genera & species argumenti necessitatem. Præterea, si nihil blæsum est, nisi quod exterius inversum à naturæ rectitudine abscedit, cur ad eam brachiorum blæsitatem, cujus argumento superius usi sumus, addidit Aristoteles explanationis loco verbum illud *ἐκπὸς*? Profecto aut ille *περιπλοχίας* est accusandus, aut Budæus improprietatis. Hæc singillatim adversus utrumque. Quemadmodum vero ad ea, quibus ambo suam tueri posse interpretationem videbantur, respondeamus, omnisque è medio difficultas amoveatur, hinc ut arbitror ducetur tutissima ratio. Cum præ rerum innumerabili multitudine omnis verborum penus magna semper laborarit inopia, impulit usum necessitas, ut quæ unius tantum rei propria vocabula essent, illa ad res plures significandas, certa quadam observata similitudine, audacter protraheret. Ex eo verborum genere *βλασιότης* est; nam vel omnem in partibus animalium ad incessum necessarijs à recto declinationem significat, vel ei tantum tribuitur, quæ definitæ alicujus partis est propria. utrumque vero genus, tam commune, quam proprium, pari divisione diducitur; nam vel administri progressionis artus noxia flexione obliquantur, vel facilioris motus gratia sic à natura sunt instituti. Ita sex in genera blæsitatis abit. Nec vero difficile est ad singula, quæ enumeravimus genera, veterum scriptorum usum, & doctrinam accommodare; nam si pro varia sententiarum ratione verba diligenter



expendantur, primum blæsitatis genus adhibitum invenietur ab Aristotele in lib. 2. de historia Animalium. secundum, & tertium ab eodem in lib. de Animalium ingressu. quartum ab etymologico cum blæsum idem esse dixit quod *ἁλυσμένον*. quintum à Galeno, & Polluce, sextum denique à Xenophonte, Alexandro, & Suida. Quodnam vero ad blæsi genus controversi problematis quæstionem referendam censebimus? Profecto ad illud, quod dubitationi parem esse responsionem ostendat, est autem responsio ejusmodi, ut causas inflexionis afferat nullam certam ad speciem contractæ. Quam vero in partem illa flexio vergeret in Ægyptijs, tu mira subtilitate ex veteri tabula demonstraisti. Quod si nostra quoque tempestate, ijsdem terrarum in oris genitos, non valgis sed varis ingredi cruribus nos docuisses, nullam prorsus de tuæ veritate opinionis in animo cujusquam dubitandi ansam relictam existimarem. Habes, quod te expetere ostendisti, meum de tua conjectura judicium. Quod vero aliquando tibi dixi, multa esse in Platonicorum libris, quæ si familiarem ipsis philosophandi rationem sequi vellemus, de abditis rerum causis, deque abjunctis à materia mentibus, ex hac ipsa tabula depromi possent, id ejusmodi est, quod vel inanibus comminiscendis allegorijs, quales damnantur à Socrate, ingenij vires misere deterat; vel si quid etiam contineat, quod cognosci non inutiliter possit, ab ea tamen commentatione, quam tu tibi propositam initio nos monuisti, sit plurimum alienum.

Pro-



NN Proximum subsellium occupat (nn) Isis, cui stans  
 oo (oo) Osiris aviculam porrigit, alis veluti applauden-  
 PP tem. post hæc Isidis (pp) effigies. cujus capitis orna-  
 tus Loti Floribus & Perseæ folijs distinctus, faciem  
 humanam Æluri habentem auriculas includit ; cu-  
 jusmodi & alibi visitur, quod symbolum & in vertice  
 Sistrorum apponi testatur Plutarchus. Felis enim ob  
 varietatem, vim noctu agendi, fœcunditatem, stas  
 cum Lunæ vicibus oculorum auctiones. & immi-  
 nutiones, Isidem indicabat, qua ratione inferius Fe-  
 lem cum sistro conspiciamus. muliebris vero facies,  
 non sine mente, consilioque Lunæ cursum agitari  
 QQ demonstrabat. superius pandit alienas alas (qq) Sca-  
 rabæus, Solis imago, ejusdemque in cursu æmulus,  
 in exuenda senecta Lunæ exemplar. ejus encomia  
 cum alij collegerint, sufficiet apposuisse hic antiquam  
 Gemmæ scalpturam.

*De Iside, &  
 Osiride.*

*Clem. Alex.  
 lib. 5. Strom.  
 Horap. lib. 1.  
 Aristoteles  
 lib. 8. de hist.  
 anim. cap. 17.*



RR In ea Solis caput concinne Scarabæo impositum,  
 quæ omnia serpens caudam vorans ambit, ut daretur  
 intelligi fortasse, Orbis hujus lucem à Sole esse, qui sa-  
 piente cursu vitam animantium moderetur. Accipi-  
 tris caput, in imagine sequente, Osiridem (rr) veluti  
 digito monstrat ; ut enim refert Eusebius εν δ' ὁμοίων

*Lib. de præp.  
 Evang. c. 3.*



πάλι colebatur ἱεραὶ πρὸς ὧν ὁ ἄνθρωπος lancea Typho-  
 na interficiens. Accipitris faciem ( cetera enim nostri  
 instituti minime sunt ) ipse ad Solem refert , cum ea  
 Avis lucis & spiritus Ægyptijs symbolum sit : tum ob  
 Alarum pernecitatem , tum ob vim in altiora tenden-  
 di. imo Plutarchus Accipitris picturâ ab iisdem Osi-  
 ridem sæpe proponi refert. cujus rei rationes ab ipso  
 ediscendæ. suspicari autem licet, à Zoroastre figmen-  
 tum hoc invectum fuisse, cujus ἐν τῇ ἱερᾷ συναγωγῇ τῶν  
 περσικῶν hæc sunt verba : ὁ δὲ θεὸς ἐστὶ κεφαλῶν ἔχων ἱεραὶ  
 in quam sententiam Plutarchus narrat, Sai in vestibulo  
 Templi Minervæ, Accipitris sculptura Deum præ-  
 notari. hæc imagines D. Gregorius Nazianzenus  
 portentosas & compositæ naturæ vocat ; ubi Nonnus  
 notavit, se Alexandriæ vidisse perexigua quædam si-  
 gilla ( qualia & nos vidimus ) caput Canis, Felis, Acci-  
 pitrisve gestantia. de stella ( s s ) Sothi satis jam \* di- s s  
 ximus, ut etiam de ( t t ) Oro †, cujus imago cum A- TT  
 nubide ( v v ) & Iside ( x x ) ad Minucij Felicis verba v v  
 mirum in modum facere videtur ; ea sunt : *Isis perdi- x x*  
*tum filium cum Cynocephalo suo & calvis Sacerdotibus lu-*  
*get, plangit, inquit. subdit : mox invento parvulo gau-*  
*det Isis, exultant Sacerdotes, Cynocephalus inventor glo-*  
*riatur.* Anubiden, quem minus proprie Cynocephala-  
 lum vocant Minucius, & Tertullianus, refert Dio-  
 dorus, Osiridis filium fuisse, usumque canis insigni.  
 inde videtur natum, ut canino capite fingeretur. Plu-  
 tarchus Osiridis, & Nepthyos filium facit quem Isis  
 à matre expositum sustulerit, custodemque perpetuo  
 habue-

Refert Eu-  
 seb. lib. 2.  
 præp. Evang.  
 cap. ult.

II. invect.  
 in Julian.

\* Pag. 31.

† Pag. 25 &  
 seqq.  
 In Octavio.

Tertul. in  
 Apol. cap. 6.  
 Diod. lib. 1.



habuerit: eundem præterea esse cum Horizonte, & Saturno, Hecatenque imitari numen cœleste, & terrestre. sunt qui Mercurium appellarint, veluti Servius, & Appuleius. imo Lucianus scribit, Mercurium, postquam Isidi in Ægyptum trananti præivisset, ex adolescente Cynoprosopum factum. hac de causa Anubidis gestamen fuit *κηρύκειον* Mercurij inventum. Anubidis anathemata Cynocephali fuerunt; ex quo videtur factum ut ab his non distingueretur. fuit is Osiridis, atque Isidis custos, ad canis naturam apposite. inde apud Virgilium, Ovidium, Propertium, Prudentium, & Avienum, latratoris, latrantis, & caniformis epitheto notatur. Juvenali derisor appellatur; quo tamen loci, si antiquorum exemplarium fides accederet, derisor magis placeret: ad canem eximie. nec aliud numen intellexit Prudentius.

*In fine viij.  
Æneidos.  
In Dial. No-  
ti & Zeph.  
Lucian. in  
Toxari &  
Nummi ve-  
teres.*

*Virgil. Æ-  
neid. lib. 8.  
Ovid. Me-  
tam. lib. 9.  
Propert. El.  
10. lib. 3.  
Prudent. in  
Apotheosf.  
Avienus in  
Arat. eis  
Phœnom.  
Juven. Sat. 6.  
Prudent.  
Lib. 2. cont.  
Symm.*

*Quasdam victa dedit capitis Cleopatra canini  
Effigies. -----*

Fuit individuus Isidis comes quod præter Minucium Felicem & Tertullianum locis proxime citatis, indicat Avienus.

*Digna Poli consors, & cura latrantis Anubis.*

Extat apud nos in Ædibus Rhamnusijs græca vetus Inscriptio, quam hîc apposuisse non omnino ineptum arbitror.



ΘΕΟΦΙΛΟΣ ΘΕΟΦΙΛΟΥ  
 ΑΝΤΙΟΧΕΥΣ ΜΕΛΑΝΗ  
 ΦΟΡΟΣ ΤΗΝ ΚΟΝΙΑΣΙΝ  
 ΤΟΥ ΠΑΣΤΟΦΟΡΙΟΥ  
 ΚΑΙ ΤΗΝ ΓΡΑΦΗΝ ΤΩΝ  
 ΤΕ ΤΟΙΧΩΝ ΚΑΙ ΤΗΣ  
 ΟΡΟΦΗΣ ΚΑΙ ΤΗΝ ΕΓ  
 ΚΑΤΣΙΝ ΤΩΝ ΘΥΡΩΝ  
 ΚΑΙ ΤΟΥΣ ΠΡΟΜΟΧΘΟΥΣ  
 ΤΟΥΣ ΕΝ ΤΟΙΣ ΤΟΙΧΟΙΣ  
 ΚΑΙ ΤΑΣ ΕΠ' ΑΥΤΟΙΣ ΣΑΝΙΔΑΣ  
 ΑΝΕΘΗΚΕΝ ΣΑΡΑΠΙΔΙ ΙΣΙΔΙ  
 ΑΝΟΥΒΙΔΙ ΑΡΠΟΚΡΑΤΕΙ  
 ΕΝΙ ΙΕΡΕΩΣ ΣΕΛΕΥΚΟΥ  
 ΤΟΥ ΑΝΔΡΟΝΙΚΟΥ  
 ΡΑΜΝΟΥΣΙΟΥ

*Ad secundum Theb.*

*In Octavio.*


*Lib. 6. ad v. Gent.*

Isis Tabulam fere concludit, cui (γγ) Leo-ΥΥ  
 ninum caput impositum, eadem prope de causa,  
 qua Osiridi vidimus Ibidis caput concinnatum. Sol  
 enim Leonis vultu fingebatur, inquit Lutatius  
 Placidus, vel quod hic Deus ceteros vi nominis  
 & potentiae excellat, ut inter reliquas feras Leo;  
 vel quod sit rapidum animal. & de hoc, vel non  
 absimili simulacro, sensisse videtur Minucius,  
 Felix, dum inquit; de capro etiam, & homine  
 mixtos Deos; & Leonum, & canum vultus Deos  
 dedicatis. Arnobius & ipse; inter Deos videmus  
 Leones, torvissima facie, mero oblita minio, & no-  
 mine



mine frugifero nuncupari. Tertullianus etiam ; *sed* Apolog. c. 16.  
 illi debebant adorare statim biforme numen , quia &  
 Canino & Leonino capite commixtos , & de Capro &  
 de Ariete cornutos , & à lumbis Hircos , & à cruri-  
 bus Serpentes , & plantâ , vel tergo alites Deos rece-  
 perunt. hinc desumpsit argumentum Porphyrius , ad Lib. 4. de ab-  
 sim.  
 hæresin suam defendendam ; ad simulacrorum vi-  
 delicet compositionem quodlibet animal cum ho-  
 mine assumptum olim fuisse , veluti cum humano  
 corpori facies avis cujuspian , Leonisve jungere-  
 tur. huc respexit Lucianus λεονπνεφάλης ἀνδρώπης In Hermoti-  
 mo.  
 recensens. Romæ quidem extat marmoreum signum,  
 quod quia hoc nostrum æmulari videtur , hîc bo-  
 no publico evulgamus , acceptum à HIERONY-  
 MO ALEANDRO , eruditissimo adolescente ,  
 contubernali olim nostro , cui volentibus Musis ,  
 Juris humani & divini penetralia invisere feliciter  
 contigit.





Explicatio  
Limbi.

Tabulæ interpretatione absoluta, ad Limbum accedamus. incipiemus autem ab angulo, qui sinister superior inscriptus est, in quo <sup>1</sup> Felis cum Sistro, Sacrum Isidi animal, cujus ut fœcunditas exprimitur, testes Osiridis superne adjecti sunt. hujus animantis sepulcra in urbe Bubasti fuerunt, ubi Diana colebatur, ut minus vere videatur dixisse de Ægyptijs Juvenalis.

Herod. lib.2.

Sat. 15.

Oppi-



187


187





SISTRVM

ÆGYPTIACVM



*Ex museo Francisci*

*Gualdi, Romæ.*



*Oppida tota Canem venerantur, nemo Dianam.*

Sistrum ad amussim ( ut inquiunt ) delineavit Lib. II. Met.

Appulejus, inquiens; *dextra quidem ferebat areum crepitaculum, cujus per angustam laminam, in modum balthæi recurvatam, trajectæ mediæ paucae virgulæ, crispante brachio, tergeminos jactus, reddebant argutum sonorem.* non enim persuadent mihi qui putant his verbis Crotalum describi. at crepitaculum appellat. recte id quidem Martialis.

In Apophoretis.

### CREPITACULUM.

*Si quis plorator collo tibi vernula pendet,  
Hæc quatiat tenera garrula Sistra manu.*

ante Martialem Propertius.

Lib. 3. elegia 9.

*Romanamque tubam crepitanti pellere Sistro.*

Ovidius.

----- *crepuitque sonabile Sistrum.*

Et ut concludam, nemo erit, qui Plutarchum de Sistro loquentem legerit, & Gemmas Nummosque antiquos pertractaverit, qui non mecum sentiat. licet enim Sistrum aliquando ab hac specie variaverit aliquantisper, à Crotalo tamen longe abfuit. Sistrum vero vel motum, & ortum rerum indicabat, ait Plutarchus, vel Nili accessum & recessum, ut ait Servius. nisi dicamus denotasse Hirundinis garritum, in quam, Ægyptij fabulabantur conversam Isidem, ut necem Osiridis, cujus cadaver prope Byblum invenerat, Ad VIII. Æneid.



*Plutarchus.* commodius lugeret. præluceat nonnihil ad hunc intellectum Minucius Felix ita scribens; *Despice Isidis ad hirundinem Sistrum, & dispersis membris inanem tui Serapidis, sive Osiridis tumulum considera, denique sacra ipsa, & ipsa mysteria, invenies exitus tristes, fata & funera, & luctus atque planctus miserorum Deorum.*

*Plin. lib. 10. cap. 33.* Isidis autem aves videntur fuisse Hirundines, quæ infulam, juxta oppidum Copton, eidem sacram, ne laceret amnis, incipientibus vernis diebus, muniunt opere, palea, & stramento rostrum ejus firmantes, continuatis per triduum noctibus, tanto labore, ut multas in opere emori constet. Fuit vero Sistrum peculiare Isiacorum gestamen, quo Typhonem arceri credebant. & hoc Isidis imitatione, quam Ovidius Val. Flaccus, Appulejus, Nummi veteres, & reliqua antiquitatis Analecta cum Sistro delineant. qua de re

*Plutarchus.* Sifstratam turbam appellavit Martialis Isiacos teletas.  
*Lib. 12. epi- gr. 29.*

*Linigeri fugiunt calvi, sifstrataque turba  
Inter adorantes quum stetit Hermogenes.*

Præit <sup>2</sup> Accipiter, cui impositum Ori caput, <sup>2</sup>  
è cujus mento dependet Serpentis cauda, nisi ego  
male conjicio, acumine videlicet in mentum infixio,  
seu vice versa, ut alibi conspeximus. præcedit Acci-  
pitrem <sup>3</sup> Leo, à quo Leontopolis desumpsit nomen. <sup>3</sup>  
imo eidem ut Deo templa erecta sunt. Heliopoli  
tamquam Vulcano, & Soli sacrum animal in Tem-  
pli vestibulis alebatur, ut scribit Ælianus, qui causam  
fam

*D. Hieron.  
contra Jovian.  
lib. 2.  
Ælianus  
lib. 12. cap. 7.*



sam inquirens, cur Leo ignem paveat, respondet,  
 interioris ignis plenum esse, ideoque exteriorem  
 horrere. Empedocles autem apud eundem, felicissi-  
 mam prædicat conversionem ex homine in Leonem:  
 ut hinc arripuisse ansam videatur Appollonius, fa-  
 bulandi, Amasidis animam in Leone latere, cui Sa-  
 cerdotes sacra fecerunt, quemque vittis tenisque  
 exornarunt. membra ejusdem anteriora Igni, poste-  
 riora Aquæ Ægyptij assignabant; quia, scribit Ma-  
 crobius, validus est Leo pectore & priore corporis  
 parte; at degenerat posterioribus membris: in hoc  
 etiam Solem imitatus, cujus vicem in veteribus  
 Nummis radiato capite tulit; concinne ad historiam,  
 quam recitat Macrobius, de Leonibus videlicet, im-  
 missisque in Regias naves radijs, quales in Solis  
 4 capite pinguntur. Succedit <sup>4</sup> Flos, qui diligenter in-  
 tuenti Melilotinus videatur. Porro Melilotus Nili,  
 & extremarum terræ orarum foetus, Osiridis &  
 Nephthys germen fuit, quo Osiris coronatus inces-  
 sit: ideoque pro fastigio Osiridis testes eidem imposi-  
 5 ti sunt, quos ipsemet <sup>5</sup> Osiris genu flexo veneratur.  
 6 sacram <sup>6</sup> aspidem alatum, cui Accipitris caput adje-  
 ctum, Pierius Valerianus Basiliscum interpretatur. in-  
 7 fra hanc videtur <sup>7</sup> Tauri caput, nisi quis Bovis fœ-  
 8 minæ malit; tum Perseæ <sup>8</sup> arboris folium. fuit au-  
 tem hæc arbor Isidi sacra, quod ejus folium linguam  
 referret, fructus Cor. sola præter hæc Nili aqua gau-  
 det. hæcque cultus rationes ignorasse videtur Socra-  
 tes apud Cassiodorum, qui proceritatem, & speciem

Philos. l. 5. de  
vita Apoll.

Macrob. l. 1.

Saturn. c. 21.

Idem cap. 20.

Plutarchus.

Pierius l. 14.

Hierogl.

Plutarchus.

Fracastorius

tamen vir in

signis Came-

si Deo sacra-

ta cecinit

in Poëmate,

quod Jose-

phum inscri-

psit.

Pausanias E-

liacorum priore.

Socrates l. 6.

histor. tri-

pav. ubi de

Persea. Her-

mopoli

Thebaidis

frustra ergo

notavit Æ-

lianus, l. 10.

cap. 22. Per-

sea Ampol-

lonopoli pe-

culiarem

esse, sibimet

parum con-

stans lib. 11.

c. ult. ex ea-

dem arbore

vicioribus

Dionysiacorum

Coronæ

parabantur,

ut elicio ego

ex Callixe-

no Rhodio

apud Athen.

lib. 5.



tantum in ea notavit. <sup>9</sup> Rana demum Scabello insi- <sup>9</sup>  
 det, supra quam plana illa rotunditas in Apicibus  
 sacris frequens, quam <sup>10</sup> Serpens fere totam ambit. <sup>10</sup>  
 præit hæc omnia alata <sup>11</sup> Sphynx, cuius memine- <sup>11</sup>  
 runt Palephatus, & Ælianus. alioqui Ægyptij ex  
 Leone & Virgine Sphyngas perficiebant, quales  
 Romæ spectamus è regione Panthei, & in hortis  
 Calliopeijs. ea scilicet de causa, quod Quintili &  
 Sextili mensibus, quorum tutela Leo, & Virgo sint,  
 exuberet Nilus. ita Bellonius, qui addit Monstra hæc  
 Herodoto Androsphyngas vocari. inter Simias nu-  
 merat Solinus, villosas comis & mammis prominu-  
 lis affirmans. at Aufonius, & Appollodorus tricorpo-  
 res, ut hic videmus, asseruerunt. Sed cur ita frequen-  
 tes hic appositæ? ut sacrorum doctrinam innuerent  
 latitare; qua etiam de causa pro foribus Templo-  
 rum eas collocabant: ut docerent præterea Deum  
 & amandum, & timendum esse: feræ enim & ho-  
 minis imaginem Sphyngas gerere, itaque Deum  
 impijs ferum, justis humanum esse. & hæc Pictor-  
 um licentia Poëtarum figmento auctoritatem con-  
 ciliavit, Thebanam videlicet Sphynge ænigma-  
 ta proponentem iter cum viatorum discrimine in-  
 sedisse. ipsa enim ænigma cum esset, haud mirum, si  
 ænigmata discutienda proponeret. Gryllus tamen  
 apud Plutarchum ex hominis & bestię coitu Sphyn-  
 gas enatas ratiocinatur. mox occurrit <sup>12</sup> Apis Na- <sup>12</sup>  
 vigio vectus, quale forsan θαλαμηγόν ναῦν appel-  
 lat Diodorus. licet enim οἶκημα κεχρυσωμένον mini-

*Palephatus  
de incredibil.  
hist.*

*Ælianus  
lib. 12. de  
hist. ani.  
cap. 35.  
Idem lib. 12.  
cap. 7.*

*Ita Bellonius  
in lib. de ad-  
mirab. anti-  
quor. oper.  
præst. cap. 2.*

*Anton. Au-  
gust. Nu-  
mism.*

*Dial. 3.  
Michael  
Mercatus  
de Obelisc.*

*cap. 11.  
lib. 2. obser.  
cap. 45. & 46  
Cap. 30.*

*In Mono-  
syllabis.  
lib. 3. Bibl.*

*Plutarchus.  
Clem. Alex.  
lib. 5. Strom.*

*lib. 1. par. 2.  
cap. 4.*



me adsit, id factum videtur, ut Apis magis conspi-  
 cuus sit. & ut nihil quod in mentem venerit indi-  
 ctum sinamus, placuit olim, quod modo abdicamus,  
 hoc navigium Barin esse, cujus meminere Diodorus  
 Siculus, Porphyrius, Jamblichus, & Propertius  
 lib. 3. Elegia. 9.

*par. 2. cap. 5.  
 & 6. apud  
 Theodoret.  
 serm. 3. de  
 myster. Æ-  
 gypt.*

*Romanamque tubam crepitanti peltare Sistro,  
 Baridos & contis rostra Liburna sequi.*

- 13 Videbatur enim hic nescio quis exprimi (13 O-  
 firis fortasse) qui sedens in puppi, conto navigium  
 impellit, quod forsan ab ejus navigij structura, quod  
 Herodotus Barin appellari testatur, non omnino re-  
 cedit. accedebat, hinc appellatum videri montem *Enterpe.*  
 illum insignem Armeniæ regionis, in cujus cacumine  
 post cataclysmum Arca Noë confedit. Nicolaus e-  
 nim Damascenus montem illum Barin vocat: nisi ve-  
 limus id illi nomen ob altitudinem obtigisse, cum  
*Apud Euseb.  
 lib. 9. præ-  
 par. Evang.  
 c. 4.*  
 Βάρης Turres appellatas sciamus: at, ut semel monui-  
 mus, seponimus hæc omnia, quæ Divinationem po-  
 tius, quam ingenij acumen aliquod sapiunt. mirum  
 autem videtur, ut hoc obiter dicamus, quod de Arca  
 Noë narrat Epiphanius, ejus reliquias sua etiamnum  
 ætate superfuisset; quod & notavit Abidenus Mna-  
 seas, & Neoterici quidam, qui & hodie manere serio  
*In panario.  
 Apud Euseb.  
 loc. cit. vide  
 & D. Hieron.  
 de loc. Heb.  
 in princ.  
 Ioh. Laurent.  
 Anania  
 Cosmogr.  
 trac. 2.*  
 14 adfirmant. Navigij nostri puppim ornant 14 penna,  
 15 sacra 15 serpens, & nobilis ille 16 frutex, qui Isidis  
 16 capillo nomen debet. in Prora sedet 17 Isis Lunæ  
 insi-



insignibus insignis. porro extra cymbam <sup>18</sup> Osiris, <sup>18</sup> qui cum Iside, Oro, & Anubide limbum universum passim distinguit, <sup>19</sup> Accipitrem veneratione <sup>19</sup> dignum esse monet. Accipiter enim Appollini, ac si dicas Osiridi sacer fuit; & Solis præterea symbolum. est enim igneus & vim habet interimendi inquit Clemens. imo Ælianus inter alia quædam novavit, hanc avem ab Ægyptijs, etiam mortuam, ut divinam suos Tripodas habuisse. hanc Tentyritæ sanctissime colebant ob pernicitatem, & vim ad Ignem, ut diximus, proxime accedentem. Coptitæ oderant veluti Crocodilorum hostem acerrimam. hinc autem nutare videtur Canon ille apud Strabonem, ab Ægyptijs omnibus peræque coli ex terrestribus Bovem, Canem, Felem: ex volatilibus Accipitrem, atque Ibin, ex Aquatilibus Lepidotum, & Oxyrinchum. quæ si vera sunt, mirum videtur hos pisces nullibi in Tabula nostra spectari. auget dubitationem Plutarchus, qui eos præ alijs Piscibus execrabiles Ægyptijs fuisse tradit. <sup>Ælianus l. 7. cap. 9.</sup> de Oxyrincho tamen aliter Ælianus. erant autem in Ægypto sacrorum Accipitrum curatores, ut & reliquorum animalium sacrorum altores, quorum munera apud Diodorum legas. huc pertinet mansio Hieracon apud Antonium, nomen fortita, ut aliæ pleræque, ab animalibus sacris. <sup>20</sup> Cap- <sup>20</sup> primum caput, vel Mercurij symbolum est, ex Marciano Capella, apud quem Caprea cum alijs quibusdam in ejus Dei gratiam proponitur; aut Capram

*Porphyr. l. 4. de abstinentia quem vide.*

*Lib. 5. Strom.*

*Lib. 11. historiæ.*

*Flor. an. c. 35.*

*Ælian. l. 10.*

*cap. 24.*

*Lib. 17.*

*Ælianus l. 7. cap. 9.*

*Diodorus l. 1.*

*par. 2. cap. 4.*

*Accipitres*

*& hodie in*

*Ægypto*

*frequentes*

*sunt.*

*Bellonius l. 2.*

*observ. cap. 36.*

*Marcianus*

*lib. 2. de*

*Napt. Phil.*



pram indicat, cui Ægyptij ex Theodoretō divinos serm. 7.  
honores detulerunt. quod ad Hircum attinet, fuit is  
ut supra narratum est Pani sacer ea ratione, qua Priap- Theodoret.  
serm. 3.  
pus inter Deos relatus, ex appetentia videlicet inde-  
fessa generandi

*O miseras hominum mentes, ô pectora cæca!*

Vere hujusmodi deliria dum exagitaret, scripsit  
Arnobius; si contemptor aliquis numinum, & sacri- Lib. 5. ad-  
vers. Gent.  
legi pectoris immanitate furiosus, intendisset ani-  
mum maledicere Dijs vestris, auderet in eos quid-  
quam gravius dicere, quam ista prodit historia, quam  
veluti quiddam mirabile Commentarij contulistis in  
formulam? at hosce Commentarios quam speciosis  
titulis exornabant! fuit qui Libros Θεολογικῶν Asclepiades  
mendefius  
apud Suet.  
Pontificales  
libri apud  
Prob. in Geor.  
& Arnob.  
lib. 2.  
Censorin. de  
die Nat. c. 7.  
Cic. lib. 1. de  
divin.  
Festus. Ne-  
stere.  
Macrob. l. 3.  
Saturnaliū.  
Epiphanius.  
Clem. Alex.  
lib. 3. Strom.  
Theod. Hæ-  
ret. fab. lib. 1.  
Apud Minuc.  
Felicem.  
\* Cas. Baron.  
to. 1. Annal.  
inscriberet. alij Indigitamenta, Rituales, & Augu-  
rales libros, Commentarios sacrorum, Rerum divi-  
narum, Religionum, Pontificalium Quæstionum.  
alij alia, propter quæ curioso Lectori non respon-  
dere vadato, & perdere litem operæ precium esset.  
his affinia fuerunt famosa illa Gnosticorum, & Car-  
pocratianorum dogmata, quibus humano semini  
veluti rei sacræ cultus accessit, & pecudum more  
promiscui concubitus recepti. & hinc natum vide-  
tur, ut Fronto quidam, perfrixtæ frontis homo, ob-  
jecerit Christianis incesti convivij notam, & adora-  
ta Sacerdotis virilia, quod tamen Vir \* illustrissimus  
ad Exomologesin acute retulit: & quidem hæc  
K omnia,



omnia, hæreticis sollemnia, nomini Christiano odium & invidiam apud Ethnicos conflaverant. hæc obiter. <sup>21</sup> Mendesium Caper, à quo digressi <sup>21</sup>

Plutarchus  
in Grillo.

sumus, cum multis ac formosis mulieribus includebatur, non ut cum ijs misceretur, ut nuper coniecit Vir doctissimus, sed forsan in gratiam pervigiliorum, quæ apud gentem superstitiosam, ut reliqua omnia, invaluisse facile arbitramur. cujus rei extant apud auctores plerosque non obscura vestigia. at his quæ supra diximus videntur adver-

Serm. 3.

fari Theodoreti verba, quæ sunt; πῶτῃ ὃ τὸν Ἀπὶν ἔβαν δὴ λέγω Αἰγύπτιοι τρέφουσιν. ἃ ὃ μὲν δὲ τῷ ἡλίῳ. auget dubitationem Interpres, qui hæc ita vertit.

huic (Lunæ) Apin Bovem ita dictum Ægyptij nutriunt: Soli vero Hircum, quem vocant Menden. at non MENΔHN sed MNETIN legi & m. f. Codices & ratio postulant, ut & vidit FR. SYLBURG. Vir doctus, & Reipublicæ litterariæ amans. vocem vero Hircum interpretem sibi habere jubeamus, qui de suo largitus est. quamquam si hosce commentitios Deos ad indigestam illam congeriem, de qua in præfatione egimus, redigere velimus, nihil prohibeat Soli Menden sacrum esse. at ridicula hæc numina, Apis videlicet cum Hirco, ita videntur fuisse hominum sermonibus celebrata, ut Maximus Tyrus nescio cujus meminerit, qui ex Europa navigavit in Asiam, ut præter cetera ἃ βᾶν, ἃ τεύχον videret. De Cercopithe- <sup>22</sup>

Serm. 6.

\* Vide supra  
pag. 11.

co <sup>22</sup> fati \* aliàs. nunc de <sup>23</sup> Arula bipede ut vi- <sup>23</sup>  
detur



detur, in qua stat Urceus è Silanis duobus aquam  
in modiolos effundens. Urceo superne infixæ Crux  
Sarapidem notat, in cujus adytis hoc signum olim  
compertum diximus. Modiolos ad eundem pertine-  
re jam pridem ostendimus. at Sarapis per Aquæ effu-  
sionem consueverat excitari. in Osiridis pompa vas  
aquarium præcedebat; in Isidis, amphora, quam hy-  
24 driam videtur appellare Vitruvius. de 24 Canopo,  
25 quem 25 hieracosphynx amplexatur, & præferre vi-  
detur, præter Poëtas, apud quos frequens ejusdem  
mentio est, ita Eusebius *lib. 2. histor. Eccl. apud Rufi-*  
*num*: ipsius (Canopi videlicet) simulachrum pedibus  
perexiguus, attracto collo, & quasi sugillato, ventre  
tumido, in modum hydryæ, cum dorso æqualiter te-  
reti formatur. Epiphanius præter hæc affirmat, Ca-  
nobum Menelai Gubernatorem, ejusdemque uxo-  
rem Eumenuthin Alexandriæ sepultos, colli ad Ri-  
pam Maris, XII. ab Urbe lapide, in ostio videli-  
cet Canopico, de quo Veteres Geographi consulen-  
di, Strabo præsertim, qui & ab Epiphanio in loco-  
rum intervallo discedit, & cum ipso Canopitarum  
mores, & sacra luxuriæ, nequitiaque comperta  
scribit. Aristides tamen nobilis ille Sophista, ex Æ-  
gyptij Sacerdotis sermone, serio negat, Canobum à  
Menelai Gubernatore nomen traxisse. multis enim  
ante seculis, quam appelleret eo Menelaus id nomi-  
nis ei loco fuisse. eundem hujus vocis sonum aliter at-  
que Græci efferant, pronunciasse; ut hujus forsan  
loci sit, quod monuit Quintilianus, Ciceronem

*Porphyr. l. 4.  
de abstinentia.  
Plutarchus.*

*Apul. lib. 11.  
Metamorph.  
Vitruvius in  
Prohem.  
lib. 8.*

*In Ancorato.*

*Lib. 17. vi-  
dendus &  
Eunapius in  
Ædæso.*

*In Ægyptia-  
ca.*

*Lib. 1. instit.  
cap. 5.*



*Aristoteles  
lib. 2. de re  
familiari.*

Canopitarum exercitum dixisse, at ipsos Canobon  
vocare. vocabuli interpretamentum idem ille Sacer-  
dos aiebat esse aureum solum, ea ratione ( si divina-  
re licet ) quod ibi olim ante Alexandrum mercato-  
rum conventus ageretur. supradictis calculum adje-  
cit Plutarchus, qui improbat Canopum Gubernato-  
rem appellantes. & hæc speciose magis dicta, quam  
vere. cum enim ethnici homines viderent detegi  
Christianorum scriptis, quicquid ipsi olim veluti fa-  
crum coluerant, ut veritati obicem opponerent, rem  
alio trahere conabantur. Frangit hic sese limbus, ver-  
gens ad inferiorem partem, in qua notandus vide-  
tur Leo <sup>26</sup> procumbens cum arietinis cornibus, a- <sup>26</sup>  
piceque Lunari. quæ omnia non incommode inter-  
pretari possimus, si dicamus Lunam non nisi post  
occidentem Solem conspicuam esse. ut missas facia-  
mus toties inculcatas Solis, & Lunæ; Osiridis & Isi-  
dis relationes. restant in hoc limbi segmento, <sup>27</sup> Si- <sup>27</sup>  
ren, cum alis quaternis, Hieracosphynx <sup>28</sup> alata & <sup>28</sup>  
<sup>29</sup> Ibis, quam graphice delineavit Cicero his ver- <sup>29</sup>  
bis; *Ibes maximam vim Serpantium conficiunt, cum  
sint aves excelsæ, cruribus rigidis, corneo proceroque ro-  
stro.* fuit hæc Isidi sacra Avis, tum quia ad Lunæ ra-  
tionem, quam pennarum etiam. variete exprimit,  
ova fingit; tum quia tot diebus ova excludit, quot  
Luna crescit & decrescit. ejusdem intestinum Luna  
deficiente comprimitur. ad hæc extra Ægypti fines  
non progreditur, exportata vitam citius, quam pa-  
trij soli desiderium abjicit. Consecrationis causa  
fuit

*Lib. 1. de Na-  
tura Deor.*

*Ælian. lib. 2.  
hist. an. c. 38.  
Plutarchus,  
& Clem. 5.  
Strom.  
Ælian. l. 10.  
cap. 30.*



fuit utilitas. Serpentibus enim alatis ex Arabia in Ægyptum adventantibus obviam procedens, eas conficit, earumque ova disperdit, ut patet ex Herodoto, Plinio, Solino, Juvenale. qua potissimum de causa capite pœnas luebat, qui etiam imprudens Ibin occidisset ait Herodotus, qui sanctionem hanc etiam ad Accipitrum necatores protendit. de Ibide testatur eadem Diodorus, additque oculatus testis eandem pœnam manere æluri etiam involuntarios interfectores. adjungit Cicero V. Tusculana Aspidem, Canem, Crocodilum. verè ergo Pomponius Mela, colunt (Ægyptij) effigies multorum animalium, atque ipsa magis animalia: sed alij alia, adeo ut etiam quædam eorum per imprudentiam interemisse capitale sit. hac superstitione prudenter usus est Cambyfes, dum Pelusium oppugnaret. cum enim Ægyptij missilibus ejus exercitum vexarent: is *κύνες, πούεα, αἰλῆρες, ἰβεις* ante agmen utili consilio collocavit. Ægyptij enim jaculari destiterunt. tot vero labores Ibis incassum obibat, si vera sunt quæ prodit Theophylactus Simocatus homo Ægyptius, Ægyptios videlicet ejusdem ovis insidiari, ne scilicet cum venenivora sit malum aliquod pariat. Ibis pollutas aquas eo usque refugit, ut non alia sese abluerent aqua Sacerdotes, quam ea, cujus avis hæc bibendo puritatem approbasset. cum Crocilo eas inimicitias gerit, ut ejusdem pennarum contactu, si Æliano credimus, Crocodilus statarius efficiatur. Simocatus vero idem de Serpentibus

Lib. 2.

Lib. 1. par. 2.  
cap. 4.

Lib. 1. cap. 4.

Polien. lib. 7.  
Strateg.Quæstio.  
Phyf. 14.

Plutarchus.

Ælian. lib. 7.  
cap. 40.  
Lib. 10. c. 30.



tibus scribit, cuius testimonio libens subscribo, cum inter Ibin, & serpentes magnæ intercedant, exque naturales ut diximus inimicitiae. usum insuper Clysteris invexit, & inter sacras sculpturas multiplici argumento recepta est. ideoque in tot benefactorum gratiam prope Hermopolin mansio fuit, quæ ab Ibide nomen duxit. his ut par erat perpenſis, mirum non erit, quod Cornel. Strabo notavit, Alexandria ad fastidium usque Ibides frequentes fuisse. præit Ibin 30 Aspis, cui præter Isidis caput, Alæ quoque 30 alienæ adjectæ sunt. quæ species facit, ut mihi succurrat modo Dracunculus ille, quem Alexander Abonotichita, egregius ille impostor, in mimicæ divinationis usum comparaverat. & quidem, ut obiter moneamus, Plani illius festivæ imposturæ aliquid commune habent cum oraculo Jovis Heliopolitani, quod absentibus, non resignatis codicillis, rescribebat. ducit agmen huiusmodi bestiarum 31 Gal- 31 lina, sive ea Mauritana, sive Meleagridum è genere sit, quæ cum Alis expansis, & Uropygio, caudaque eam sacra Vestis speciem pene repræsentat, quam Pluviale vocant ab antiquorum Penula desumptam. Defleat hic iterum Limbus, ut infimam Tabulæ partem ambiat. ibi inter cetera eminet O- 32 rus 32 decumbens in lecto, quem Callixenus Rhodius Sphingopedem apud Athenæum appellasset. sub lecto Canopi tres, Canis seu Lupi, Accipitris, & Hominis capite insigniti. de Cane \*inferius. nunc de Lu- po (si tamen is Lupus est) agemus. Delphi Lupum anima-

Cicero lib. 2.  
de Natura  
Deor.  
Plin. lib. 8.  
cap. 27.  
Antoninus  
itinerario.

Lib. 17.

Apud Lucianum  
in Pseud.

Macrob. l. 1  
Sat. cap. 23.

Lib. 5.

\* Pag. 80. 81.



animatam Solis imaginem olim venerabantur, quia hoc animal, ut exponit Macrobius, omnia corripit ad instar Solis, qui radiorum vi omnia ad se trahit. hinc Apollinis Lycij cognomentum. hinc Ægyptiorum Lycopolitana superstitio, Apollinem, & Lupum pari prosequentium cultu. unde natum ut Lycocotonon herbam in Ægyptum importari vetuerint. hinc Lycos oppidum, & Lycopolitis præfectura. Græcis tamen aliter visum, qui Apollinem Lycoporum interfectorem coluerunt. hisce transvectis accedit Bos 33 33 foemina, ni fallor, quæ ut ait Solinus Apollini ostenditur in anno semel: & ipsa non absque certis insignibus. quæ ut inventa, & oblata est, eadem die statim neci datur. suadet Gallina quæ expansis alis ita dorso ejusdem, ut Isidis vertici insidet. præter hæc in Hermopolite nomo Veneri Sacram Vaccam venerabantur. in universa Ægypto Boves foeminas in Isidis gratiam colebant. hæc minimo excipit intervallo 34 34 Avis procumbens, cum Osiridis capite, quam si Ibidem esse fateamur, indicio erit, non absque Dei munere & mente ferri Ibides in exitium anguium pinnatorum. 35 35 Androsphinx hanc contuetur, ut rem forte mysteriorum ambagibus involutam indicet. & sane, in hoc Monstro novum quidpiam cernimus, barbam videlicet, cujus in tota Mensa nullibi vestigium extat. nisi dicere libeat id in Hirco gratiam præstitum fuisse, quem turpe erat inter imberbes Apparitores conspici, imo majus miraculum videtur barbam Hirco demptam fuisse, Sti-

*Ælian. l. 12.*

*cap. 37.*

*Lib. 1. Satur.*

*cap. 17.*

*Ælian. lib. 9.*

*cap. 18.*

*Johan. Cas-*

*lian. lib. 4. de*

*instic. renunc.*

*cap. 23.*

*Plin. lib. 5.*

*cap. 9.*

*Phurnutus,*

*de Natura*

*Deor.*

*Julia. Aurel.*

*de cognomin.*

*Deor. lib. 1.*

*cap. 4.*

*cap. 35.*

*Ælian. l. 10.*

*cap. 28.*

*Herodotus*

*lib. 2.*



Stipatoribus non item. utcumque sit, in Cymba, quæ  
 superiori illi è regione respondet, cernimus <sup>36</sup> bicipi- 36  
 tem Hircum, qualem Bocchori apud Ægyptios re-  
 gnante extitisse scribit Ælianus. & nisi jam dudum  
 parum firmas conjecturas ablegassemus, non deessent  
 speciosa saltem argumenta, quibus hunc Ægyptio-  
 rum Janum esse assereremus. Cymbæ tutela sunt Per-  
 seæ <sup>37</sup> fructus, Accipitris <sup>38</sup> caput, & sacra <sup>39</sup> Ser- 37  
 pens, quæ omnia <sup>40</sup> Osiridem indicant, qui utrobi- 38  
 que Portitoris vicem gerat. accedunt <sup>41</sup> Phœnico- 39  
 pterus, Isidis <sup>42</sup> apex & ante <sup>43</sup> Cercopithecum ge- 40  
 nua flectens <sup>44</sup> Anubis, mox <sup>45</sup> Scarabæus cum O- 41  
 siridis capite, quod unum ad implendam fabulam 42  
 deerat. idem caput ornant Isidis insignia, eo mysterio, 43  
 de quo superius verba fecimus. Scarabæum excipit 44  
<sup>46</sup> Canis, cujus ope Isis maritum conquisivit. ideo 45  
 que Canes præire pompam in ejusdem festo consue- 46  
 verunt. addamus ex Æliano cælestis canis exortu Nili  
 alluvionem incipere, quam nullis non lætitiæ gene-  
 ribus Ægyptij excipiebant, ut ex Aristenæto Rhe-  
 tore narrat Nonnus, cui subscribunt Eusebius, &  
 Heliodorus. qui scribit Nilum, quem ipse Osiridem  
 appellat, ab iisdem pro Deo coli. quod cernimus, &  
 in veteri nummo apud JOANNEM MOCENI-  
 CUM Patricium Venetum.

*Lib. 12. hist.  
an. cap. 3.*

*Diodorus Si-  
cul. lib. 1.  
par. 2. cap. 4.  
Lib. 10. c. 46.*

*Ad 11. in-  
vestiv. D. Na-  
zianz.  
Lib. 4. de vi-  
ta Const. cap.  
25.  
Lib. 9. Æ-  
thiopie.*





Ut apposite cecinisse videatur Parmeno Byzantius apud Athenæum. *Lib. 5.*

*Αἰγυπτιε Ζεῦ Νεῖλε.*

Nec deerant qui crederent Isidis lachrymis Nilum augeri, ut ex homine Phœnice se inaudivisse testatur Pausanias. scribit autem Johannes Leo Afer *In Phœnic.* etiam nunc in Ægypto manere ob Nili peractam feliciter alluvionem festos dies septem illi Genti celebres, quos ab antiquorum ritu manasse & ipse notat. de Memphiticis canibus, ut ad semel cœptam narrationem redeamus, mirum quidpiam refert Ælianus, in commune prædam exponere, & Deorum simulacra, quod & Horapollon de omnibus notavit, inconniventibus oculis intueri. *Lib. 7. c. 18.* Plutarchus vero scribit, canem Mercurij nomine Ægyptiace appellari. id fuit Ciceroni, & Lactantio *Thoth*, vel *Thoyt*, Eusebio *Taaut*, facili & recepto transitu vocalium *Au* *Lib. 3. de Nat. Deor.* in *O.* ejus vocis vestigium etiam hodie Ægyptij retinent. ut enim mihi narrare consuevit Vir Excellentissimus PROSPER ALPINUS, Ægyptij, ut Canes ad diripienda proposita cibaria provocent, inclamare consueverunt *Tao, Tao.* imo conjicere licet, hinc *Lib. 1. de fal. rel. cap. 6.* *Lib. 2. præp. En. cap. 6.*

L manaf-



manasse vernaculam vocem *To, To*, qua canes interdum allicimus. neque vero ab instituto nostro alienum erit, si mendacij arguamus Plutarchum, qui Canem refert divinos honores amisisse, quod Apidis à Cambyse projecti cadaver depastus esset. ut enim Herodotum missum faciamus, qui disertis verbis scriptum reliquit, *Apin Cambyse inscio tumultatum, cum sauciatus femur in templo jacens extabuisset*; quod ad Canem attinet, præter Diodorum, & Josephum, satis aperte cecinit Juvenalis.

Sat. 15.

*Oppida toto Canem venerantur -----*

D. Hiero. in  
Esai.  
Itiner. Anto-  
mini.  
Plinius lib. 5.  
cap. 9.  
Strabo lib.  
17.

Hujus gratiæ data sunt Cynopolitis Nomos, & *κυνών* oppidum prope Thmuin, ubi Anubis colebatur, canibusque honor & sacra cibaria constituta erant. in postrema limbi sectione occurrunt adspectanda <sup>47</sup> Mnevis, aliufve quispiam è sacrorum Taurorum numero. inde <sup>48</sup> Anubis, seu Mercurius. <sup>48</sup> Scorpius <sup>49</sup> dein, Isidis caput gerens, & humanas <sup>49</sup> chelas, ad indicandum, ut ego quidem sentio, charitatis nexum, inter Isidem, & Anubin. Themis enim Philologiæ nuptum eunti, in Tabella Mercurij argumentum obtulit, minitantem Nepam. postremo adest <sup>50</sup> Osiris <sup>51</sup> Hippopotamum hasta veluti confecturus. Hippopotamus vero apud Hermodopolin Typhonis symbolum fuit; concinne ad ejus immanem Naturam, cum in equo Nilotico, quem Elephantum Ægyptium appellat Achilles Statius, par-

Marcian. Capella lib. 2. de Nupt. Phil.

Plutarchi s.

Lib. 4.



parricidium, & incestum notaverit Horapollo. is Horapollo lib. 1. cap. 56. Herod. lib. 2.  
 tamen in Nomo Papremitano cultus est, ne scilicet  
 præclara bestia tot immanibus feris invideret. Ty- Plutarchus.  
 phonem insuper apud Ægyptios expressit Asinus,  
 quem ideo Coptitæ male habebant. & ut ex Plu-  
 tarcho adnotavit Ælianus, Busiritæ, Abydeni, Ly- Lib. 10. c. 29.  
 copolitæ tubæ clangorem, ut asinino ruditui per-  
 similem oderant. huc referenda Minucij Felicis;  
 verba; *nisi quod vos & totos asinos in stabulis cum ve-*  
*stra Hippona consecratis, & eosdem Asinos cum Iside*  
*religiose devoratis.* ita capienda illa Appuleij, *de-*  
*pelle quadrupedis diram faciem, & pessimæ, mihique* Lib. 11. ubi & nefandum  
*detestabilis jamdudum belluæ istius corio te protinus* Asini tegmen appel-  
*exue.* Festive autem Ochus Persarum Rex, qui lar.  
 cum se ὄνον ab Ægyptijs vocari intelligeret, Apidi, Plutarchus,  
 quem mactaverat, Asinum substituit, & coli jussit; & Ælianus  
 malo tamen eventu. Bagoas enim, seu Vagao Æ- loc. cit. &  
 gyptius, Spado Regius, patrij numinis contumelia lib. 4. de var. hist.  
 irritatus, Regem interfecit, Felibusque discerpen- Ælian. lib. 6.  
 dum projecit, ut Isidis injuriam sacrum Isidi animal var. hist.  
 ulcisceretur. Sulpic. Sever. lib. 2. histo- riæ sacræ.



## AUCTARIUM.



Mblemata hæc mi Lector in acervum quem vides eo instituto congesti, ut rerum superius explicatarum series ne disrumperetur. quædam ibi apponere, prout res poscebat, necesse habui: feci tamen cum modo & parce si copiam spectemus. quæ nunc tibi dantur commentario nostro adjunges si operæ precium videbitur. si minus, abjunges: ego certe selecta, & edecumata in medium attuli, factura dubio procul ad eorum palatum, quibus explicatio hæc mea sapiet aliquantisper. Sectariorum veterum Hieroglyphica, nugæ verius, adjunxi per motus doctorum Virorum adhortatione, & impulsus exemplo Illustrissimi Viri CÆSARIS BARONII Cardinalis, qui historiam anni CXX scalptra hujus generis Amethysto exornatam voluit, & locupletatam. & sane plerique Principes ejus scholæ, qui nomine tenus Christiani olim jurarunt in magistri Diaboli verba, Ægyptij natione fuerunt. in his Marcus, qui Hispanias infecit; Basilides magister luxuriæ, turpissimorumque complexuum; & Carpocrates inquinati, & cœnosi dogmatis assertor. alij Ægyptiorum doctrinis imbuti, ut Cherintus pestilens ille novator. ut minime mirum videri debeat si Lotum, Harpocratem, & reliqua Ægyptiorum somnia in eorundem symbolis conspiciamus:

nec



nec defuerunt qui Pythagoræ & Platonis axiomata ex Ægypto plurimum exportata in usus converterent dogmatum insanorum. tales Valentinus, cujus egregiæ contemplationi acceptos ferimus multiplices illos *Æonas*, *Acamoth* & *Iao* monstrosa nomina. & puerorum muliercularumque inania terriculamenta. tales Seleucus, & Hermias Galatæ, qui D E O optimo Maximo actui puro, summo enti, & Materiæ impuræ potentiæ, infimoque pene dixerim non enti, æternitatem eandem tribuerunt. Deliria hæc satis superque confutarunt Irenæus, Epiphanius, Philastrius, Augustinus, Tertullianus, Theodoretus, alijque quorum laudatos labores quotidie magis magisque admiramur sanctissimi & doctissimi Viri. eorum illustria scripta obscura hæc è tenebris in lucem evocabunt, in qua veteris historiæ amantes versabuntur cum fructu & delectatione. mihi sat erit hæc veluti digito commonstrasse, & excitasse alios ad Ecclesiasticæ historiæ non minimam accessionem qua corrigendam qua illustrandam.


F I N I S.

L 3

L E-



# L E C T O R I.

 Um eorum, quæ sequentibus tabulis continentur, in AUCTARIO suo nullam hîc adferat Pignorius dilucidationem, Kircherus autem in Oedipo, & Chifletius in notis ad Maccarium hæc uberius explicare aggressi sint: dedimus operam ut quicquid loci & brevitatis ratio exigere videbatur, ex iisdem huc transferremus, reliqua genio & industriæ tuæ committentes.

## Contenta T A B V L Æ I.

- Fig. 1.* Isidem continet sacra Aspide comitatam, cum harmoniæ & Imperij insignibus lituo & baculo.
2. Typhonem exhibet, Crocodilum pedibus calcantem & piscem capite gestantem.
  3. *Isidis turritæ* vel *Ægyptiæ Cybeles* effigiem repræsentat, cum Sacra Isidi planta *Absinthio marino*, & Soli sacris *Accipitribus*. Brachia decussatim composita, summam illius numinis capacitatem arguunt, ut quod recondita quæque complectatur.
  4. Hinc *Isidis*, illinc *Serapidis* effigiem exhibet. Iside manu dextra *situlam*, manu sinistra *sistrum*, in capite *modium* gerente. Serapis cum *modio* itidem in capite, & *radio mensorio* in sinistra, alterâ imperioso gestu nescio quid imperat. Medius inter utrumque *alatus puer*, Harpocrates scilicet, qui digito labijs impresso silenda horum sacra admonet.
- Sedens



# TABVLA I.



1



2



3



4



11



5



6



7



8



9



10



*Fig. 5* Sedens *Anubis* & ante eum prostratus homo, cum interposito *fulmine trifulco* & supposito *Cancro* amuletum exhibet, quod *Sole in Cancro* versante, & *horâ Iovis* incisum, gestantibus subtilitatem intellectus & honores largiri credebatur.

6 *Anubis* dextrâ *baculum*, *ensem* sinistrâ gerens, gestantibus patrocinium & averruncationem malorum omnium pollicetur.

7 Talisma Canopicum est *tutulo* insigne.

8 *Isidem* Memphiticam, 9 Eandem *bari* vel *cymba* vectam exhibet.

10 Amuletum est *Ibidis* contra morbos capitis.

11 *Agathodæmonis* effigiem manu dextra notam A tenentem repræsentat. Nuda est hæc figura, quia simplex & solâ mente comprehensibilis: *trunca*, quia nulla ejus in terris sensibilia apparent: *velum* habet *variegatum*, quia varia mundi superioris facies est: *decussata* gerit *brachia*, quia naturæ toti præest. *Volucris* facie *virginea* & *ramosis alis*, supremam intelligentiam ideis foetam denotat.



## T A B U L A I I.

- Fig. 1. Sacræ Aspidis effigiem repræsentat, quam Ægyptio-  
 & 3. tiorum imitatione Romani sibi finxerunt. Literæ  
 L I, s. *Libertate salvâ* vel quid tale significant.
2. Amuletum hoc Kircheri *Osiris* est ἱερανομος, cu-  
 jus Accipitrinum caput Solare numen, *Calathus*  
 abundantiam quam largitur, *baculus* imperium  
 quo pollet, *lituus* harmoniam quam efficit, *gno-*  
*mon* symmetriam qua utitur, *crux ansata in for-*  
*mam bifurcatam* spiritus Solaris in omnes mundi  
 angulos diffusionem denotat. Sed huic viri doctis-  
 simi interpretationi ut benè notavit Chifletius re-  
 pugnat ἀνοψία, cum schema nostrum non Ac-  
 cipitrinum sed Caninum caput exhibeat, atque a-  
 deo Anubim potius significare dicendum sit.
4. & 5. Amuleta sunt Osiridis.
6. & 8. Amuleta sunt Ægyptiaca *Harpocratis* & *Arveris*.
7. Notat *tres Gratiæ* portæ templi Ephesini appositæ.
9. De hac figura, quæ *Mercurium* ut opinor cum *situla*  
 & *sistro* inscriptum habet, altum apud authores no-  
 stros silentium est, ideoque & nos plura addere  
 superfedebimus.



TABVLA II.





T A B U L A I I I.

Unius ejusdemque gemmæ vel amuleti divulsas fa- Fig. 1.  
cies, & in hac *Priapi* sive Solis, in illa *Anubis* sive & 2.  
*Mercurij* ideam nobis exhibet. sic *nuditas* qui-  
dem in Sole simplicitatis, *ala* velocitatis, *baculi*  
*quatuor* supremi in totidem elementa dominij, &  
*membrum genitale* fœcunditatis & generationis in-  
dex atque nota est. Adscriptæ voces si invertan-  
tur. I A O & M N H C T H A reddunt, quod idem  
est ac *Salus*, & *Recordare*, Numen enim precum  
haud immemor esse volunt. Jam Mercurius in-  
feri & superi horizontis custos *capita canina*, *flam-*  
*mam*, *palmamque* & insignia victoriæ gerit. quod  
industria & sagacitate sua animas ab inferis edu-  
ctas sideribus inferat. Ita præsens schema videtur  
explicare Kircherus, qui tamen, ut recte Chifletius  
notat, non animadvertit, figuræ humanæ,  
quam dicit esse duobus capitibus caninis, alterum  
caput humanum esse, alterum duntaxat caninum  
ab hujus cervicibus prodiens, præterquam quod  
de *cultro* seu *gladiolo* qui gutturi veluti surgentis è  
tumulo objicitur, nihil habeat, ac propterea aliam  
ei explicationem tribuat, ad quem lectorem ab-  
legamus.

Recta facie *Deum Basilidis* ABRACAX I A O, cum 3. 4. 5.  
Clypeo & scutica vel gladio nobis exhibet, cu- 6. 7. 9.  
jus magni Numinis effigies gestantibus vires &  
victoriam conferre credebatur: nec quicquam hic







fere discriminis est, nisi quod posterior figura hanc inscriptionem adjectam habet. *Domini fortitudo æterna, & Angelus Domini.* Aversa facies nobis repræsentat: *Tertiæ quidem, totum agmen corporum Cælestium. Quarta Septem Angelorum nomina, qui ut Basilides voluit, totidem cælis præfunt. Quintæ, inscriptionem hanc, Summo Marti omnia vincenti: Sextæ, ABRACAX IAO, Septimæ, Gigantum fractor, Nonæ, sacram Ibidem aspectu volantis, & Anubin cum sistro.*

Fig. 8. *Serpentem seu aspidem repræsentat κρόκοις, cuius caput radioso nimbo circumdatum, monstrat numen Mercuriale, uti ex inversis litteris patet, ubi legitur ANOYBEI. Anubis.* Hæc Kircherus, sed aliter hanc gemmam legit & exposuit Chiffletius, quem vide sis.

10. *Mercurium continet bicipitem cum duobus genijs, supra canales binos vasis Nilotici stantibus.*




## T A B U L A I V.

- Fig. 1. Silentij Deum *Harpocratem*, digitum ori admoventem, & *Loto* insidentem repræsentat.
2. Idem numen sed *Leone* & *stella* stipatum exhibet. Et *stella* quidem Caniculæ fidus denotat, ad cujus ortum, *Sole* signum Leonis subeunte Nilus exundabat. ex voce ascripta C I C I R I M si inverso ordine legatur fit M I R I C I C, quod matrem *Isidem* sive *Lunam* Nili Genium, & Solis individuum affeclam designat. Reliqua inscriptio ita habet A R X E O I A ω M E R M E N N ω id est Principium I A O omnis fœcunditatis.
3. Idem quod prima continet, nisi quod Ægyptiaco caractere ascriptum est *Magnus Iao*.
4. *Martem* exhibet armatum, & *Leone* comite *Loto* insistentem, cujus radices subjecta cymba firmat, quo indicatur, vim igneam humido mistam generationem omnium promovere.
5. Amuletum est in quo *Accipiter* supra *Loti* florem stans, *binis* cornibus copiae stipatur, quo ipso beneficium fertilitatis & abundantiae à Sole promanans indicatur.
6. Recta facie *Harpocratem*, averfa tergemina *Hecaten* tria virginis ora *Dianæ*, sive *Lunæ* exhibet, de qua Euseb. lib. 3. præp. cap. 3. *Hecate Luna est propter varias ejus corporis formas & formarum virtutes*.
7. De hac figura dictum est satis. Tabulam primam vide sis.



TABVLA IV.





## T A B U L A V.

- Fig. 1.* Figuræ tres priores *Isidem* repræsentant diverso aspectu, *cujus* manum & brachium dextrum circum-ambit *serpens*, *situlam* gerit, ejusque verticem ornat *Numidica guttata*, caput fovens expansis alis.
2. 3.
4. 5. 6. Figurarum trium posteriorum explicationem quod attinet, quia autoritate eorum destituimur qui id ex professo egerunt, ut vesanam Ægyptiorum in fingendis talibus licentiam redarguerent, tutissimum visum fuit id quod superest in medio relinquere, ne, quod fere fit, nobis applaudentes, nostros sensus pro alienis, id est falsos pro veris erudito orbi obtruderemus. Tu benigne lector conatibus nostris fave, & vale.



TABVLA V.





# AUCTORES LAUDATI,

## Interpretati, correcti.

<i>A.</i>		52.53.55.56.57.61.76
<b>A</b>	<i>Bidenus Mnaseas.</i> 71	<i>Arnobius.</i> 10.32.34.51.64.
	<i>Achilles statius.</i> 3.23.37.	66.72
	40.82.	<i>Athenæus.</i> 7.23.32.69.78.81
	<i>Acta Apostolorum.</i> 38	<i>D. Augustinus.</i> 8.85
	<i>Ælianus.</i> 5.13.18.23.26.	<i>Avienus.</i> 63
	29.30.35.36.37.38.40.	<i>Aulus Gellius.</i> 7
	41.42.43.45.46.48.49.	<i>Ansonius.</i> 21.70
	69.70.72.76.77.79.80.	<i>B.</i>
	<i>Ælius Lampridius.</i> 11	<b>B</b> <i>Aronius.</i> 31.73
	<i>Aldrovandus (Ulysses)</i> 21	<i>Bellonius (Petrus)</i> 48.
	<i>Aleander (Hieronymus)</i> 65	70.72.
	<i>Alexander.</i> 56.60	<i>Budæus (Guil)</i> 55.56.57.
	<i>Alpinus (Prosper)</i> 53.81	58.59.
	<i>D. Ambrosius.</i> 8	<i>C.</i>
	<i>Ammianus Marcellinus.</i> 7.9.	<b>C</b> <i>Ælius Calcagninus.</i> 28
	27.35.37.49.	<i>Callimachus.</i> 39
	<i>Ananias.</i> 31	<i>Callixenus Rhodius.</i> 78
	<i>Antoninus.</i> 78.82	<i>Cassianus (Ioannes)</i> 19.79
	<i>Antonius Augustinus.</i> 10.70	<i>Cassiodorus.</i> 69
	<i>Antonius Quærens.</i> 53.54	<i>Catullus.</i> 39
	<i>Appollodorus.</i> 39.70	<i>Censorinus.</i> 40.73
	<i>Appuleius.</i> 2.8.9.11.14.18.	<i>Ciacconius.</i> 19
	16.22.27.29.35.45.51.	<i>Cicero.</i> 4.5.14.73.76.77.
	93.68.74.83.	78.81.
	<i>Aristoteles.</i> 14.40.42.43.47.	<i>Clemens Alexandrinus.</i> 2.10.
		23.







# INDEX AUCTORUM.

- Ioannes Vincentius Pinellus.* 17  
*Iosephus.* 5.7.11.26.41  
*Irenæus.* 85  
*Isidorus.* 28.42  
*Iulius Capitolinus.* 30  
*Iulius Pollux.* 57.60  
*Iustinus Martyr.* 8.31  
*Iuvenalis.* 4.6.10.11.12.20.  
 21.27.35.41.63.66.77  
 L.  
**L** *Actantius.* 4.38.81  
*Leo Afer.* 26.81  
*Liber Regum.* 38  
*Liber Iudicum.* ibid.  
*Lipsius.* 17.23  
*Lucanus.* 26.27  
*Lucianus.* 2.6.10.21.22.31.  
 33.35.36.38.52.63.65.78  
*Lucretius.* 34  
*Lucretius Placidus.* 35.64  
*Ludovicus Barthema.* 23  
 M.  
**M** *Acrobius.* 2.13.21.23.  
 26.32.33.38.45.48.  
 49.51.69.73.78.79  
*Manilius.* 42  
*Marcianus Capella.* 3.4.35.40.  
 72.82  
*Marcus Vellserus.* 1.14.16.47  
*Martialis.* 20.66.68  
*Maximus Tyrius.* 5.23.42.74  
*Melchior Guilandinus.* 14  
*Mercatus (Michaël.)* 70  
*Mercurius Trismegistus.* 7  
*Minucius Felix.* 4.12.34.62.  
 63.64.73.83  
*Moyse.* 5.22.30.38.51  
 N.  
**N** *Atalitus Benedictus.* 16  
*Nazianzenus.* 21.32  
*Nicetas.* 32  
*Nicolaus Damascenus.* 71  
*Nicol. Fabricius.* 16.20.31.52  
*Nomus.* 21.32.62.80  
 O.  
**O** *Vidius.* 23.26.27.30.  
 35.36.39.45.63.67.68  
 P.  
**P** *Alephatus.* 7  
*Panninius.* 11  
*Pausanias.* 8.10.23.30.33.  
 34.36.43.69.81  
*Petronius.* 32  
*Petrus Bellonius.* 48.70.72  
*Philastrus.* 85  
*Philostatus.* 69  
*Phurnutus.* 79  
*Pierius.* 13.28.44.69  
*Plato.* 2.33.84  
 Plan-



# INDEX AUCTORUM.

<i>Plantus.</i>	10	<i>Solinus.</i>	26.35.36.37.47.70.
<i>Plinius.</i>	9.11.13.14.15.20.	<i>Spartianus.</i>	11.25.36
	28.29.33.35.36.37.39.	<i>Statius.</i>	3.23.37.40.82
	41.43.47.68.77.78.79	<i>Stephanus.</i>	2
<i>Plutarchus.</i>	2.3.4.5.6.7.10.	<i>Strabo.</i>	9.36.41.72.75
	14.19.21.22.24.25.30.	<i>Suetonius.</i>	7.12.15.35
	32.33.36.38.39.40.42.	<i>Suidas.</i>	2.7.29.32.45.50.56
	43.44.48.49.50.51.61.	<i>Sulpicius Severus.</i>	42
	62.67.68.69.74.75.76.	<i>Sylburgius (Fridericus)</i>	74
<i>Polienus.</i>	22.37.77	T.	
<i>Pomponius Mela.</i>	35.37.77	<b>T</b> <i>Acitus.</i>	10.11.23
<i>Porphyrius.</i>	6.43.45.65.71.	<i>Tertullianus.</i>	7.10.45.
<i>Probus.</i>	21.73		62.63.65.85
<i>Propertius.</i>	63.66.71	<i>Theodoretus.</i>	6.7.22.32.35.
<i>Prosper Alpinus.</i>	53.81		42.53.71.72.73.74.85
<i>Prudentius.</i>	21.63	<i>Theodorus Gaza</i>	55.56.57.58
<i>Pythagoras.</i>	52.84	<i>Tibullus.</i>	10.22.36
Q.		V.	
<b>Q</b> <i>Uaerengus Antonius.</i>	53	<b>V</b> <i>Airus.</i>	31
<i>Quintilianus.</i>	76	<i>Valerius Flaccus.</i>	27.68
R.		<i>Valerius Maximus.</i>	14.23.30
<b>R</b> <i>Abanus Maurus.</i>	23.42	<i>Varro.</i>	15.33
<i>Ramnusius.</i>	38	<i>Virgilius.</i>	2.6.11.34.63
<i>Rubeus (Hieronymus)</i>	46	<i>Vitruvius.</i>	13.75
S.		<i>Ulysses Aldrovandus.</i>	21
<b>S</b> <i>Ervius.</i>	2.11.26.63.67	X.	
<i>Sextus Pompeius.</i>	56	<b>X</b> <i>Enophon.</i>	5.6.60
<i>Silius Italicus.</i>	23	Z.	
<i>Smetius.</i>	11	<b>Z</b> <i>Oroaster.</i>	62
<i>Socrates Scholasticus.</i>	18.21.25	N 3 I N-	



# INDEX RERUM.

## A.

- A** Bsinthium marinum Isia-  
corum gestamen. 28
- Achelous. 30
- Achilles Statius quid de Croco-  
dili dentibus. 40
- Accipiter qua ratione sacer. 52.  
62. 72
- Adonia. 8
- Ælianus reprehensus. 69
- Æris usus in sacris maxime pro-  
batus. 14
- Ægyptiorum Deorum signa  
gracilia & cur. 13. compo-  
sitis pedibus. 51. ad indige-  
narum similitudinem effi-  
cta. 53
- Ægyptiorum sacra plerisque ir-  
risa 4. 5. 11. quando Romæ  
recepta. 11
- Ægyptii primi signa Cœlestia  
observarunt, 6. pastores o-  
vium detestati. 22. cum fe-  
ris vescebantur. 7. quid à  
Judæis acceperint. 31. blæsi  
Aristoteli. 52. ut Osirin ex-  
primerent speciem oculi de-  
lineabant. 32
- Ægyptus portentorum mater,  
5. in Ægypto Moyſes detre-  
ctat sacrificare, & cur. *ibid.*  
40
- Ælurus. 40
- Agathodæmones Dracunculi. 5
- Alexander Abonotichita egre-  
gius impostor. 78
- Allegoriæ Platoni improbatæ,  
1. 60. cur inventæ. 1
- Ammianus illustratus. 9. re-  
prehensus. 49
- Animalia sacra. 5. turbarum  
causæ. 41. 42. interemisse ca-  
pitale fuit. 5. 77
- Antonius Augustinus lauda-  
tus. 10
- Anubis, 62. numen cœleste, &  
terrestre, idem qui Mercu-  
rius. 63
- Apices tortuosi, capreolatim-  
que condensi. 9
- Apis quibus sacer. 35. 38. à qua  
matre genitus. 35. quando  
ab Hebræis cultus. 38
- Apidis Prophetæ mento raso. 38
- Appulejus declaratus. 9. 83
- Aquæ effusio solemnitas in exci-  
tando Sarapide. 75
- Area Isidis. 11
- Arnobius declaratus. 64
- Arsinoitæ Crocodilorum cultor-  
es. 41
- Aruspices ex qua schola prodie-  
rint. 38
- Asinus Typhonis symbolum. 83
- Aspis Isidis. 26. sideribus quare  
comparata. 49
- Asa-



# I N D E X.

Astaroth, Sidoniorum Deus. 38  
Augustus cur Apin adorare noluerit. 11

## B.

**B**aal Sidoniorum. 38  
Bacchus inventor ficus. 32  
Baculi in æde Isidis quare. 44  
Basilides magister luxuriæ. 84  
Bacis, Taurus. 48  
Baronius laudatus. 31. 37. 84  
Barbatum monstrum. 79  
Baris, navis & mons. 71  
Blæsi Æthiopes & Ægyptij Aristoteli. 52  
Blæsitatis genera sex. 59. hæc quid. 55. 56  
Boves quorum Dij. 38. bos fœmina. 79  
Bibliorum luctus. 2

## C.

**C**apræ quæ Isidi in delicijs. 18. ab Ægyptijs cultæ. 72. 73  
Caprarijs honorem Mendesijs habuerunt. 22  
Cape in veneratione apud Ægyptios. 6  
Camos, idolum Ammonitarum & Moabitarum. 38  
Capillitium Isidis. 39  
Calathus Isidis Osiridisque capiti superimpositus cur. 49  
Carpocrates inquinati & cœno-

si dogmatis assertor. 84  
Carpocratiani. 73  
Canopus. 75  
Cambysis strategema. 77  
Canes in pompa Isidis. 80.  
Memphitici. 81. canes & Mercurius synonymi apud Ægyptios. *ibid.*  
Cercopithecus sacer. 21  
Ceres eadem cum Iside & Luna. 23. 34. 35  
Cherintus pestilens novator. 84  
Cicuma. 28  
Cleomenis Alexandrini vafrities. 42  
Clysteris usum quis invexerit. 78  
Coptiæ Crocodilorum cultores. 41  
Conjectores. 38  
Corona Teletarum è Palmæ folijs. 18  
Cornua cur Isidi attributa. 30  
Cornutæ acies. 22  
Cocinensium Boves Dij. 38  
Crux ansata & quare 17. inter sacras literas ubi & quando inventa. 18. 75  
Crocodilorum cultores qui fuerint. 41  
Crocodilus Solis symbolum & cur. 40. quibus sacer. 41.  
crocodilus Typhon. 42  
Cræsus quare Delphos Leonem aureum miserit. 45  
Crotalum à Sistro diversum. 67  
Cucupha avis. 28. 29  
ejus



# I N D E X.

ejus honor in parentes. *ibid.*  
Cynocephalus stans, 45. 47.  
ejusdem docilitas. 48

## D.

**D** Agon Phœnicum Deus. 38  
Darij strategema. 37  
Dij in animalia mutati, & cur. 6  
Diabolus DEI æmulator. 31  
Diana multimammia, 34. ejus  
Templum Bubasti. 66  
Diademata Regum Ægyptio-  
rum. 46. DEI & sancto-  
rum. 47  
Dionysia. 32  
Dracunculi Ægyptijs culti. 5

## E.

**E** Ffeminati ex qua schola pro-  
dierint. 38  
Eleusinia. 8  
Eneph Deus. 6  
Ephesiorum Diana. 34  
Ethnicorum offuciæ. 76  
Eumenuthis Canopi. 44. 75  
Excelsa. 38

## F.

**F** Ana Ifidis & Serapidis ex  
S. C. solo æquata. 11  
Fanatici. 38  
Faria Ceres. 23  
Fascini ficulnei, & coriacei. 32  
Fascini Icones. 33  
Fascinus cxx. cubitorum. 32  
Felis in cujus Dei peculio 61. 66  
Ficus inventor Bacchus. 32  
Fluvios cornutos coluit anti-  
quitas. 30

Fridericus Contarenus lauda-  
tus. 16

Fronto quid Christianis obje-  
cerit. 73

## G.

**G** Alenus & Julius Pollux  
contemporanei. 57  
Gnostici. 73  
Goropius notatur. 9. 14. 50  
frustra à Lipsio. 17  
Gratiæ. 44  
Gryps Solis animal. 29  
Guil. Budæi sententia refelli-  
tur. 58  
Gyraldus arguitur. 4

## H.

**H** Asta Osiridis & Bacchi ge-  
stamen. 21  
Harpocratis Sacerdotes Buti. 51  
Hebræi duræ cervicis, 38. ad  
profanos Ægyptiorum ritus  
conversi quando. *ibid.*  
Hecate, seu Tithrambo. 44  
Herodotus declaratur. 45. 51  
Hieracosphynx. 44  
Hirundines Ifidis aves. 68  
Hircus, 21. 73. biceps. 80  
Hippopotamus. 82  
Hydria in pompa Osiridis &  
Ifidis. 75

## I.

**I** Bidis & Crocodili inimici-  
tiæ, 43. 77. descriptio, 76.  
Mansio, 78. Clysteris usum  
invexit. 78  
Ieroboam vitulos aureos in Be-  
thel



# I N D E X.

thel & Dan constituit.	38
Ignorabiles literæ.	9
Ioannes Mocenicus laudatus.	16
Ioannes Vincentius Pinellus laudatus.	17
Isis quæ. 2. 3. 10. 22. Ejusdem Area, templa. 10. 11. vestes multicolores. 19. stella. 31. cornuta cur. 30. mammosa. 34. imaginem pudendorum Osiridis divino cultu honestavit. 32. navigantium tutela credebatur.	10
Ithyphalli.	32
Ithyphallica.	8, 32
Iuvenalis declaratur. 10. reprehenditur.	66
Iul. Capitolinus illustratur.	30
Iuppiter ab Iside ad gressum expetitus. 50. Mundus vel mundi pars. 51. ejus oculus Sol. <i>ibid.</i> Heliopolitanus. 78.	

## K

<b>K</b> Neph Thebæis Deus.	6
-----------------------------	---

## L

<b>L</b> Ælius Paschalinus laudatus.	16
Lanam Ægyptii oderant, & cur.	22
Leo sub Ori throno. 44. cur.	45

Leonis vultu Sol.	64
Leo cur ignem paveat.	69
Leontopolis.	68
Lectus Sphingopes.	78
Loti flos magnifactus.	33
Lupus Solis imago Delphis.	29
Luna Androgyna, & Lunus Deus.	13
Luci.	38
Lucianus explicatur.	2. 31
Lycius Apollo. Lycopolis. Lycætonos.	79

## M

<b>M</b> Ammæ Isidis & Telluris.	33
Mammosa Ceres.	34
Marcianus Capella declaratur. 35. emendatus.	40
Marcus Hæreticus.	84
Malabares boves venerantur.	38
Marcus Velferus laudatus. 1. 14. 16.	
Melampus.	2
Melchior Guilandinus arguitur.	14
Mensæ in Templis cui usui.	13
Mendesius Hircus.	21. 73
Mercurii fascinus. 33. Hircus.	22
Menuphis, Taurus.	48
Melilotus.	69
Minucius Felix explicatur.	68
Mithriaca.	8
Mnevis Bos.	48
<b>O</b>	Mo-



# I N D E X.

Moloch seu Melchon. 38  
 Modius, Sarapidis nota. 23. 31  
 Moyſes cur detrectaverit ſacri-  
 ficare in Ægypto. 5  
 Myſteria Ægyptiaca ſilentio in-  
 voluta, & cur. 7. 8.

## N.

**N**atalitius Benedictus lau-  
 datus. 16  
 Navigium Apidis. 70  
 Nephtys. 44  
 Netyros, Neutos. 49  
 Neuroſpaſta. 33  
 Nigredo in Tabula frequens.  
 19. 20  
 Niloticorum Boum cornua qua-  
 lia. 37  
 Nili alluvio. 80. 81. Nilus  
 Deus. *ibid.* Nilus Oſiris. 3. 48.  
 Nili foetus. 69. Nilus Iup-  
 piter Ægyptius. 81. Iſidis  
 lacrymis auctus. *ibid.*  
 Noë arcam etiam hodie exta-  
 re. 71  
 Numerus ſeptenarius ſacer. 35.  
 ſenarius. 40  
 Numidica Iſidis avis. 43. quid  
 ſignificarit. 44

## O

**O**beliſcorum notas qui vete-  
 rum interpretati. 9  
 Orbitæ crocodilorum cultu-  
 res. 41

Omophagia. 8  
 Onuphis Taurus. 48  
 Orus. 44. 45. Spurius. 50.  
 Idem Bachus & Priapus. *ibid.*  
 Ejus oculi Luna & Sol. 51.  
 in gemma qualis. 52. decum-  
 bens. 78  
 Oſiris qui. 2. 3. Iſidis maritus,  
 frater, filius. 4. cum tripli-  
 ci pene. *ibid.* ejusdem apex.  
 18. 20. Teſtes oculati. 31.  
 etymon. 44. idem qui Ba-  
 chus. 23

## P

**P**almæ folia in quos uſus, ca-  
 dem Bais. 19  
 Pamyliæ feſta. 32  
 Pan Mendef. 21. ejus viſtima  
 apud Athenienſes. 22  
 Penis arrectus Oſiridis & Priapi  
 quid ſibi velit. 24  
 Petrus Bembus Cardinalis lau-  
 datus. 12  
 Perſea Iſidi ſacra, & quare. 69  
 Peſſinuntia. 8  
 Phallagogia, Phallophoria. 32  
 Phœnicopterus Iſiaca avis. 20  
 Pictura Linearis cujus inven-  
 tum. 13  
 Picturæ Crypticæ unde. *ibid.*  
 Piſcium cultus apud Ægyptios.  
 6  
 Plutarchi error. 82  
 Pluviale. 78  
 Por-



# I N D E X.

Porphyrîi ridicula Philo-  
 sophia. 6  
 Porrum in veneratione apud  
 Ægyptios. 6  
 Principia duo unde. 43  
 Prophetæ Apidis mento erant  
 raso. 38

## Q.

**Q**uintilianus illustratus. 76

## R.

**R**ana Ægyptia. 48  
 Reëmphaam, Caldæorum  
 idolum. 38  
 Rituales Ægyptiorum libri. 52

## S

**S**arapis idem cum Osiride.  
 2. 3. Iove, Æsculapio, Plu-  
 tone. 23. in Gemma. 3  
 Satyrorum & Silvanorum con-  
 fecratio. 33  
 Scriptores rerum Ægyptiaca-  
 rum. 7  
 Scarabæus. 43  
 Scorpius cui sacer. 82  
 Seleucus insanorum dogmatum  
 assertor. 85  
 Serpens accipitriformis. 28. Isi-  
 dis Aspis. 26. 27. 28. Ser-  
 pens quorum cinctus & co-  
 rona. 23. apud quos sacra.  
*ibid.* & *seqq.*

Sidoniorum Baal. 38  
 Sistrum quale. 67. Ejus figura  
 expressa. *ibid.* Isiacorum ge-  
 stamen. *ibid.*  
 Sirenes. 39. ex quibus nata. *ibid.*  
 Socrates Scholasticus notatus.  
 69.

Solis ad Lunam, & vice versa,  
 relationem nemo veterum  
 non agnovit. 40. Sol Leonis  
 vultu. 64

Sothis stella. 31  
 Sphynx. 70  
 Spicæ Isidi adtributæ. 45  
 Statuæ Ægyptiorum numinum  
 in digitis portatæ. 11  
 Strabo improbatus. 72  
 Suetonii locus expositus. 12

## T

**T**abula nostra unde & qua-  
 lis. 12. cujus opus, 13.  
 quid contineat. 14. in-  
 explicabilem aliqui pu-  
 tarunt. 8

Thebaïdos incolæ nullum  
 Deum mortalem censebant.  
 6. *Eneph* seu *Kneph* venera-  
 bantur. *ibid.*

Theodoretus emendatus. 74

Theodorus Gaza arguitur. 58

Themis. Thermutis. Tithram-  
 bo. 44

Thmuis, hircus. 21

Thoth. Thoyt. Taaut. 81

Testes



# I N D E X

Testes sacrauit Isis.	32	Vaticinium Trismegisti.	7
Tituli speciosi.	73	Val. Maximus illustratus.	30
Tripes Accipitris.	72	Veneris Cypriæ initia.	32
Typhon 42. 82. 83. Fratris Ofi-		Vesta.	44
ridis parricida.	32	Virilium fascinorum simula-	
		chra.	32
		Vituli aurei Ieroboam unde.	38
		Upupa.	29,44
		Vulturis pennæ.	45
V Alentinus insanorum do-			
gmatum assertor.	84		

# F I N I S.





MAGNÆ DEUM  
MATRIS IDÆÆ  
&  
ATTIDIS INITIA.

Ex vetustis monumentis nuper Tornaci  
Nerviorum erutis.

Auctore

LAURENTIO PIGNORIO,  
Canonico Tarvisino.



AMSTELODAMI,  
Sumptibus ANDRÆ FRIS I. M DC LXIX.

1669

*First edit. Paris 1623  
Goodland p. 476*



LA GAZZETTA DEL

1818

LA GAZZETTA DEL

1818

LA GAZZETTA DEL

1818

LA GAZZETTA DEL

1818



LA GAZZETTA DEL

1818



*Amplissimis, Consultissimis, Pru-  
dentissimisque Viris,*

DOMINIS,

D. GUILIELMO }  
                  & } BLAEU,  
D. PETRO }  
                  }

I.U.DD.

*Illi Reipublicæ Patriæ Ex-scabino, huic Collegij  
Tutorum Publicorum Secretario dignissimo.*

F. P.



Non accusandus, sed da-  
mnandus ab amicitia præsi-  
dibus Dijs, à me, ab alijs  
forem, si MANUS has  
alteri, quam vobis, qui to-  
ties mihi synceri amoris  
indices dexteris porrexistis, offerrem,  
Amici integerrimi, fratresque inter vos  
amicissimi. Quid enim est quod me apud  
Vi.



viros omni veneratione dignissimos , &  
Piladae nostrae necessitudinis oculatos te-  
stes , absolvere ab ingratitude vel incu-  
riae & oblivionis vitio possit, si nec fami-  
liarissimum tempore quo Sacratissimus  
**LEOPOLDUS** Francofurti Imperator  
coronabatur , vobiscum contubernium ,  
nec eorum de tot ferijs, de tot jocosis inter  
nos celebratis testimonium ; nec in itinere  
per Germaniam , Italiam , alias regiones  
ubique commune hospitium me permove-  
ret, ut hocce munusculum ad vos deferrem:  
vos inquam , quos novi elegantioris omnis  
disciplinae amorem haereditario quodam ju-  
re à Parente Celeberrimo acceptum , per-  
petua talium lectione fovere , & favere ijs,  
qui ejusdem instituti sunt amantiore. Fa-  
vorem hunc ego , me veluti mantissam mu-  
tui amoris , aucupari fateor , dum hanc oc-  
casionem vos publice alloquendi vel capto  
vel arripio ; ne memet ipse damnare cogar  
neglecta , aut certe minus cultae amicitiae.  
Suscipe ergo haec **MANUS** , & cum  
ijs dexteram , corque meum tibi oblatum  
GUIL-



GUILJELME, eo vultu, quo omnes,  
Magistratus munia obiens, ad te acceden-  
tes miro tui amore accendis: suscipe  
PETRE, ea benevolentiae demonstratio-  
ne, qua Magnus ille Magni Etruriae Ducis  
Filius, te nuper accipiebat, dum perpetuum  
sibi Achatem in curiosa urbis nostrae visita-  
tione esse volebat, & erit quod ego mihi  
gratuler in hoc fastidioso talium colligen-  
dorum, & emendandorum studio me tan-  
tos tamque amicos invenisse patronos:  
quorum & publice probata integritas, &  
privatim contestata fides id jure meritoque  
mihi exposcere videtur, ut sim dicarque  
semper.

*Amicissimi Fratres,*

VV. AA.

Obsequio addictissimus

ANDREAS FRISIUS.

Le-



Lectori Laurentius Pignorius.



*Hæc sigilla quæ vides (amice Lector) extabant olim Tornaci, prope quod etiam effossa fuerant, apud Dionysium Villerium Canonicum, virum eruditum. Fuerunt autem ex ære omnia, & è sacrario (ni fallor) veteris alicuius Fani magnæ Deûm Matris, cuius religio videtur etiam eo pervasisse; ab eo fortasse tempore, quo Galli, ut inquit Pausanias, in Atticis, Pessinuntem, ad montem Agdistin, nobile Atys tumulo oppidum cæperunt. Pessinunte etenim Acdestis, Atys corpus ceremonijs annuis, & sacerdotum antistitibus honoravit inquit Arnobius Lib. v. nec non & Strabo Lib. xij. Claudianus in Eutropium, Lib. ij. Pausaniæ dictum firmat,*

Nuper ab Oceano Gallorum exercitus ingens  
Illis, ante vagus, tandem regionibus hæsit,  
Gæsaque deposuit jam Grajo mitis amictu,  
Pro Rheno poturus Halyn.

*Attidis icunculam pauxillum argenti ornat ut dicemus: non dubio argumento & præclari artificis, quod loquuntur & ipsa oris lineamenta, & existimationis in qua fuerit apud Sacerdotem aliquem, sive apud procerum quempiam in Larario privato, & familiari. Et verò apud me etiam visitur antiqua Pallas ærea, semipedis magnitudine, oculis, zona, & calceamentis ex argento incisis: qua vix aliud vidi magis absolutum in hoc genere veterum Sigillorum, quamvis etiam extant alicubi, ut vidimus olim, solido ex argento elaboratæ imagunculæ Martis & Fortunæ, rudiusculæ tamen, & minus politæ. Et hæc sane omnia Lararij vel Adyti alicujus instrumenta fuerunt ut dixi. Nisi malimus ad Initiatos referre, qui Initiorum quædam signa & monumenta, sibi à Sacerdotibus tradita, ut scribit Appulejus in Apologia, quam vocant primam, seorsum sedulo conservabant. Et apud hos moribus fuerat receptum (eodem teste) circumferre secum etiam peregre simulachrum alicujus Dei, ipsique diebus festis, thure & mero, & aliquando victimis supplicare. Quod & non omnino bene cessit Asclepiadi Philosopho apud Ammianum*  
Mar-



*Marcellinum Lib. xxij. Verum hæc forte alias latius disquiremus. Manus porro, dextra est; ita conformata, ut pollicem, indicem, & medium, sive impudicum sustollat, annularem & minimum depri-  
mat, eo schemate, quo nostræ Religionis Antistites populum olim sole-  
bant consignare, quodque Pictores in effigenda CHRISTI domi-  
ni dextera manu, sacram Crucis tesseram imprimente, mordicus re-  
tinuere. At quare manui hæc symbola insculpta sunt? an quia Dia-  
bolus jam tunc studuerit elevare mira calliditate eum gestum, quem  
Christiani Sacerdotes adhibitura erant sacro signo exprimendo? an  
quia in ea manu crederent Ethnici vivere Attydis minimissimum di-  
gitum, qui perpetuo ageretur motu, ut ex veteribus Theologis tra-  
didit Arnobius? an quia & Isis, ut infra dicemus, manum sacram  
ostentaverit in pompa? Verum, quia viri eruditi arbitrati sunt,  
hanc manum aliquando conspicuam fuisse inter signa militaria, quod  
Aquilam fulminiferam in summis digitis prætulit; dicemus Aquilam  
Legionariam fuisse auream non æream, teste Dione Lib. xv. non  
quidem impositam digitis, sed fulmen prensantem unguibus, & stan-  
tem in summa hasta. ut passim ostendant Denarij gentis Antoniae: &  
alibi veteres nummi, ut apud Æneam Vicum in Galba. At ali-  
quando cernitur sine fulmine, ut perspicue in vetere monumento M.  
Pompeij Aspri, Romæ apud Cæsios, & in aliquibus Denarijs. Ne-  
que vero non erat hac nostra major, utpote conspicienda, & edito  
loco in summo hastili statuenda. At solitaria & fulminifera sine  
hasta, visitur sæpe apud Gorlæum, media videlicet inter duo signa  
minora. Sed manui impositam (hac nostra excepta) ego numquam  
vidi. Arule insidentem vidi aliquando, Scipioni eburneo aliquoties,  
Globo non semel, Pyræ Cæsarum sæpius. Manus vero erant qui-  
dem in Signorum (ut ita dicam) censu: at diversa conformatione,  
ut in Nummis Trajani apud Æneam Vicum, & in Dactylotheca  
Gorlæi.*







LAURENTII PIGNORII

PATAVINI

MAGNÆ DEUM

MATRIS IDÆÆ

& Attidis initia.



ATTIDIS nomine Phryges Solem venerati olim sunt. Ita Macrobius lib. I. Saturn. c. XXI. & Macrobio antiquior Arnobius lib. V. extremo. Hujus Attidis, sive Attinis fabulam qui cupit pervidere, is adeat

Diodorum Siculum lib. III. Pausaniam in Achaicis, Arnobium in principio lib. V. & Servium in IX. Æneïdos & è recentioribus Gyraldum Syntag. IV. Cartarium nostræ editionis pag. 190. 191. 192. Ejus autem imago ea est quæ exhibetur, ore videlicet excellentissimo, ut sunt Arnobij verba, & specie inter virginem & puerum eximia. Catullus hoc idem voluit. carm. 64.

*Quod enim genus figuræ est, ego quod non habuerim?  
Ego mulier, ego adulescens, ego ephebus, ego puer,  
Ego gymnasij fui flos, ego eram decus olei.*

Marcianus Capella lib. I.

*Atys pulcher item, curvi & puer almus aratri.*

( a )

Caput



## 2 MAGNÆ DEUM

Caput autem tectum mithra Phrygem indicat. Hi enim hoc pileo usi sunt, ut nos alibi latius ostendemus. Braccas, quas gerit indutui, vidimus in vetere Ara, quam primus JACOBUS MAZUCHIUS publicavit, in qua Attis Pinui innixus Cybelem aspectat. Reliquum vestis diductum & sinuatum videtur mihi non carere mysterio, ut quod sui ambitu & patore malum Punicum referat, cujus specie capta mater Attidis Nana facta fuerit prægnans, uti scriptum reliquit Arnobius. Porro digiti dexteræ manus, index & impudicus virilia ostendentes eo alludunt, ut commonstrent masculum pudendum, Deum matris delicias illas luctuosas. Monile verò, Cingulum, & Fibulæ Braccarum (si quos hoc etiam scire delectat) incisa sunt omnia ex argento. Et hæc quidem quoad Attidis imaginem satis. Manus ærea, cum inanis sit, minimeque solida, neque videatur adhæsisse trunco brachij, ideo fabrefacta forsân fuit, ut sceptro, vel hastili non ita magno infereretur. Cui usui? inquires. Ut præferretur in pompa ipsi matri Deum. Qua plane ratione Antistitum unus Isidi prægestabat, *Æquitatis indicium deformatum manum sinistram porrecta palmula*, ut scribit Appulejus libro XI. Metamorphoseon. Et sanè Isidis sacra non abierunt à mysteriis matris Deum. VLPIVS enim EGNATIVS FAVENTINVS PATER ET HIEROCERYX D. S. I. M. fuit etiam sacerdos Isidis: & C. MENATIVS SEVERVS matri Deum & Isidi fanum refecit: ut minime mirum sit hanc manus prælationem utrobique fuisse receptam. Addamus quod

*Manus cui  
usui fabrica-  
ta.*


OCTA-







OCTAVIUS ROSSIUS monuit in operoso illo & erudito volumine, quod appellavit antiqua Brixia monumenta, in summa hasta simulacri TILLINI, indigenæ numinis, stetisse manum æream huic nostræ non valde absimilem.



Draco.

Jam in manu quæ comparent explicabimus, si licebit per genium Antiquitatis. Carpum ipsius circumambit Draco variegatus & caput cristatus. Et profectò in veteri signo marmoreo, quod extat Romæ in hortis JULII III. extra portam Flaminiam, & edidit JOANNES GEORGIUS HERWARTUS, truncum, cui innititur Attis, circumserpit Draco, punctis tergum interstinctus, non tamen cristatus. Est autem Draco inter præcipua solis argumenta, inquit Macrobius. Et in sacris Sabadijs Draco mysticus celebris est. Quæ quidem sacra minime disparata fuerunt ab his nostris Initijs, ut argumento esse potest imprecatio illa apud Appuleium, & quidem semiviri unius ex hoc grege: *At te cadauer surdum & mutum,*  
deli-




delirumque præconem, omnipotens & omniparens dea SYRIA, & sanctus SABADIUS, & BELLONA, & mater IDÆA, cum suo ADONE VENUS domina, cæcum reddant. Strabo clarissimè libro X. καὶ ὁ Σαβάζιος ὃ τὸ Φερμανὸν ἐστὶ. Et infra πάντα γὰρ ἐστὶ Σαβάζια, καὶ Μυτῆα. Lucianus in Icaro-menippo. Iam enim cena tempus erat, meque Mercurius arreptum jussit accumbere juxta Pana, & Corybantas, & Attin ac Sabazium, inquilinos istos & ancipites Deos. Idem in Deorum Concilio, atqui, ô Iuppiter, Attis ille & Corybas, & Sabazius unde nobis tandem accersiti veniunt? Cur autem caput Draconis basim pollicis obsideat, inde videtur factum, quòd pollex (ut scriptum reliquit Atteius Capito) qui nomen ab eo quod pollet accepit, nec in sinistra cessat, nec minus quàm tota manus in officio est. Quæ omnia Solis pollentiam vigilemque laborem, ut canit Prudentius, mirifice mihi exprimunt. Infra volam manûs cauda Draconis sistitur, è cujus regione surgit flagrum manubriatum (ut mihi quidem videtur) & ea profecto specie, qua cernitur gestari à Sole in nummis Elagabali, Alexandri, \* Gallieni & aliorum Augustorum, cum inscriptione ORIENTIS, SOLIS COMITIS &c. Prudentius contra Symmachum, lib. 1.

Flagrum manubriatum.

*Hoc sidus currum, rapidasque agitare quadrigas  
 Commentis, & radios capitis, & verbera dextræ,  
 Et frænos falerasque & equorum pectora anhela, &c.*

\* Gallieni certe nummus flagrum cum manubrio. Maximini præter flagrum ipsas etiam quadrigas frænosque falerasque & equorum pectora exhibet, effigiem cui cum modum est videat quam pagina sequenti expressimus.





Nisi vero dicamus flagrum esse ex disciplina Gallorum. Appulejus lib. VIII. *Arrepto denique flagro, quod semiviris illis proprium gestamen est, contortis tenijs lanosi velleris prolixè fimbriatum, & multijugis talis ovium tessellatum, indidem sese multinodis commulcat ictibus: Mira contra plagarum dolores præsumptione munitus.*

Ovidius lib. I V.  
Fastorum.

*Exululant comites: furiosaque tibia flatur;  
Et feriunt molles taurea terga manus,*

Et hæc est, quæ apud Juvenalem substantivè, ut loquuntur Grammatici, Taurea est, Sat. VI.

----- Taurea punit

*Continuo flexi crimen, facinusque capilli.*

*Testudo.*

Supra flagrum repit Testudo, quæ an aliqua ratione Cybelen attingat mihi prorsus incompertum est;  
nisi



nisi huc illatam velimus quòd nuptias averfaretur. Servius è membranis Fuldensibus in I. *Æneïdos*. *Virgo quædam nomine Chelone, linguæ impatiens fuit. Verum cum Iuppiter Iunonem sibi nuptijs jungeret, præcepit Mercurio, ut omnes deos vel homines, atque omnia animalia ad nuptias convocaret. Sed omnibus quos Mercurius monuerat convenientibus, sola Chelone invidens & derogans nuptijs, neclens moras adesse contempsit. Quam cum Mercurius non venisse notavisset, denuo descendit in terras, & ædes Chelonis supra fluvium positas, præcipitavit in fluvium, ipsamque Chelonem in animal sui nominis vertit, quam nos latinè Testudinem dicimus: fecitque ut pro pœna dorso teclum, velut damnum suum prona portaret. Ita Servius. At nuptias Attidis ipsa etiam Cybele averfabatur. Arnobius libro citato, verum etiam mater adolescentuli fatum sciens, interque homines illum tamdiu futurum salvum, quamdiu esset solutus à MATRIMONII fœdere, nequid accideret mæsti, &c. Sunt qui illud ex Pacuvio suggesserint.*

*Sanguine cassa, domiporta, TERRIGENA, &c.*

MARTINUS quidem SANDELLIUS amicus noster, multarum atque adeò reconditarum litterarum notitia insignis, arbitrabatur Testudinem hic expressam fuisse, veluti notam silentij & Taciturnitatis, quibus imperatis Initiorum olim omnium mysteria obsignabantur. Et fanè extabat, ut narrat Pausanias in Eliacis, signum Veneris cœlestis, Phidiæ opus,



opus, quod altero pede Testudinem premebat. Hanc nonnulli arbitrati sunt ideo adhibitam, quod silentium indicaret, tanquam locupletem muliebris formæ dotem, & unicum veluti censum. Testudo enim præter valde tenuem sibilium, eumque abruptum, nihil præterea vocis habet. Inde rectè est apud Symposium.

*Viva nihil dixi, quæ sic modo mortua canto.*

Accedit ejusdem ingenium, quo se totam abdere, & aspectui subtrahere consuevit. Eximiè ad mysteriorum (ut ipsi quidem rebantur) vim seorsum habendam, & profanorum oculis eripiendam. Virgilius de hisce nostris in II. Æneidos.

----- *Hinc fida silentia sacris.*

Ubi Servius, & Jul. Pomponius Sabinus, cujus hæc sunt: *Nefas erat patefacere sacra Cybelis, tantum paucis nota erant. Sic jussit ipsa Cybele, cum erudiret Idæos Dactylos, & doceret initiandi morem. Diodorus ait, morem initiandi, quem Dardanus accepit à Iove, nefas erat aperire nisi initiatis, ideo fida silentia.* Addamus similitudinem etiam quamdam cognominum intercessisse. Vt enim Cybele, Φερέπολις, & πυρροφόρος, ita hæc nostra Φερέοικος, & domiporta dicta est. At hæc tamdiu placeant, quamdiu prodeant meliora certioraque. Pilei & ipsi ad normam eorum quos gestant Castores & Dioscuri, fabrefacti, ad Rheam ideo spectant, quia Samothracum Deorum, Curetum, Corybantum, Ca-  
byrorum



byrorum gestamina videntur fuisse, & Castores ipsi affines hisce omnibus fuerunt, ut ex ijs, quæ habet Strabo libro X. & ex Vectio Basso in Arateis Phænomenis, & Hugonis Grotij notis ad Syntagma Arateorum conijcere est. addamus porro & apud Cephalenses MAGNOS DEOS appellatos fuisse, ut notat Pausanias in Atticis. Quæ fuit legitima Magnæ Deum Matris, & Attinis nomenclatura, ut indicant veteres Inscriptiones. Servius ad III. Æneidos hæc habet, *Varro unum esse dicit Penates & magnos Deos. Nam & in basi scribebatur MAGNIS DIIS. Et idem Varro & alij complures magnos Deos affirmant simulacra duo virilia Castoris & Pollucis, in Samo-Thracia ante portum sita, quibus naufragio liberati vota solvebant.* Macrobius libro III. Saturn. capite IV. addit, *Varro humanarum II, Dardanum refert, Deos Penates ex Samo-Thrace in Phrygiam, & Ænean ex Troia in Italiam detulisse, &c.* Crux ipsa in summis Pileis quo pertineat mihi incompertum est. Apparet certe in Geminorum Pileolis apud Aratum, ex editione Cl. Viri Hugonis Grotij, qui minus recte, mea quidem sententia, torulum interpretatur. Torulus enim Plautinus sub Petafo fuit. At hæ Cruces in summo Pileo. Torulus autem videtur effictus in vetere Nummo, qui est Mercurij apud me.





Suos igitur Castoras habuerunt & Phryges ipsi. Luna excrescens vel illam narratiunculam, fabellam verius, exprimit, quam Diodorus Siculus ex Atlantidarum theologumenis compilavit, vel Attidis mysticum ornatum, qui in nummis aliquot veteribus cernitur, hujus lunaris sectiunculæ ad pectus ejusdem adfixæ.



*Virga.*

Virga, sive illud sceptrum sit, Pineæ insignitum, potestatem Solis asserit, qui cuncta moderatur. De nuce Pineæ inferius suo loco agemus.

*Tibia.*

Manus extimam partem ornant proximæ à capite Draconis Tibiæ, quarum altera videtur expressisse acutum tinnitum, altera gravem bombum, ut loquitur Appuleius. Et Tibiarum fuit inventor Marfyas, si Dio-



si Diodoro credimus, qui Cybelæ amicus fuit. Varro apud Servium lib. IX. Æneidos non admodum graphicè ad picturam nostram; *Tibia Phrygia dextra unum foramen habet: sinistra duo, quorum unum acutum sonum habet, alterum gravem.* Servius magis apposite, ad illud ex Æneidos IX.

----- *biforem dat Tibia cantum,*

*Bisonum, impari. Et servavit eis Tibiarum suarum, idest Phrygiarum naturam. Tibiæ aut Serranæ dicuntur, quæ sunt pares, & æquales habent cavernas. Aut Phrygiæ quæ & impares sunt, & inæquales habent cavernas. Post Tibias Cymbala & Sistrum in conspectu sunt. Illa eadem penè figura visuntur etiam Romæ, in veteri ara marmorea, quam citavimus, apud Cæsios, fecantia decussatas faces. Virgilius in IV. Georg.*

*Tinnitusque cie, & matris quate Cymbala circum.*

Ubi hæc Servius; *Matris Cymbala: quæ in ejus tutela sunt, ideo quod similia sunt hemicyclis cæli, quibus cingitur Terra, quæ est mater Deorum.* Hæc Martialis libro XIV. 202. appellat Æra quod ærea essent.

*Æra Celenæos lugentia matris amores  
Esuriens Gallus vendere sæpe solet.*

Idem lib. V. 41.

*Et concubino mollior Celenæo,*

(b 2)

ubi



ubi non parum mihi subit mirari, cur Martialis Celenas immiscuerit ijs, quæ Pessinunte celebrabantur. Distant enim Sangarius & Marfyas non minimo terrarum tractu, ut ex tabulis Geographicis patet, & Claudiani Carminibus, lib. II. in Eutropium.

*Sangarium, vitrei puro qui gurgite Galli  
Auctus, Amazonij defertur ad ostia Ponti.  
Icarium pelagus, Mygalæaque littora juncti  
Marfya, Mæanderque petunt-----*

At hæc sollemne est Poëtis confundere, Nisi dicamus, Celenæos transtulisse ad suam regionem hæc omnes religiones, æmulatione quadam, ut olim fiebat, Civitatum; & cujus non parva extant vestigia apud veteres auctores. Alioqui apud Pessinuntem & Dindyma stata & legitima fuerunt hæc sacra. Ammianus Marcellinus, lib. XXII. unde dextrorsus: itinere declinato, Pessinunta convertit, visurus vetusta Matris magnæ delubra, &c. Et antiquum Epigramma.

*Qui colitis Cybelen, & qui Phryga plangitis Attin  
Dum vacat, & tacita Dyndima nocte silent,  
Flete meos cineres &c.*

ubi notandus est ploratus, apposite ad æra lugentia Martialis. Attis enim plangebatur, ut & Osiris, & Adonis. Quod & Julius Firmicus notavit; *lugete Liberum, lugete Proserpinam, lugete Attin, lugete Osirin, sed sine nostræ contumelia dignitatis.* Est autem pro-  
so po-



sopopœia Solis loquentis , adversus eam hæresin, quæ Macrobij tempore viguit, Solem ipsum in varia numina dividentem. Sistrum ad Isidem pertinet, neque ideo abludit à magna Matre. Marcianus enim Capella libro II. in lunari circulo statuit Sistra Niliaca , Eleusinam lampada, Arcum Dictynnæ, & Tympana Cybeleia. Mentulam illustrant illa Arnobij. *Dicite, ô iterum, ergone Deum Mater genitalia illa defecta cum floribus, ipsa per se mœrens officiosa sedulitate collegit, ipsa sanctis manibus, ipsa divinis contrelavit & sustulit flagitiosi operis instrumenta fœdique?* &c. Culter ( si modi is culter est; æmulatur autem fallacem vinitoriam, quam delineavit Columella ) non aliò referendus est, quàm ad exsecutionem virilium. Juvenalis. Sat. II.

*Quid tamen expectant, Phrygio quos tempus erat jam  
More supervacuam cultris abrumpere carnem?*

Cultri autem figuram exhibet antiquum marmor, Capuæ; apud Gruterum 640. 11. utebantur verò Coqui Cultro. Plautus, Aulularia. Ev. quia *Cultrum habes* CON. *Cocum decet Venatores etiam, Martialis Lib. I. 115.*

----- *Stupuitque superbus  
Venator, cultro nil superesse suo.*

Et hos Secespiras appellant nostri Antiquarij, non omnino male. Testula alioqui usum fuisse Attinen notat Arnobius, & filice ante Arnobium Catullus.

*Divellit illa acuto sibi pondera filice.*

(b 3)

De



*Cithara*

De cithara superfluum videtur ut sermonem instituat, ea enim Solis & Apollinis gestamen est satis notum. Virgilius lib. XII. Æneïdos.

*Ipse suas artes, sua munera lætus Apollo.  
Augurium Citharamque dabat -----*

*Gladius.*

Et Apollo magnæ Matris amasius fuit, teste Diodore Siculo. Quod sequitur statuemus esse Gladium, quo usi sunt Galli, ad brachia sibi quisque dissecanda: in pompa nimirum & lymphato illo discursu. Apulejus lib. VIII. Lucretius lib. II.

*Telaque præportant violenti signa furoris  
Ingratos animos, atque impia pectora volgi  
Conterrere metu quæ possint numine divæ.*

Cæterum antiqui gladiatorum capulos, & infima vaginarum ita frequenter ornarunt ut hic videmus, cum tamen gladij mucro in acumen desineret, neque esset arcuatus, ut plerique arbitrantur. Et hoc schemate conspiciebatur antiquus Gladius, apud LÆLIUM PASCHALINUM Romæ, ut nos non ita pridem vidimus, & alij non semel. Gladij porro usum & primum inventum Diodorus ad Curetas refert, lib. V. Biblioth. At Curetes cum Idæis Dactylis & Corybantibus non semel confundunt veteres auctores, Strabone etiam teste.

Ser-



Servius eximiè ad lib. III. *Æneïdos Alij tradunt, Curetes & Corybantes, matris Deum ministros, custodes sicut dictum est pueri Iovis, ad plurimas res maximi usus hominibus extitisse.* Claudianus libro supra citato,

*Interea gelidæ secretis partibus Idæ  
Dum sedet, & thyasos spectat de more Cybelle,  
Curetumque alacres ad tympana suscitât Enses.*

Et lib. II. de raptu Proserp.

*Seu tu sanguineis ululantia Dindyma Gallis  
Incolis, & strictos Curetum despicias Enses.*

Forceps quæ subsequitur Vulcanum indicabit, quem Forceps. Pileus & Tenax (nos Italicè *Tenaglia*) insigniverunt apud veteres; ut in Aureliæ & Cæsiæ gentis Denaris adnotatum est. At Vulcanus Cælo natus, cujus meminit Cicero lib. III. de Nat. Deorum, Cybelen cognatione aliqua videtur attigisse. Et certè Marcianus Capella Terræ patrem Vulcanum nominat. At Terra magna mater fuit. Lucretius.

*Quare magna Deum mater, materque ferarum  
Et nostri genitrix hæc dicta est corporis una.*

Summum fastigium Pollicis digiti insidet nux Nux Pineæ. Pineæ, qua Iliacos usos fuisse scribit Alius Lam-  
pri-



pridius in vita Commodi Imperatoris. Ut ex hoc etiam capite liqueat, quod sub initium hujus commentatiunculæ monuimus, indiscretas fuisse horum numinum apud antiquos rationes. Satius lib. X. Thebaid.

*Sic Phryga terrificis genitrix Idæa cruentum  
Elicit ex adytis, contemptaque brachia ferro  
Scire vetat. quatit ille sacras in pectora Pinus,  
Sanguineosque rotat crines, ac vulnera cursu  
Exanimat, pavet omnis ager, resperfaq̃ue cultris  
Arbor, & attoniti currum erexere leones.*

Ubi videtur falsus Lucretius Placidus, qui Pinus sacras consecratas faces interpretatur. Pinus autem arbor in penetralia templi Matris Deum inferebatur, in Attidis memoriam, ut scribit Arnobius lib. V. non semel. Quod nimirum sub ea Attis virum exuisset, vel trunco illo induruisse, ut canit Ovidius lib. X. Metamorph. Inferebatur verò lanarum velleribus stipitem circumvoluta, & ramulos redimita & compta violaceis coronis. Dies autem status & sollemnis hujusce illationis fuit XI. Kal. Aprilis, ut ex vetere Kalendario Constantiano me docuit HIERONYMUS ALEXANDER, cujus docti & eruditi in illud idem commentarij propediem prodibunt. In eo est legitima hæc festi diei formula ARBOR INTRAT. unde natum videtur glossema Lucretij ad illa Statij.

*Resper-*



----- *Resperaque cultris,*

*Arbor.* -----

ARBOR. *Pinus, quæ colitur in sacris Matris Deum,  
sub qua jacuit Attis, Matri Deum dilectus.*

Servius ad illa IX. *Æneïdos.*

*Pinea sylva mihi multos dilecta per annos  
Scripsit, congrue nam Pinus in tutela Matris Deum est.  
Quem imitatus est Claudianus Lib. I. de raptu Pro-  
serpinæ.*

----- *Templique colendi.*

*Religiosa silex, densis quam Pinus obumbrat  
Frondebis, & nulla lucos agitante procella  
Stridula coniferis modulantur carmina ramis.  
Terribilis intus Thyasi, vesanaque misto  
Concentu delubra gemunt, ululatibus Ide  
Bacchatur, timidas inclinant Gargara sylvas.  
&c. graphice.*

In eadem media simulacrum juvenis subligabatur  
(inquit Jul. Firmicus) Attinis videlicet: idque ex  
Dei fortasse monitu, ut scribit Diodorus Siculus.  
Hinc Pinus in tutela Cybeles fuit. Phædrus lib. III.  
Fabular.

----- *Quercus Iovi,*

*Et Myrtus Veneri placuit, Phæbo laurea,  
Pinus Cybelæ, Populus celsa Herculi.*

Pinus autem figura, ut in marmoribus & gemmis olim  
hæc fuit.

(c)

Ex-





Expressit vero hic Artifex Virgilianum illud ex  
Ecl. VII.

*Hic arguta sacra pendebit fistula Pinu.*

& illa Macrobij Lib. I. Saturnal. cap. 21. *Solem vero  
sub nomine Attinis ornant Fistula & Virga.* Ad nucem  
Pineam ut revertamur; extat apud Macrobium in-  
signis jocus Cascellij I. C. qui consulenti an nux  
Pinea Pomum esset, respondit, Pomum futurum, si  
in Vatinius misisset. Libro II. Saturn. cap. 6. At  
sine exceptione pronunciavit Martialis Libro.  
XIII. 25.

*Poma sumus Cybeles, procul hinc discede Viator,  
Ne cadat in miserum nostra ruina caput.*

Cybele autem dicta est à monte Cybelo, seu Cybele.  
Virgilius Libro III. Æneïdos.

*Hinc Mater cultrix Cybeli. -----*

& Ovidius in IV. Fastor.

*Inter ait viridem Cybelen, altasque Celenas.*

Im-



Imposuit autem pictor, sive alius quispiam GABRIELI SIMEONIO, & JO. GEORGIO HERWARTO, ut alia specie nobis exhiberent ex marmore PENNENSI, inter MASSILIAM, & AQUAS SEXTIAS eruto. Indicem & impudicum digitos, ut ex fragminibus etiam nunc apparet, obsidebat olim Aquila, quæ fulmen unguibus prensabat. Illa Jovem utique significavit, qui Agdistis, seu Acdestis pater fuit; cujus cruore extitit repente (ut diximus) malum Punicum, quo in sinu reposito, concepit Attidem mater. Manus autem hæc gestu & conformatione, dextram Attinis exhibet, ut videmus in signo una cum ipsa eruto. Neque absurdum erit opinor excurrere tantisper hîc, & emendare insignem Ulpiani locum, in quo de magna Matre agitur; ut in pristinum nitorem restituatur qui hætenus in mendo delituit, ad speciem elegans, & elaboratus. Huic ego larvam omnium primus forte detraxero. Locus est in libello, cui titulum adscripserunt, Institutionum seu Titulorum, ex corpore Ulpiani, Lemmate, *Qui heredes institui possunt*. Recenset ibi I. C. Deos illos, quos ex Senatusconsulto seu Constitutionibus Principum, heredes licebat instituere. Enumerat vero Iovem Tarpejum, Apollinem Didymæum, Martem in Gallia, Minervam Iliensem, Herculem Gaditanum, Dianam Ephesiam. Hucusque recte omnia; porro adjungit Matrem Deorum Cybelem, eam quæ Smyrnæ colitur. Cybelen hanc ne fanaticus quidem ullus somniavit umquam. Quid enim Ulpiano,

(c 2)

cujus



cujus proprietatem atque elegantiam viri docti suspexerunt, cum poëtica illa voce, quæ tautologian etiam invito exprimeret? At verò cordatus nescio quis (I o. TILIUS fortasse) cui plerosque veteres I. C. ferimus acceptos, quique hunc librum primus edidit, manu scripti codicis scripturam bona fide exhibuit multis in locis. ingenuè, hoc & religiosè. Vidit enim vir eruditus quisquis ille fuit latitare nescio quid sub ea Librarij manu, quæ hæc litterarum notas descripserat, MATREM DEORUM SIPELENSIM QUÆ HYSMYRNE COLITUR. Hæc antiquæ lectionis altius impressa vestigia eò primum me traduxerunt, ut cogitarem scripsisse Ulpianum MATREM DEORUM SIPYLENSEM, ISIN QUÆ SMYRNÆ COLITUR. Neque omnino mala hæc mihi divinatio videbatur, conjectanti ̃ ISIN, ex Librarij oscitantia, & Litterarum cognatione, antecedentis dictionis extrema, antiquo & alibi sæpius prodito vitio invasisse. Aderant meæ emendationis rationes ut sane opinabar satis exquisitæ. Pausanias in primis eruditus antiquitatum indagator, Lib. III. Magnesios testabatur, qui in Sipyli parte Aquilonari sunt, signum Matris Deum adservasse, longe omnium quotquot extabant antiquissimum. Hujusque antiquitatis vel Senatum vel Principum aliquem rationem habuisse ut mihi persuaderem, Afylorum jure vetustati plerumque innixa, ut apud Tacitum, à simili compellebant. Accedebant præterea Magnetum merita, qui in bello, quod Populus



pulus Romanus adversus Mithridaten gessit , egregiam operam navarunt. Jam verò quod ad Isiden attinet , quæ Smyrnæ coleretur , retulerat pridem in litteras Aristides , Sacror. ferm. III. & Sacerdotem & Templum Isidis Smyrnæ , in quo ipse Isidem , & Sarapidem , ansernis hostijs exorasset. Neque verò permovebant me aliquorum voces , absonum videri Ægyptiam superstitionem adeo probatam Ulpiano , ut inter majorum gentium Deos Isin adnumeraret. Succurrebat enim , id non Jurisconsulto ipsi , sed Senatui , Principibusve , qui superstitionibus indulgissent , vitio vertendum. Fungi ipsum enarratoris munere non philosophi. Quæ si non placerent ; non eum esse me , qui miraretur hominem Christianis infensum , Deorum cultui plus nimio addictum , sordida monstra scriptis suis intexuisse. Hoc nimirum jure obtigisse

*His quibus exactas placuit servare tenebras,  
Splendentemque die medio non cernere Solem.*

ut missum faciamus , Ulpianum Præfectum Prætorio fuisse ejus Principis , qui *Isium & Serapium* (Lampridij verba sunt in Alexandro) *decentur ornavit.*

Neque vero inficias iverim , non displicuisse mihi emendationem alteram , ab antiqua scriptura minimum abeuntem : ea fuit , MATREM DEORUM  
CYBELEN ISIN QUÆ SMYRNÆ  
(c 3) Co-



COLITUR. ita tamen ut Cybeles cognomentum topicum fuerit. de quo Pisander apud Stephanum in KYBEAËIA, Strabo Lib. XII. Diodorus Siculus Lib. III. Suidas & alij. Hæc ut dixi speciosa & vera videbantur, quæ etiamnum videntem meliora probantemque alliciunt tamen. Verum, ut sunt posteriores curæ meliores, commodum occurrit Aristides, qui non semel in Sipylo Smyrnam illam antiquam, ibidemque Jovis matrem, Deorum thoros, & Corybanum choros recensuit. An idem sibi voluit Plinius Lib. XIV. cap. IV. nascitur (Maroneum) Smyrnæ regione, juxta delubrum Matris Deum? Antiquissimam autem religionem Smyrnæi videntur in novam urbem transtulisse, & veteri servato loci cognomine, in Metroo excoluisse. Neque vero meritis in Pop. Rom. Smyrnæi Magnesijs erant posthabendi, si Cornelio Tacito credimus. Legamus igitur MATREM DEORUM SIPYLENSEM, quam ut secerneret Ulpianus ab ea, quæ apud Magnesios colebatur, adjecit, QUÆ SMYRNÆ COLITUR.



## APPENDICULA.

**L**ilius Gregorius Gyraldus vir sane accuratissimus proprio Syntagmate de Rhea & Ope, multa disseruit, quæ eruditum Lectorem instruere possunt. Nos hic Analecta quædam dabimus eruta è varijs Inscriptionibus Marmorum & Nummorum. Itaque monemus primum Ant. Augustinum Dial. V. hanc epigraphen D.M.M.I. recte interpretatum esse *Deum matri magnæ Idææ*, minus recte *Deæ magnæ matri Isidi*. marmor enim præferebat Cybelen non Isidem. Licet enim hæc mysteria (ut non semel monuimus) coaluissent, ut satis superque indicant carmina Cypriani, seu Tertulliani, ad Senatorem apostatam; tamen Isis alio cultu, & schemate fingebatur. Monemus secundo Pierium Valerianum virum impense doctum lib. 39. Hieroglyphic. recensuisse Nummum Faustinae Augustæ cujusmodi & nos olim habuimus, in cujus averfa superficie spectabatur Cybele Leonina insidens sellæ, sphæramque inter manu & genu continens, cum nonnulla hallucinatione. Non enim sphæra, sed tympanum est certo certius. Monemus tertio Adolphum Oeconem Pierij auctoritati nimis in hoc detulisse, in suis Numismatibus, cum posset nummum inspicere, & tympanum adnotare loco sphæræ At Catalogo, quem recitat Servius MAGNOR. DEORUM IV. Lib.



- Lib. III. Æneïdos ex variorum Auctorum sententia, adjungi possunt Mater Deum & Attis, quibus duo monumenta posita sunt sub hac inscriptione **DIS MAGNIS**, apud Gruterum 27. 4. & 28. 2. porro Idæam appellarunt ab Ida vel Cretæ vel Troiæ; utrobique enim colebatur, ut scripsit Virgilius.
- V. Magnam cur dixerint petamus ex Lucretio, & Arnobio. Mater Deum magna Pori Aug. & Trajani, five Triani Felicis quæ fuerit alij viderint; exscripsit autem Gruterus 308. 10. 11. fide Justi Lipsij, marmor mendose, quod emendatum habetur apud Philippum Cluverium Lib. III. Italiæ antiquæ.
- VI. cap: III. Cerariam quam appellet antiquum marmor apud eundem 1010. 2. mihi prorsus est incompertum. nescio quid sane Cereris redolet, quam
- VII. eandem esse cum Magna Matre nonnulli arbitrati sunt. Attis qui & aliquando Attini,  $\tau\psi\sigma\omega$  altissimus, celsissimus nuncupatus est, ut in vetere Inscriptione apud Gruterum 28. 1. Solem nimirum omnia pervidentem, omnia perlustrantem esse censabant, ut diximus. Vidimus etiam appellatum Minotaurum & Minoturanum, petita fortasse à nomine alicujus vici nomenclatura. Succurrebatque Minotaurus, nisi amicus noster **FEL. OSIVS** vir ornatissimus, humaniorum litterarum in hoc nostro Gymnasio publicus Interpres, ostendisset mihi duas veteres Inscriptiones Romæ recens erutas.



M. D. M. I.  
ET ATTIDI SANCTO  
MENOTYRANNO  
Q. CLODIVS FLAVIANVS. &c.  
&  
MATRI DEVM MAGNAE  
IDAEAE. SVMMAE. PA  
RENTI. HERMAE. ET ATTIDI  
MENOTYRANNO INVICTO  
&c.

Quæ sanè longè abeunt à Minotauro. Quare AM-  
PLIANDUM.

Videmus autem in hisce Inscriptionibus Cybe-  
len summam, & parentem appellari, Attiden  
sanctum, & invictum, quod postremum adjunctum  
Herculi, Soli, & Mithræ convenit, imò huic uni  
proprie si Commodianum audimus.

INVICTVS

*Invictus de petra natus si Deus habetur  
Nunc ergo ..... vos de istis date priorem  
Vicit petra Deum querendus est petræ creator.  
Insuper & furem adhuc depingitis esse  
Cum si Deus esset unquam non furto vivebat  
Terrenus utique fuit & monstrivora natura  
Vertebatque boves alienos semper in antris  
Sicut & Cacus Vulcani filius ille.*

(d)

hacte-



- X. hæcenus Auctor conclamatae editionis, & desperatae. Attin appellatum Phryga vidimus in vetere Epitaphio
- XI. ut retulimus apud Cæsios Romæ, Mater Deum magna Idæa, & Attis populi Romani apud Gruterum
- XII. 307. 7. ita videntur esse appellati receptis publica auctoritate sacris. Quod ex nuncupatione ipsius Archigalli satis patet. Cujus erat vaticinatio, ut præter antiquum marmor Gruterianum x x x. 2. Appulejus & Tertullianus cum risu & insectatione notaverunt. Ceterum in parergis ararum horum Deorum fere semper visuntur Tauri & Arietes, ut in Inscriptionibus fit mentio Taurobolij, & Criobolij, cujus præterea meminit Julius Firmicus, *Tauribolum* [*Taurobolium*] *vel Oriobolium* [*Criobolium*] *scelerata te sanguinis labe* [*tabe*] *perfundit*; *vel scelerato tabo*, at *labes* etiam ferri potest
- XIV. At quale hoc sacrum? Prudentius luculenter expressit in Romano martyre, quem omnino vide.  
*Agnoscis illum quem loquor miserrime,*  
&c.
- XV. ubi meminit tabidi roris, & tabi. Et hoc fuit Taurobolium Crioboliumque percipere, & Taurobolio in æternum renasci, ut ipsi quidem non minus ridicule, quam impie arbitrabantur. hoc Taurobolium &
- XVI. Criobolium facere. hoc accipere. Tauropolia vero, quorum meminit Casaubonus ad Athenæum Lib. vi. Animad. cap. 16. an huc pertineant, viderint doctiores. in Inscriptionibus certe Gallicanis Taurobolium, & Tauropolium promiscue legitur. Ad Matrem



trem Magnam, & Attidem, ut redeamus, qui plura de ijs volet, adeat Fulgentium Lib. I I I. Mythologicon, & Lucianum de Syria Dea.

Cum pagellæ aliquæ vacarent, visum est heic describere integrum Lucretij locum cujus suprâ mentio facta est, quòd ad ejusdem argumenti illustrationem mirificè conducere visum fuerit. Extat autem libro I I.

*Principio tellus habet in se corpora prima,  
Unde mare immensum volventes flumina fontes  
Assiduè renovent: habet, ignes unde oriantur.  
Nam multis succensa locis ardent sola terræ.  
Eximijs verò furit ignibus impetus Ætnæ.  
Tum porrò nitidas fruges, arbusta que leta  
Gentibus humanis habet unde extollere possit:  
Unde etiam fluidas frondeis, & pabula leta  
Montivago generi possit præbere ferarum.  
Quare magna Deum mater, materque ferarum,  
Et nostri genitrix hæc dicta est corporis una.  
Hanc veteres Grajùm docti cecinere pœtæ  
Sublimem in curru bijugos agitare leones:  
Aëris in spatio magnam pendere docentes  
Tellurem, neque posse in terra sistere terram.  
Adjungere feras, quia quamvis effera proles  
Officijs debet molliri victa parentum.  
Muralique caput summum cinxere corona:  
Eximijs munita locis, quia sustinet urbeis:  
Quo nunc insigni per magnas prædita terras  
Horrificè fertur divinæ matris imago.  
Hanc variæ gentes antiquo more sacrorum  
Idæam vocitant matrem, Phrygiasque catervas  
Dant comites, quia primum ex illis finibus edunt  
Per terrarum orbem fruges cœpisse creari.*

(d 2)

Gal-



Gallos attribuunt, quia numen qui violarint  
 Matris, & ingrati genitoribus inventi sunt,  
 Significare volunt indignos esse putandos,  
 Vivam progeniem qui in oras luminis edant.  
 Tympana tenta tonant palmis, & cymbala circum  
 Concava, raucifonoque minantur cornua cantu,  
 Et Phrygio stimulat numero cava tibia menteis,  
 Telaque præportant violenti signa furoris,  
 Ingratos animos, atque impia pectora volgi  
 Conterrere metu quæ possint numine divæ.  
 Ergo cum primum magnas invec̃ta per urbeis  
 Munificat tacita mortaleis muta salute:  
 Ære atque argento sternunt iter omne viarum  
 Largifica stipe ditantes, pinguntque rosarum  
 Floribus, umbrantes matrem, comitumque catervas.  
 Hic armata manus (Curetas nomine Gray  
 Quos memorant Phrygios) inter se fortè catervis  
 Ludunt, in numerumque exultant sanguine leti:  
 Terrificas capitum quatientes numine cristas,  
 Dictæos referunt Curetas: qui Iovis illum  
 Vagitum in Creta, quondam occultasse feruntur,  
 Cum pueri circum puerum pernice chorea  
 † Armati in numerum starent: pernice chorea  
 Armati numerum pulsarent æribus æra,  
 Ne Saturnus eum malis mandaret adeptus,  
 Æternumque daret matri sub pectore vulnus.  
 Propterea magnam armati matrem comitantur,  
 Aut quia significant divam prædicere, ut armis,  
 Ac virtute velint patriam defendere terram:  
 Præsidioque parent, decorique parentibus esse.



MANUS ÆNEÆ,  
CECROPII VOTUM  
referentis, dilucidatio.

*Auctore*

JACOBO PHILIPPO TOMASINO, [1597-1654]  
ÆMONIÆ PRÆSULE.



AMSTELODAMI  
Sumptibus ANDRÆ FRISII.  
CIC IOC LXIX.

1669



MANUS ANTE

CECROPI VOTUM

scribitur: Iudicio

JACOBO RITTO TOMASINO

et



LIBRARIUS

ALFREDUS RITTO

et






## CAPITUM INDEX.

- I. Operis occasio.
- II. Cuinam instituto hæc manus excogitata.
- III. A quo, & cui donarium hoc dicatum.
- IV. Ejus Materia, Forma sive fabrica, & Situs.
- V. Partis interioris explicatio.
- VI. Declaratio partis extimæ.







## CECROPII VOTUM

à

JAC. PHILIPPO TOMASINO

ÆMONIÆ EPISCOPO

Dilucidatum.

## CAPUT I.

*Operis Occasio.*

Avente Minerva, atque annuente benignâ Eminentissimi Principis FRANCISCI BARBERINI tutelâ, quum noster *de priscorum Donariis Votis*que conatus propitio eruditorum conspectu exciperetur, pro sua quisque humanitate in dies plurimi non pauca in istius argumenti incrementum sparsim contulere; in primis *Cassianus à Puteo* illustris Eques, ob vetustatis notitiâ, vitæque innocentiam, & morum comitatem Romanæ Urbis splendor: cujus mira diligentia quodcumque seu casu seu labore melior lux detexit, ad posteritatis memoriam extendit. Ejus generis jure censenda faberrimi vetustissimique operis effossa inter Divi Gregorii ruderâ manus ænea, atque in Eminentissimi illius

(f) Prin-



# 34 CECROPII VOTUM.

Principis refertissimam preciosioribus pinacothecam non ita pridem veluti in Apollineum sacrarium, seposita : cujus iconem Vir nostri studiosissimus nobiscum solita benignitate communicavit. Eam Divorum omnino tholos quondam exornasse, non levi prorsus conjectura tum denique planum erit, ubi omnem ipsius rationem pro ingenii modulo inter severiores sacri muneris curas carptim declaravero.

## C A P. II.

*Cuinam instituo hæc manus excogitata.*

**M** Anus ænea, ejus \* quam imago refert magnitudinis, & hieroglyphicis veluti signis Tropi-  
cis, diversarum rerum, ac præsertim animalium figura delineatis, & deorum hominumve ingenium, mores, ceterasque affectiones exprimentibus, quæ Lucano Poëtæ gravissimo *linguæ magicæ*, hoc est sapientes, utrinque variata, votum procul dubio repræsentat. Evidentissima namque in hanc rem ejus Inscriptio.

## CECROPIVS V. C. VOTVM. S

Illud nempe instituit Cecropius, Vir clarissimus. Quem neutiquam consularem existimo. quum nec inter Consules, nec à Grutero inter tot Inscriptiones  
Ro-

\* Sciat benignus Lector manum hanc, ut inseri suo loco commodè posset servatis servandis nonnihil imminutam esse, si cui tamen id tanti videbitur, manum hanc cum manu quam exhibuimus altera in Pignoriij initijs Attidis contendat, & veram, aut verè proximam ejus magnitudinem deprehendet.



Romanas insigni volumine congestas aliquis hujus nominis reperiatur. Quo honore viros primi nominis affectos, nuper de *Tesseris Hospitalitatis* palam fecimus. Vera tituli hæc sententia videtur: *Cecropius voti compos votum solvit*. Quisnam ille fuerit, & unde nomen duxerit paucis dispiciendum. Voventis ingenium & opes, sive animi magnitudinem, ex insigni opera conjectare licet: qui originem haut dubiè ducebat à Cecropio, antiquo Atheniensium Rege; quem primum oppida, urbesque condidisse ac Jovem Summi titulo cohonestasse perhibent, ejus apud Athenienses auctoritatis, ut ceteri Reges Cecropii nomen adsumerent. Nisi fortassis oriundus Athenis appellationem traxerit à tribu Cecropide, quam primo Regi suo debet, à quo & Reges ceteri Cecropides nominati. Natus huic filius tempore salutis parum propitio, à diuturna valetudine nactus Æsculapium sibi faventem, in spem felicioris vitæ unicum familiæ columnen Deæ sospitatricis tutelæ, eximio planè monumento, summa religione dicato, commendatur. Nobis autem figuris ac mysteriis opus hoc adeò involutum & obscurum videtur, ut nisi Phœbus radios præstet, ingenii caliginem discuti perquam fuerit difficile, in ea rerum varietate, quam diuturni temporis intervallum interioris doctrinæ penetralibus clausit. E quibus etsi non licuerit singula fortassis eruere; ad verum antiquitatis genium quædam tamen exegisse, à priori laboris gloria non prorsus alienum censebitur.



Vota porrò in tabellis ac fictilibus insculpta non usque novum est: at in manu nullum in hunc diem occurrit. Manum tamen in signorum numero fuisse, notum est. Eòne factum id putemus, ut vovens potentiam, seu malis liberalitatem donantis indicet? Vel quia Isis in pompa sacra manum ostentaverit? Quod porro dextram præcipuè ostendat, causa videtur potissima, quoniam eadem sacra existimantur. Quid verò numinis heic præter morem nulla mentio? An quia Deæ Isidi huic dicatum erat donarium, cujus occulta quum essent sacra, silenda quoque fortassis erat veneratio? Tale quidpiam innuit Apulejus Metamorphoseon Libro x i. ubi ait: *Proxima nocte, vidi quemdam de sacratis, linteis intectum, qui thyrsos & hederas & tacenda quædam gerens, ad ipsos meos Lares collocaret.* Valetudinis curam ei adscriptam planissimum est ex fragmento basis marmoreæ, cujus inscriptionem illustris Vir Joannes Vincentius Pinellus ex ædibus Patavinis Contareni Procuratoris ad Gruterum misit. Qui lapis à Paulo Rhamusio viro antiquitatis perquam studioso conquisitus, ut ipse ad Scardeonii Antiquitates, quæ in meo sunt Museo, notavit, non ita dudum cum ceteris marmoribus Rhamusianis ad sapientissimum Senatorem Venetum Georgium Contarenum rediit. Ea talis est.



I S I . S A C R  
 L . M A I V S  
 P H I L E A S . V I . V I R  
 A Q V I L . O B  
 S A L V T . G R A T T I A N I  
 F I L I I . E T . G R A T T I A E

Non alij porrò quàm Deæ Cybelæ in primis destina-  
ta fuisse, quæcunque heic symbola planè ipsius cul-  
tum referunt, in progressu dissertationis omnino con-  
stabit.

C A P . I I I .

*A quo, & cui Donarium hoc dicatum.*

**M**irum quidem nonnullis videri posset, Romanæ  
conditionis hominem Votum Ægyptiis simu-  
lacrís undique exornasse; quandoquidem Romanis  
eam gentem ridiculam fuisse non obscurum ex Iu-  
venale Libro v. Satyra XV.

*Quis nescit Volusi Bithynice, qualia demens  
Ægyptus portenta colat?*

Quo etiam modo Cyprianus de Idolorum vanitate:  
*Ægyptia portenta non numina sensit.* Nec omnem ejus-  
modi sacrorum rationem fannis fuisse objectam ne-  
gare potuit Plutarchus scriptor gravissimus, etiamsi  
fuerit conatus polito certè libello conclamatam ejus-

(f 3)

modi



modi superstitionem revocare. Bestiolas nempe colebant ferè omnes, quas Ægyptus portentorum mater producebat. Eo Josephus non injurià censuit, orbem terrarum, si Ægyptiorum sacra suscepisset, brevi bestiarum plenum, hominum inanem futurum. Hinc vera Trismegisti vox. *O Ægypte, religionum tuarum solæ supererunt fabulæ, eaq; incredibiles posteris!* Longè tamen alia, forsitan & æquiori sententia, Tullius de Natura Deorum Lib. 1. tradidit *firmiores apud Ægyptios opiniones esse de bestiis quibusdam, quam apud Romanos de sanctissimis templis, & simulacris Deorum.* Eò namque illa tandem religio processit, ut à Quiritibus, rerum in orbe arbitris, fuerit recepta. Ecquid enim hisce Minucii Felicis verbis apertius? *Ægyptia quondam, nunc & sacra Romana sunt.* Nec mirum. Quemadmodum enim Apulei sententia inter ceteras nationes Judæi reputantur supersticiosiores, Nabathæi mercatores, frugum pauperes Scythæ, molles Asiatici; sic Ægyptii doctiores & sapientiores sunt habiti. Ea namque super alias gentes Ægypti vulgata est sapientiæ fama, ut non solum Africæ, sed Asiæ etiam atque totius Græciæ, universæque Italiæ quondam excitarit ingenia, & quodammodo ad se attraxerit. Eo enim concessit Moyses, qui omni Ægyptiorum sapientia emicuit: eò Samius Pythagoras, Plato, Linus, Orpheus, Solon, Lycurgus, Hesiodus, Homerus, Aristoteles, ceterique sapientiæ lumina confluxere, qui Græciam Italiamque ingenii monumentis ornarunt: ut Ægyptum totius

or-



orbis museum verè pronuntiaverint non infimæ fortis eruditi. Proinde imperii incremento id à Quiritibus factum, non minùs verè quàm eleganter innuit idem: Sic dum univrsarum gentium sacra suscipiunt, etiam regnare meruerunt. Superstitionem tamen non dissimulavit sibi averfam, quam acribus fatis verbis ita perstringit: Nonne & Apim bovem cum Ægyptiis adoratis, & pascitis? nec eorum sacra damnatis instituta serpentibus, crocodilis, & belluis ceteris, & avibus, & piscibus, quorum aliquem Deum si quis occiderit, etiam capite punitur. Nec sane novum erit, Cecropium hanc religionem etiam Romæ professum. Athenienses enim Ægyptiorum colonos, è civitate Sacensi Cecrope duce deductos, perhibet in *Monodia Basilii Nazianzenus*.

Cuinam verò Donarium hoc fuerit sacratum, in ambiguo est. Jovi Ammoni & Asculapio factum, indicare videntur Arietis caput, ac Serpens qui manum ambit. Forsan & Cybele, quæ *Ἥδὸς γυναικεία* Plutarcho in Cæsare, & apud Macrobiū, quandoquidem solis mulieribus licitum erat adire sacra ejus, quæ in operto fiebant. Qua de re suo loco uberius. Numquid & Lucinæ anathema hoc erectum? Numquid forsā Isidi, rerum naturæ parenti, ut paulo antea indicavimus. Cuique tamen suum heic esto iudicium: meliori cedere parati sumus.



## C A P. IV.

*Ejus Materia , Forma sive fabrica , & Situs.*

**Æ**Nea hæc manus perpetuitatem fortassis indicat , etiamsi priscis æs quoque in sacris fuerit usitatissimum.

Eaque inanis sine brachio fabrefacta , ut sceptro vel hastili à sacerdote quopiam , quum pompæ magnæ paulatim procederent anteludia , votivis cujusque studiis exornata pulcherrimè , minori labore posset præferri , ad celebritatem obsequii , quod Magnæ Deæ , seu Jovi Ammoni , alterive Numini erat dicatum. Talem in pompa sospitatricis Deæ sacerdotem tulisse memorat Apulejus Lib. XI. Metamorphoseon. *Quartus æquitatis ostendebat indicium, deformatam manum sinistram porrecta palmula.* Qui manum etiam in pompa præferri solitam Deûm Matri Isidi memorat. Nam ipsa manum sacram in pompa ostentavit, Nec immerito. Manus enim auctoritatem ac potestatem significat : manus altaribus infert sacra , & pietatis munus peragit. Anaxagoras proinde , Aristotelis , & Plutarchi indicio , hominem pronunciavit sapientem , quod manu esset præditus. Manus dextra profecto masculæ virtutis argumentum videtur. Nec alia de causa credendum à veteribus Lusitanis in præliis captivorum amputatas manus dextras Diis fuisse consecratas , ut libro III. narrat Strabo. Qui plura de manu velit curiosius , illustris Viri Renati



nati Moræi, Consilarii Regii, atque in Academia Lutetiana Professoris Medici MANUM REGIAM, politissimi ingenii documentum perlustrat suadeo. Huc plane facit manus ænea, quam Petri Avogadri Comitis Brixienfis munere V. C. Octavius Rubeus obtinuit, ex idolo Tyllini ferreo, quem Deum fortissimum ac triumphatorem antiquissimum intelligit, cuius ille statuam Beati Ramperti Episcopi jussu anno 840. dirutam & confractam, tradit in Monumentis Brixiensibus. Illa verò cuspidis loco hastæ fuit imposita; cuius pollicem & volam serpens ambit, qui & ovum lambit pollicis atque indici intersertum. Hastæ verò tamquam sacræ, & Deorum more colebantur, ut Justinus ex Trogo auctor, adeoque veluti regia diademata Diis apposita. Itaque Claudianus:

*Tunc veteres hastæ regia dona micant.*

Hastas certè Merionis & Vlyssis titulo cælatas refert in *Marcello* Plutarchus in quodam Siciliæ templo repertas.

Manus verò in hunc modum est conformata, ut supina pollicem, indicem, & medium sive impudicum passos referat, elevet atque extendat, annularem atque minimum contrahat; eo fermè schemate, quo religionis nostræ Antistites olim populo benè optare solebant: vel quo pictores ab omni ævo Servatoris nostri dextram sacræ Crucis tesseram effigiant. Quod sanè Laurentius Pignorius piæ memoriæ, magnum



patriæ nostræ ornamentum, non præter rem factum opinatur, quia Diabolus jam tunc omnem operam mira calliditate impendit, ut elevaret eum gestum, quem sacerdotes Christiani essent adhibitori, quum sacrum crucis signum exprimerent.

## C A P.

*Partis in manu interioris explicatio.*

*Puellus.*

*Matrona stolata in lectulo.*

**D**onarium hoc diligenter considerantibus, inscriptionis nota primùm sese offert intima pars manus, atque in ejus carpo puellus in amplexu matris suaviter in lectulo, specie sigmatis effigiato, decumbentis, talari veste, pallâ nempe seu stola obtectâ. Stola verò matronæ pudicitiam denotat, cujus Tertullianus *de Pallio* meminit. Votum Magnæ Deûm Matri, sive naturæ genetrici pro sobolis à conjugē matrona lectissima susceptæ salute reddita solutum indicatur. Peculiarem verò fospitatricis Dææ pompam plenè ac prolixè loco aliquoties memorato Apulejus prosequitur. Quænam illi vis, & quanti eam censuerit antiquitas, testis Lucretius Lib. 2 :

— magna Deûm mater, materque ferarum,  
Et nostri genetrix hæc dicta est corporis una.

Neque eorum mihi displicet conjectura, qui huic numini dicatum putant: cujus haud exigua erat apud Ægyptios auctoritas; quandoquidem Deorum ea mater, plurimumque pueris in ipsius tutela præsidii esset:



CECROPII VOTUM. 43

esset: à qua & accepta fuisse responsa notum est ex veteri monumento Patavii, quod olim apud Rhamusios, nunc Ateste in hortis Contareni est.

I S I D I  
S A C R V M  
E X M O N I T.  
E I V S D. D.  
L. V A L E R I V S  
M E M O R  
V I. V I R A V G.  
L. D. P

Romanis etiam in summa veneratione habitam ostendit in Hadriani nummo Isidis effigies. Huic etiam *Nux Pineæ.*  
Dæ pinea nux propria fuit. Hinc Martialis non minus verè quam argutè :

*Roma sumus Cybeles, procul hinc discede Viator,  
Ne cadat in miserum nostra ruina caput.*

Causam tetigit Ovidius Lib. x. Metam.

*Et succincta comas, hirsutaque vertice pinus  
Grata, Deum matri. siquidem Cybeleius Atys  
Exiit hac hominem, truncoque induruit illo.*

Nimirum Phrygius Atys pastor Calai filius, quum magnæ Matris ceremonias in Lydia monstrasset, ibique cultus esset invito Jove; hic aprum immisit in Lydiam, à quo Atys filius fuit interemtus, postea que



in pinum mutatus. Inter plures hujus rei testis unus mihi sufficit Phœdrus Lib. I I I. Fabularum :

———— *Quercus Iovi,*  
*Et myrtus Veneri placuit, Phœbo laurea,*  
*Pinus Cybele, Populus celsa Herculi.*

*Ramus.*

Quapropter & in pollice jungere libuit ejusdem arboris ramum. Cujus tamen speciem cælator minus expressit. Myrto is propior, quem inter pocula primitus alteri cantando porrigebat, ut auctor in *Symposiacis* Plutarchus. At verò folium, ut fatear, magis refert ficulneum, quod ob humoris copiam genitalis perhibetur simulacrum. Quid si palmæ censueris? Nam & Apuleius illatam narrat palmam auro subtiliter foliatam Dææ fospitatricis sacris. Verùm rem diligentius consideranti magis ad Rutam accedit, quæ vi sua generandi potentiam hebetans castimoniam promittit, imò serpentibus adversâ nequitiam frangit volupturiam.

Nec fortassis à verò multum abeunt, qui existimant, Votum hoc solutum fuisse masculina prole suscepta, mense septimo, posteaquam fœtus in vere conceptus esset, in hanc sententiam potissimum adducti, ex tribus digitis erectis, et arboris ramo, cujus in morem tenellus succresceret; etiam quod nux pinea Lucinæ pro secundo partu esset consecrata.

*Arietis ca-*  
*put.*  
*Serpens.*

Jovi Ammoni & Æsculapio id dicatum porrò suadere videtur Arietis caput, & Serpens manum ambiens. Aries enim Ammonem indicat, qui, ut nummus



mus Antonini refert, omnium saluti prospicit. Hunc vero Jovem, Naturæ conservatorem, ac Deorum Principem agnoscunt veteris sapientiæ antistites: cujus oraculum patrio Ægyptiorum more adiisse Alexandrum narrat Libro I v. Curtius. In hanc fermè sententiam Galieni Imperatoris Numismati Aries insculptus, cum hac inscriptione: J O V I C O N S E R V A T O R I. Pariter in altero Salonino nummo Aries hoc titulo: A M M O N I C O N S E R V A T O R I. Nec diversum significat impositum tripodi arietis caput. Nam & Tripos Apollini dicatus sapientiam connotat. Quicquid sit, priscorum victimis accessit caput illud. Ammon vero Jupiter est ex Ariete cælesti ortus, quem laboranti & sitienti exercitui fonte amœnissimo robur & salutem attulisse accepimus. Eumque non secus ac Latini Jovem, Ægyptij sospitatorem, salutisque Deum habuere, quem & Arietis specie coluerunt. Quo proculdubio respexit Minucius Felix, quando plurimorum superstitionem sic taxat: *capita vervecum & immolatis & colitis*. Occasionem tradidit Herodotus Libro 2. Jovem nempe ab Hercule, cui se occultaverat, exoratum, amputato arietis capite comparuisse. Religionis hujus plura in veterum monumentis vestigia sunt. Hinc Nasoni de Arte amandi *Corniger Ammon*. Meminit ejus quoque Lucanus Lib I x.




*Inculi Garamantes habent, stat corniger illic  
Iupiter, ut perhibent, sed non aut fulmina vibrans,  
Aut similis nostro, sed tortis cornibus Ammon.*

& Silius Italicus Lib. I X. Punicorum:

*At patrius flexis per tempora cornibus Ammon.*

Unde Æmilius Probus de Lyfandro: repulsus dixit  
se vota suscepisse, quæ Iovi Ammoni solveret, existi-

*mans se Afros facilius  
corrupturum. De sta-  
tua Jovis cornigera  
Q. Curtius Lib. I V.  
Id quod pro Deo coli-  
tur, non eandem effi-  
giem habet, quam vul-  
go Dii artifices accom-  
modarunt. Umbilico te-  
nus arieti similis est, ha-  
bitus smaragdo & gem-  
mis coagmentatus Tri-  
podem vero sapien-  
tiæ, quâ vitam mode-  
ramur, imo veritatis,  
quæ sapientiæ anima  
est, notam, fatentur  
veterum mysterio-  
rum consulti, quem  
Apol-*





Apollini deberi credidit Socrates. Tripus certe \* au- *Tripus.*  
 reus in adyto templi Apollinis Delphici fuit, sub quo  
 serpens observabatur. Et fane Latinorum Poëtarum  
 princeps, sub Æneæ persona veram herois indolem  
 formans, inter prima ipsius dona Tripodis comme-  
 minit. Verum & pari jure, quo Ammoni, votum hoc  
 Æsculapio Apollinis, hoc est salubritatis filio, solu-  
 tum, non infidis plane momentis arbitrantur, qui nu-  
 men istud infirmitatibus humanis præesse norunt.  
 Anguem scilicet Æsculapii vicarium Romam missum *Anguis.*  
 accepimus. Sunt qui Æsculapium anguis specie  
 Romani Legati, qui Epidaurum adnavigarat, opem  
 adversus pestem imploraturus, navem sponte ingres-  
 sum referunt. Acron, non temnendæ authoritatis  
 Grammaticus, tradit, Romanos Epidauri, incertos  
 ob multitudinem simulacrorum quod potissimum  
 deligerent, anguem recepisse. Romæ in Insula Ti-  
 berina, quibus honoribus cultus fuerit, etiam hodie  
 loquuntur monumenta Græcarum tabularum, in  
 quas relatæ fuerunt curationes illius monitu peractæ.  
 Quam in rem Votum Æsculapio Romæ ostendit rari  
 artificii ara, quatuor lateribus insignita vasis sacro-  
 rum & aliis ornamentis.

A E S-

\* Hos vel istiusmodi tripodes, cum aureo areove serpente, si Val. Maximo & Pausanie  
 fides, Apollini dicavit tot numinum inventrix Græcia: ac jam Luciani testimonio constat  
 Apollinem ex istiusmodi tripode, sub quo anguis, responsa quærentibus dedisse. Et de  
 angue quidem ita Oudanus: Anguem quod attinet, ut plurimum illum apud Apollinis vel  
 sanitatis imaginem invenias, idque tam propter hariolationes & vaticinia, quam respectu  
 medicamentorum & rei herbariæ, cujus Præses habitus est Apollo. Viriusque ideam num-  
 mi appositum exhibent, quorum ille (1) Lepidi est, & tripodem cum angue inscriptum ha-  
 bet: hic (2) Posthumus debetur, & Æsculapij imaginem referre vulgo creditur.



ÆSCULAPIO.

DEO

IVL. ONESIMVS

AVG. LIB:

A. CVRA. AMICORVM

VOTO. SVSCEPTO

D. D. L. M.

Et alterum, quod in tabella marmorea Romæ apud Aurelium Rufinum vidit Smetius:

ÆSCVLAPIO SANCTO

L. IVLIVS. AGATHORVS. ET TERENCE. RVFINA. GRATIAS. AGENTES. NOMINI TVO DD.

Rem evidentius indicat in D. Bartholomæi hortis Romæ Æsculapio insignita navis marmorea, visu certe dignissima. Æsculapii verò ædem in insula fabricatam scribit Festus, quod ægroti præsertim aqua sustentantur.

Æsculapio Aries porrò apponitur, quemadmodum & in signo Æsculapii marmoreo apud Octavium Tronsarellum, cujus indicium debemus Io. Baptistæ Casalio erudi tissimo, de profanis Romanorum ritibus Cap. VI I. ubi ad pedes ejus aquila in dextera parte, arietis caput in sinistra, ægrotantibus salutem demonstrant. Eo quidem Aries innitens tripodi sacri-



crificia voventium tanquam Diis accepta videtur designare.

Sed ut ad reliqua gradum faciam. Ex his minime obscurum est, Isidi munus hoc præcipuè oblatum, etiamsi Æsculapio salutis auctori suus quoque heic sit justus honor, ceterisque Numinibus, quorum tutelam puelli parens faventem poscebat.

Morbi vero tempus, qualitas, vehementia, gravitas, diuturnitas, & curatio ex ipsis emblematicis elucescent.

Tempus nimirum ex capite Arietis, quod in vola manus supra tripodem positum Vere incepisse morbum innuit. Caput enim istoc anni principium sive uniformem diei noctisque divisionem denotat. Tres digiti erecti infirmitatis initium, statum, finemque indicant.

*Arietis caput  
in tripode.*

Qualitas præterea morbi initio fuit occulta. Languescebat quidem puer, sed parentes morbi naturam ignorabant. Arcanum enim & veluti vaticinium in apice pollicis repræsentatur nuce pinea: qua usos fuisse Isiacos narrat in *Commodo* Lampridius. Apulejus etiam *Metam.* Libro x i. de nave Isidi nuncupata: *Iam malus insurgit: pinus rotunda, splendore sublimis insigni carchesio conspicua, & puppis, intorta chenisco, bracteis aureis vestita fulgurabat.* Pinus enim tutelam gerebat Cybele. Qua ratione Poëta *Æneidos* i x.

*Nux pinea.*

*Pinea sylva mihi multos dilecta per annos.*

(h)

Imo



Imo Pinus mortis indicium est. Fama namque est, eam semel amputatam nunquam repullulascere. Addit Joan. Goropius Hieroglyphic. Lib. VII. Pinu representari terram suo in gremio semina custodientem, & molestiam, qua ad conjugii dulcedinem pervenitur, amore fervido mitigandam. Hujus namque fructus semina depromuntur ignis calore, quo durissima septa facillime dehiscunt. Quam sibi felicitatem in primis obtigisse inter cetera profiteri voluit Cecropius. Talis etiam spectatur in manu ænea Tornaci eruta, quam apud Dionysium Villanum Canonicum asservatam, Laurentius Pignorius eruditè explicuit ad Magnæ Dæ dilucidationem.

*Urnula.*

Nec ab hujus Dæ sacris aliena esse vascula facile negaverit, qui Apulei transformationes diligenter inspexit. Nam & ipse urnulam pompæ illatam memorat, cujus orificium non altiuscule levatum, qualem & heic spectatur. Vrna verò Osiridi sacrata aquam notat, siquidem ipsa non vini modo, sed cuiusvis humoris domina censetur. Nostrium quidem cissybio non est absimile, cujus speciem dedit Pierius Valerianus. Quod in Bacchi suppellectili habitum fuit. Vicinum vero huic *vasculum*, consimile est ei, quod ibidem quartus antistes sacrorum gerebat *aureum, in modum papillæ rotundatum, de quo lacte libabat.*

*Vasculum  
papillæ for-  
ma.*

*Simpulum.*

Quodnam vero in hac manu tertium? Numquidne simpulum? Tale sæpius in pinacothecis conspeximus, licet hac forma Rosinus thuribulum exhibeat.



## C A P. V I.

*Partis extimæ declaratio.*

**M**Ajoris operæ conspicitur altera manus facies : cui pinus in pollicis apice , ejusdemque radice folium pariter convenit. Reliqua signa ei propria pro ingenii modulo expendent , liberaliorem conjecturæ indulgentiam exspectamus à severis literarum censoribus.

Temporis utpote progressu natura morbi dignoscitur ex angue , seu cerasie in digito indice. Oculis *Anguis.* videtur is orbatu. Et certè vermes sæpius vexant infantes Rotundos nempe lumbricos , dum adhuc in utero sunt pueri , nasci , tradit Medicorum parens Hippocrates Lib. 1 v. de Morbis , è sanguine computrescente ac redundante : iique , ut vere monet Celsus Lib. 1 v. cap. 17. pueros magis exercent. Eum , si quis forte curiosior anguillam putet , morbi medium significabit fuisse lethale , ut è manibus parentum infans ad lacum Stygium elaberetur ferè in anguillæ modum. Quo etiam symbolo hominem fugientem rem aliquam , nulla consequendi spe , indicavere Ægyptii , Quid si puello vitam precatur parens tranquillam & à seditione remotam ? Discordias enim anguilla non ineptè denotat , quando videm non nisi turbata aqua capitur. Unde Aristophanes :

( h 2 )

Et



*Et tu fecisti quæ venatores anguillarum faciunt,  
Quieta cum sunt stagna, venantur nihil.*

Sed & anguis non raro laborantem demum habitio-  
rem, ac de morbo squalorem deposuisse connotat.  
Quemadmodum enim positus ille exuviis rejuvene-  
scit, pariter & convalescentes amissis spoliis ad sese  
redeunt. Puero fortassis dominium auguratur He-  
roibus facer serpens, animal spiritus vitæque tenacis-  
simum, visus acutissimi, adeoque Palladi sacrum.

*Crocodilus.*

Crocodilus vero inter pollicem & indicem re-  
pens, ut multæ rapinæ animal, parentum perniciem  
refert. Quidni etiam puero sapientiæ accessionem,  
& silentium sapientibus probatum, Dæque Isidi  
acceptum ominetur? In hanc rem Patavii apud Bas-  
fianos monumentum est in saxo rubro.

I S I D I  
SIG. HARPOCRATIS  
C. D I D I V S  
A C V T I A N V S  
D O N. D E D.

Quinimo animal hoc nonnullis silentij symbolum ha-  
betur, qualenam in elegantissimi cœnobij D. Iustinæ  
apud nos porticu supra ostium. Rationem vix di-  
vinare licet aliam, quam ex Plinio Libro VIII.  
cap. xxv. cujus hæc verba: *Vnum hoc animal terre-  
stre*



*stre linguae usu caret.* At bona Mythologorum venia scriptor politissimus Crocodilo non denegat linguam, sed ejus usum innuit obscurum. Ea namque exilior non protenditur, ut Chamæleonti, qui lingua muscas venatur in escam, sed animal illud grande vorat potius, quam linguam volvendo manducat.

Jam Flagrum manubriatum ejusdem sacris usurpatum ex Apuleio perspicuum est; qui & accuratam ejus hanc rationem dedit: *Arrepto denique flagro, quod semiviris illis proprium gestamen est, contortis tæniis lanosi velleris proluxe fimbriatum, & multijugis talis ovium tessellatum, indidem sese multinodis commulcat ictibus: mira contra plagarum dolores præsumptione munitus.* Lora fuisse innuit Ovidius Fast. I v.

*Et feriunt molles taurea terga manus.*

Quod ne frustra factum putemus, illud præsertim in memoriam revocandum, sapientissimos Lacones hoc ipso martalium animis ærumnam & adversam fortunam, quinimo tolerantiam insinuasse. Quid si pueli mater initio conjugii, ut sterilitatem averteret, in æde Iunonis, quemadmodum moris erat, sacerdotis etiam Lupercalis flagrum è tergo arietino exploraverit?

Medii porro digiti Rana morbi declinationem ostendit. Ea namque hominem, qui diu vi morbi sese movere non potuit, denuo progredi significat. Postquam enim orta pedum usu destituitur, ætatis progressu posticis primum pedibus utitur. Nec ali-



ter intelligendum credo Horum Apollinem Hieroglyph. Lib. I. I. ubi tradit animalculum hoc primum sine pedibus nasci, dum augetur, pedes assumere posteriores. Qui & Hieroglyph. x x i v. hominem nudum in utero efformatum ranâ intelligi præcipit. Forſan & puellus Cecropii ortus ſui initia ſatis dubia habuit. Ceterum & Mœcenatis erat ea ſigillum, quæ Silentii teſtis arctam fidem unicè obſervandam ſignificabat. Eamque fortassis terreſtrem putaverim, quæ in vepribus tantum degit rubetæ appellatione, eſtque plane muta, & vocis expers. In quem etiam modum puer amiſſa voce, & deſperata ſalute, terræ tradendus videbatur.

*Serpens cri-  
ſtatus.*

Verum & Serpentem omnium conſenſu Æſculapio dicatum narrat Pauſanias & Val. Maximus, qui frequenti Numiſmatum teſtimonio ſalutis ſymbolum eſt. Siquidem auctor ille medicinæ valetudinem homini reddit: ne dicam, quod plurima in humanum genus remedia ex hoc animalium genere depromuntur, unde & ipſum ſalutem promittit. Serpente igitur, cui caput criſtatum, aſſurgente inter quartum quintumque digitum, parentibus pro ſalute pueri ſacrificantibus, mox pueri ſalus emergit. Plura etiam numiſmata draconem S A L V T I S titulo referunt. Et ſane animal hoc vigilantiffimum Æſculapii typus eſt. Vigilantia nempe Medico neceſſaria eſt: quamquam nec ignorem viſum per quietem imperium polliceri, quod forſan filio pater augurabatur. Nam & Aſtrolabii Plani auctor

Joan.



Joannes Angelus hominem præfagire narrat in senectute potentem futurum. Serpentem præterea veteres divinæ cujusdam naturæ putarunt, quoniam vivacissimus deprehenditur, cui incumbere videtur Accipiter, Soli apud Ægyptios comparatus, quia prolificus & vivacissimus est, Apollinis apud Homerum & Adamantium internuncius. Imo Serpentes cum capite accipitris, Ægyptiæ genti veritatem notare, bonumque dæmonem, cujus munere quævis aluntur & vigent, auctor est Petrus Crinitus de Hon. discipl. Lib. 16. Cap. 2. Draco sanè cristatus inter præcipua Solis symbola sacris additur, quæ ab Isiacis nihil esse diversa indicat Strabo Lib. x. Talem in Beleo monte ab Æsculapio educatum memoriæ tradiderunt veteres duplici dentium ordine, cui subviridis venter, fronte ac supercilio præpingui, cuique toruli sub mento barbam fingeant, ictu innocuo, sed cui cum aquila dissidium fuit. Minervæ autem Draco appingebatur. Draco nempe Theagenis filius arcu potens Minervæ anguem sacravit. Forsan & hîc puello ingenium ominatur rebus agendis pernecessarium.

Voto jam soluto, puer quidem convaluit: sed paulatim, testudinis exemplo in minori digito repentis, diutiusque domi mansit. Hoc nempe animal mutum est, puta elingue, tardè incedens, nunquam domo egreditur, sed illam ubique secum circumfert: quæ omnia puero debili convalescenti verè conveniunt. Nec dissimulare possumus Cybeles etiam  
fa-  
*Testudo.*



facris, quæ propalare nefas erat, hoc silentii ac solitudinis argumento nullum fuisse convenientius. In nummo argenteo Græco testudinem vidi apud Alexandrum Eltium, appictis utrinque A. I. literis, parte averſa in quatuor partes diviſa Delphinum & Z. trabem tranſverſam & I. quid velit, ariolentur ingenioſi. In moneta inſulæ Naxi non expoſuit Wolfgangus Lazius.

*Libra.*

Hoc vero ſub Autumnum contigiſſe veriſimile eſt ex *Libra* menſis Septembris; quo dies nocteſque pari lance procedunt, cum Sol eo tempore ipſi in *Zodiaco* jungitur. Septimo nempe menſe valetudinem recuperavit. Tres quippe digiti manûs extenſi dies bis centenos indicant, qui ſex menſes dieſque vicenos conficiunt. Quid ſi tam pertinacis mali cauſam dixerim præmaturum puelli ortum? Nam & numerus dierum iſte ſeptimum indicat menſem, quo nati raro ſunt ſuperſtites, etiamſi plus alii, alij minus afficiuntur, Hippocratis decreto: adeoque ſuperſtites vitam ex debilitate inſigni trahunt dubiam. Forſan & puellus diuturno morbo afflictuſ, ſeptimo, quem antea indicavi, menſe convaluit. Quod & ſalutaris diſciplinæ conditor ſæpius fieri monuit *Secl. III. Aphor. 28.* Sed altiôris rem indaginis Medicis naturæque conſultis relinquens, nolo falſcem in alienam ſegetem mittere. Illud minimè ſilendum, quod *Libra-Haly* iudicio conformitatem & moderationem adfert corporibus: imo quibuſdam victoriam denotat.

Puero



# CECROPII VOTUM. 57

Puero in hunc modum valetudini restituto inter  
maritum & uxorem conjugii societas amorque cre-



vit. Inde opum læ-  
titiæque incremen-  
ta, Mercurio nego-  
tiis favente: cui ca-  
duceus est peculiaris, *Caduceus*  
binis anguibus in- *Mercurii.*  
dicans prudentiam  
& calliditatem, for-  
sitam & genesin,  
si qua Macrobio fi-  
des. Orationis etiam  
promptitudinem pa-  
rentes forte filio pre-  
cabantur, quam  
Astrologi Mercurio  
in Ariete tribuunt.  
Sic Apulejus Met.  
Lib x i. *Ibat tertius*  
antistes sacrorum at-

*tollens palmam auro subtiliter foliatam, necnon Mercu-  
rialem etiam caduceum, Qui mutuo serpentum amplexu  
concordiam & pacem præ se fert.*

Appictum huic Cornu copix felicitatis, abun- *Cornu copix.*  
dantiæ, bonique eventus ex pace indicum est; quo  
etiam fœdera conciliabantur. Horatius Epist. Lib. i.  
Epist. x i i.



# 58 CECROPII VOTUM

— aurea fruges

*Italiae pleno diffudit copia cornu.*

Hunc in modum Trajani \* nummo cum cornu copiae, & caduceo inscriptum:

FELICITAS AVG.

*Thyrſus.*

Quid autem vicino huic clava? Thyrsum arbitror. Caulis enim est in columnæ modum rectus, seu cum Pierio Valeriano malis, telum ligneum circumfusa coopertum hedera. Hedera verò corymbos ferens nigros, sacra fuit Dionysio, qui Ægyptiis est Osiris, quæ Baccho quidem dicata mucrone conum pineum vitæ universa semina intus alentis argumentum videtur referre. Apulejus tamen in pompa Deæ thyrsos & hederas distincte nominat: ubi dubio procul hederæ fuit usus, quod ejus folia mentes in furorem agitant. Hilaritatis certe titulo Nummus Faustinae inclaruit. Caduceo autem sociata virtutis pacisque est symbolum.

*Tibia.*

Instrumenta præterea musica, lætitiæ sacrisque peragendis dicata quid velint, nisi parentum supplicationes & vota? Ea namque ex Livii Lib. xxix. didicimus, sacrificiis Saluti dicatis fuisse adhibita. Sed-

\* Idem cornu copiae, idemque caduceus & inscriptio eadem videre est in nummo Hadriani tertium Consulis: nec multum abludit Juliae Mammææ nummus, nisi quod pro vocibus FEL. AVG. inscriptionem hanc habet, FELICITAS PVBLICA. utriusque imaginem paulò ante dedimus.



CECROPII VOTUM. 59

Sed & Galli sacerdotes atque Curetes Cybelen in tympanis colebant, è buxo tibiam comitantibus. Virgilianum est:

*Tympana vos, buxusque vocat Berecynthia matris  
Idææ.*

Buxeam porrò tibiam, ut in ludis argenteam, Matris Deum sacris adhibitam, tradit Ovidius Metamorph. XIV: fab. XII.

*Sancta Deum genitrix tinnitibus æthera pulsi  
Æris, & inflati complevit murmure buxi:  
Perque leves domitis invexa leonibus auras.*

Apulejus Metam. VIII. Mutante tibie cantu lymphaticum tripudium. Ejus usum, forsan & figuram, reliquit idem Lib. XI: Ibant & dicati magno Serapi tibicines; qui per obliquum calamus ad aurem porrectum dexteram, familiarem templi Dei que modulum frequentabant. De Tibia Lucretius rerum Naturalium Lib. 2.

— Phrygio stimulat numero cava tibia mentes  
Telaque præportant violenti signa furoris.

Qua etiam in sacris jam Deum adesse, indicatum fuit, imo velut hodie campanis rei sacræ faciendæ tempus. Phrygiam heic tibiam tandem suader



videtur Servius ad 1x Æneïdos. Geminata heic  
ea exhibetur, quarum altera acutum tinnitum, al-  
tera bombum edidit, inæquales habuisse ait ille ca-  
vernas; cuius heic generis omnino effigiatur.

Sed jam de re minima, nec admodum perspicua,  
plus fati divinavimus.



IAC. PHILIPPI TOMASINI

*Episcopi Aemoniensis,*

D E

VITA, BIBLIOTHECA

E T

M U S E O

LAURENTII PIGNORII

CANONICI TARVISINI

*dissertatio.*



JAC. PHILIPPI TOMASINI

Episcopi Amoniensis

P. E.

VITA BIBLIOTHECA

A. T.

M. U. S. H. O.

LAURENTII PIGNORII

Caroli Tarvisini

Episcopi



*Breviarium vite*

LAVRENTII PIGNORII.



Aurentius Pignorius Presbyter Patavij, ortus est Anno M. D. LXXI. die duodecima mensis Octobris, hora XIX. supra dimidiam, Antonio patre. Liberalibus studijs ab ineunte ætate delectatus, præceptores habuit præclaros, & in primis ex Societate Jesu, Patavij tum docentes; & humaniores literas quidem hausit ex ore Benedicti de Benedictis, quem postea vidimus Episcopum Caprularum; & Candidi Æmiliarij; Dialecticam, & Philosophiam tradente Jo. Baptista Scortia Genuense, cujus libri duo *de natura*, & *incremento Nili*, & Hieronymo Dandino Cæsennate, cujus labor est Liber *de corpore animato*.

Hinc ad Franciscum Picolomineum, ac Iacobum Zabarellam, publicos ejusdem facultatis Interpretes in Academia publica Patavina audiendos transijt, quos & sedulò auscultavit. Philosophiæ spatia emensum amœna literarum, & antiquitatis studia ad se totum traxerunt: at exhortante patre, ad Iuris prudentiam amplexandam non invitus accessit, & Legum illius ætatis maximos Coryphæos  
se-



sectatus est, Guidum Pancirolum, Angelum Mattheacium, Ottonellum Discalcium, & Marcum Antonium Ottelium. Horum ex scholis, quidquid ad Juris cognitionem pertineret, celerrimè domum suam transtulit: ex Doctorum quoque Virorum colloquijs Jurisprudentiæ, & rerum prisicarum notitia sensim in eo succrevit, quarum ita postea dulcedine perfusus est, ut illi se totum addiderit.

Cælibatum perpetuò coluit candidissimis moribus ornatus, & cum Ecclesiasticæ vitæ normam plurimum adamaret, sacris ordinibus initiatus est anno M.DC. II. Marci Cornelij Episcopi Patavini manu. Is enim juvenis indole, dotibus, & eruditione captus, eum sibi adesse voluit à secretis. Deductus est ab eodem Romam anno M. DC. V. ubi biennio stetit, & otium suum omne, quàm in prisicorum monumentis, & venerandæ antiquitatis reliquijs perlustrandis, quàm in veteribus libris inter se conferendis insumpsit. Hæc illius sola, & unica voluptas erat, tantumque labore isto erudito profecit, quantum ejus libri, Romana unde quaque eruditione referti docent, & elogia, quibus à viris doctis, cum nostris, tum exteris cumulatur.

Romæ degens hisce præcipuè viris omni doctrinæ genere clarissimis innotuit, Angelo Rocchæ Episcopo Tagasti, Scipioni Cobellucio, qui Cardinalitiâ purpurâ decoratus non eum dilexit tantum, sed & inter suos habere cupijt, quamobrem ei libros duos, *de Servis* vnum, *de Patavinis originibus* alterum in-

scri-



psit: Cæsari Baronio doctissimo S. R. E. Cardinali, cui dicavit *mensam Isiacam*, & Josepho Castillionæo I. C. præclaro, à quo ad aulam quoque Pauli V. Sum. Pont. summis plerumque conatibus accitus est, alijsque multis nobilitate, & eruditione conspicuis, qui omnes ejus famæ faventes ingenium simul ejusdem exosculati sunt. Patavium inde redijt, ubi primum domesticis rebus implicatus, à sacris demum Virginibus D. Stephani datus est Rector Ecclesiæ Parochiali D. Laurentij, Abbatissâ Magdalenâ Vercellesiâ.

Hoc in onere tale specimem sedulitatis, & virtutis dedit, ut non solum Ecclesiæ sibi commissæ provinciam administrarit egregiè, sed etiam Episcopi jussu sacrarum earundem Virginum confessiones exceperit, post eandem operam navatam Virginibus D. Claræ magna cum laude. Quidquid inde verò nancisci poterat otij, id omne literarum studijs, suis amoribus ac delitijs, impendebat. Terebat & in eo vigilijs assiduis noctes, ut cum omnis Historiæ, tum patriæ suæ monumenta, & ornamenta lustraret, & in commentaria quæque redigeret, suis temporibus evulganda, Pluribus annis hoc illi onus dulce, ac jucundum fuit. Clericatu quoque S. Clementis ab eisdem Monialibus decoratus est. Oblatam sibi Lecturam Humaniorum Literarum, & Eloquentiæ, in Pisano Gymnasio, à Magno Etruriæ Duce per Galileum Mathematicum insignem, renuit, quietis & patriæ suæ studio, cujus ergo animo planè ingenuo talia plura evitavit.



Proceræ staturæ Vir, coloris albi, oculis quoque albis, sed fulgentibus nitens, gravis incessu, ac ferè cogitabundus, ceterum amabilis, placidus, pius, nec assentiri facilis cujuscunque dictis. Varia Patavinæ civitatis monumenta è latebris eruit, nec acquievit omnibus à Scardeonio allatis. Ea re totius antiquitatis indagator accerrimus, & in veterum Numismatibus interpretandis oculatissimus, Oraculum veluti Delphicum semper est habitus. In heroico carmine vera Musarum, & Apollinis proles audit, quibus dictantibus plurima cecinit. Elogiographus egregius etiam passim ab omnibus salutatur. Has ob dotes gratiâ tum civium tum exterorum floret maximâ. Purpuratis quoque Patribus Venetis & Romanis carus. Commendat illum in primis ubertas scribendi mira, cui nulla ferè par alibi hac ætate. Quanti porrò amicos ille suos faciat, ejusdem docent Epistolarum symbolicarum libri, quibus eosdem immortalitate donare nititur; Ac licet ijsdem epistolis amicorum illius census appareat, non pigebit tamen horum aliquos recensere. Joanni cum primis Vincentio Pinello carus quoad vixit, extitit; fuit & eodem tempore summa necessitudine conjunctus, Marco Velfero, Paulo Aicardo, Vincentio Contareno, Francisco Viduæ, Andreæ Mauroceno Senatori Veneto, Alnaldo Cebæ, Edmundo Brutzio, Philippo Rubenio, Iano Grutero, Hieronymo Aleandro, Iacobo Augusto, Gasparibus duobus Scioppio & Barthio, & Antonio Quærengo eruditissimis, & amplissimis viris.

Di-



Dilexerunt & illum unicè Iacobus Cavatius Historiæ Cassinensis scriptor, Bernardus Bruscius, Andreas Chiocchus medicus, Curtius Picchenas, Io. Hier. Bronzerius, Iacobus Augustus Thuanus Præses Regij Concilij Parisiensis, Iulius Cæsar Velius, Marcus Antonius Bonciarius, Petrus Paulus Venturinus, Prosper Alpinus, Thomæ duo Dempsterus, & Segetus Scoti, & Ioannes Manganus. Ex ijs demum, qui nunc lucis usura fruntur, & literas meliores amant, eundem in delicijs habent Clarissimus & omnis penitionis literaturæ Vir Cassianus à Puteo eques, cui nuper inscripsit *explicationem antiquissimæ picturæ, quæ Romæ visitur*, Ioseph Maria Suaresius, Musarum ocellus, Præpositus, & Vicegerens Avenionensis, Ioannes Meursius, Gerardus Jo. Vossius, Erius Puteanus I. Lipsij successor, Nicolaus Fabricius, Peireschius Regij Consilij Aquis Sextijs Senator, Nicolaus Rigaltius, Petrus Scriverius, Annibal Campeggius I. C. Daniel Heinssius, Christophorus Forstnerus, Everardus, & Adolphus Vorstius, Albertinus Barisonus Abbas, & Canonicus Patavinus, Pandectarum in publicis scholis interpres, Felix Ossius inibi eloquentiam docens, & alij, quos omnes tua vicit humanitas Illustrissime, & Excellentissime MOLINE, qui licet literatorum omnium Mæcenas habearis, in LAURENTIUM PIGNORIUM tamen sic effunderis, ut ejus labores inter ceteros studiosissimè complectaris, & Orbi toti parere velis. Colitur, & ab alijs summis & eruditis viris Pignorius, ut indicabunt elogia, quibus



68 LAURENTII PIGNORII

ab illis ex merito decoratur. A varijs Academijs  
exoptatus inter *Ricouratos* Patavij præcipuè fulsit,  
tali sibi epicheremate concinnato.



Extant & ejusdem alia Epicheremata duo. Unum  
Apodis cum lemmate. *Tellurem pressisse pudet.*





Alterum Tripodis cum dicto. *Non uno responso animum delusit.*



Dubia fanè sententia, sed qua testari voluisse videtur, quod cùm plurimum Aulæ inserviisset, paululum inde emolumenti hausisset. Sed hæc ingeniorum infelicitas est, ut ipsi vix habeant, quod satis sibi sit, cùm otio, & inertia torpentibus affluant omnia. Poterit ille tamen hoc anno M. DC. XXX. epicherema suum aliter interpretari. Nactus Tarvisinum Canonicatum liberalitate Eminentissimi Cardinalis FRANCISCI BARBARINI fratris filij Summi Pontificis URBANI VIII. qui patrui sapientissimi vestigijs inhærens, una cum ANTONIO fratre, literarum Ocelli prædicantur ambo, Musarumque deliciæ, & incrementa sapientiæ pariter ac literariæ rei, viros bonis artibus excultos juvare, & ornare quotidie pergunt. Tali recreatus honore PIGNORIUS felix  
(k 3) vivit,



vivit, & æternum ut vivat precor, patriæ suæ decori,  
& ornamento; & hæc mihi sine fūco dicta de ami-  
cissimo, & eruditissimo viro, cui immortalem gloriam  
peperere, quæ subdam divini illius ingenij monu-  
menta. Ad hanc enim usque diem.

*Edidit latinè Pignorius.*

**V** Etustissimæ tabulæ æneæ, sacris Ægyptiorum  
simulacris cælata, accuratam explicationem,  
&c. *Venetijs apud Ioan. Antonium Rampazetum, Anno*  
*M. D. C. sumptibus Iacobi Franci, cum privilegio in 4. Quæ*  
*prodiit etiam Francofurti typis Matthiæ Deckeri,*  
*hoc titulo.*

CHARACTERES ÆGYPTII, hoc est sacro-  
rum quibus Ægyptij utuntur simulacrorum accurata  
delineatio; &c. in 4.

DE SERVIS, & eorum apud Veteres ministe-  
rijs commentarium, *Augustæ Vindelicorum ad insigne*  
*Pinus, Anno M. D. C. XIII. in 4.*

Notulas extemporarias in Emblemata Andreæ  
Alciati, *Patavij apud Petrum Paulum Tozzium, Anno*  
*M. D. C. XIX. 8. In eadem Commentaria amplio-*  
*ra. Patavij apud eundem, Anno M. D. C. XXVI.*

PROSOPOPOEIAM ALDINÆ CATELLÆ.  
*Patavij Typis Laurentij Pasquati, Anno M. D. C. XXII.*  
*in fol.*

Tandem sub titulo LACHRIMARVM POETI-  
CA-



CARVM IN OBITVM ALDINÆ CATELLÆ  
*Parisijs apud Nicolaum Buon. M. DC. XXI. in 8.*

MAGNÆ DEVM MATRIS IDÆÆ &  
ATTIDIS INITIA, *Parisijs apud Nicolaum*  
*Buon, via Iacobeæ, sub signis SS. Claudij, & hominis sil-*  
*vestris, Anno M. DC. XXIII.*

Sed auctiora. 4. *Venetijs anno M. DC. XXIV.*  
*sumptibus Petri Pauli Tozzi, Bibliopolæ Patavini.*

Carmen ad Urbanum VIII. Pont. Opt. Max.  
*Patavij ex Typographia Laurentij Pasquati, anno M. DC.*  
*XXIII. 4.*

Aponum ad Franciscum Barbarinum Card. *Pa-*  
*tavij ex typographia Laurentij Pasquati, Anno M. DC.*  
*XXIII. 4.*

MISCELLAM ELOGIORVM, ADCLA-  
MATIONVM, ADLOCVTIONVM, CON-  
CLAMATIONVM, EPITAPHIORVM, &c.  
*Patavij apud impressores Camerales, Anno M. DC.*  
*XXVI.*

SYMBOLARUM EPISTOLICARUM li-  
brum, in quo nonnulla ex antiquitatis, Iuris civilis &  
Historiæ penu depromuntur & illustrantur, multa-  
que Auctorum loca emendantur & explicantur.  
*Patavij ex typographia Ioan. Baptistæ Martini, & Livij*  
*Pasquati, Anno M. DC. XXVIII. 8. Et iterum apud*  
*Donatum Pasquardum, & socios. M. DC. XXIX.*

Antiquissimæ Picturæ, quæ Romæ visitur, Ty-  
pum, ad V. N. Cassianum à Puteo, Equitem, *Pa-*  
*tavij apud Donatum Pasquardum M. DC. XXX.*

Re-



Recognovit , & evulgavit Elogia Anachoretarum Jacobi Cavatij , & ijsdem Præfationem elegantissimam adjecit.

*Italicè.*

ANNOTATIONI, & AGGIUNTE al libro delle immagini de gli Dei di Vincenzo Cartari. *In Padoua, appresso Pietro Paolo Tozzi, nella stamparia del Pasquati , l'Anno M. DC. XXV. & M. DC. XXVI. in 4.*

Della consecratione delle Vergini. *In Padoua, appresso Pietro Paolo Tozzi, M. DC. XXVI. in 4.*

Garreggiamento vicendevole in lode dell' Illustrissimo Signor Domenico Molino. *In Venetia l'Anno M. DC. XXIV. in 4.*

NOTITIE HISTORICHE sopra la Gierusalemme del Tasso. *In Venetia, appresso Nicolò Misserini l'Anno M. DC. XXV. in 24. XXVIII. in 4.*

L'ORIGINE DI PADOUA. *In Padoua, appresso Pietro Paolo Tozzi, l'Anno M. DC. XXV. in 4.*

L'ANTENORE. *In Padoua appresso Pietro Paolo Tozzi, l'Anno M. DC. XXV.*

L'ATTESTATIONE DI GIVLIO PAOLO. *In Padoua, nella stamparia di Pietro Paolo Tozzi, l'Anno M. DC. XX. in 4.*

LA PRINCIPESSA delle composi-  
tioni



tioni sfiorata Riotta. *In Venetia appresso Antonio Pinelli Stampator Ducale, l'Anno M. DC. XXV. in 4.*

LA VITA DI SANTA GIUSTINA VERGINE ET PROTOMARTIRE PADOUANA. *In Padoua, per Giovan Battista Martini, & Livio Pasquati Stampatori Camerali, l'Anno M. DC. XXVI. in 4.*

Habet nondum edita, sed perfecta, & editioni parata.

*Variorum carminum lib. 2.*

*Simbolarum epystolicarum lib. 3.*

*Sacrorum monumentorum librum Etrusco idiomate conscriptum.*

*Risposta all' Apologia del P. Angelo Portenari della libertà de' popoli Veneti.*

Hæc illius sunt, quibus è re mihi quoque visum, ad indicandam ejusdem præstantiam adscribere Clarissimorum virorum aliquot judicia, sive testimonia, quæ ad nos pervenere, & hæc in primis è literis, in quibus ad Illustrissimum Dominicum Molinum datis ijdem viri Clarissimi Pignorijs meminere.



Annibal Campegius Dominico Molino Senatori  
Amplissimo S. P. D.

*Offendunt me in agris spatiantem postremæ literæ tuæ, seu veriùs Laurentij Pignorij Symbolæ, quæ me in Parnassum legentem transtulerant, usque adeo Musarum amœnitatibus refertæ sunt. Nam quis in eo eruditionem non miretur, qui jam eruditionis nomen suum fecerit, ut doctissima ejus monumenta testantur, si duos præterea similes haberet Italia, fascès fortasse, ut ingenij, ita eruditionis illi Germania submitteret. Sed quid, Te in beatissima Italiæ parte studiorum, & libertatis præside sperare non licet? Te quidem jam unum respiciunt literæ, te assertorem & vindicem miratur Italia, ad te ex toto terrarum orbe confugiunt dedita Musis ingenia. Sed ut ad Pignorium redeam, non possum non tibi in præsenstestari, quantas illi gratias debeam, quod me obscurum hominem in luce epistolarum suarum collocarit, ut hoc veluti pignus immortalitatis haberem; id, si quando usus venerit, eruditissimo viro attesteris, oro te per hæc Musarum sacra, ut hoc quoque ipse officio literis meis perfungar, &c.*

*Ticini ter. Id. Sept. M. DC. XXVIII.*

Daniel Heinsius Dominico Molino, &c.

*A Laurentio Pignorio, viro verè eximio, & qui priscam illam, propriamque Italarum laudem, sive prosa, sive versu scribit, fortiter it restitutum, literas accepi, ad quas proximè sum responsurus. Quæ Iosephus*  
Sca-



Scaliger ad Triumviros amorum olim scripsit & ante mortem auxit, ante annos aliquot Genevam excudenda misi; sed cum videam ab ijs nihil præter moram expectandam esse, reposcendus nobis erit codex, quæ vel Elzevirio, vel alij hic excudendum tradam, si quæ meditata sunt in eam rem doctissimo Pignorio, cum videbitur transmittat, opera quamprimum dabitur, ut voti fiat compos. Sc. Lugduni Batavorum 13. April. M. DC. XXII.

Jo: Meursius Dominico Molino, &c.

Pignori libellus est egregius, & profectò est vir ille summum omnino Italiæ vestræ ornamentum. A. D. XI. Maij. Anno M. DC. XXIV. Domino Bonifacio, cujus virtutem, & doctrinam, tum affectum in me istum magni facio salutem officiosam dico; ut & Domino Pignorio, à quo missa mihi salus per literas ad Heinsium nostrum supra modum grata fuit. Amo benevolentiam viri in his studijs nostris magni, & repono item affectum.

Cerardus Jo. Vossius Dominico Molino, &c.

In calce epistolæ. Item quando occasio erit summo viro Pignorio, cujus ego omnia & avidè lego, & maximi facio, uti rara ejus eruditio meretur.

Lugd. Batavorum pr. Id. Sept. M. DC. XXV.



76 LAVRENTII PIGNORII

Idem. in libro. 3. de Historicis Latinis paginâ mihi. 727.

*Cujus rei indicium debeo viro clarissimo Laurentio Pignorio.*

Paulo post pag. 733.

*Hæc omnia manuscripta supersunt Patavij, apud clarissimum, & diffusæ reconditæque eruditionis virum Laurentium Pignorium.*

*Summus vir Laurentius Pignorius p. 738.*

*Ut ex doctissimo Laurentio Pignorio accepi p. 745.*

*Ut didici ex viro clarissimo Laurentio Pignorio, & infra. pag. 746. 747. 818. 819. 820. 822. 823. 824. 827. 828. 830. 838.*

Balthasar Bonifacius Dominico Molino, &c.

*Laurentio Pignorio, qui de Elogijs, atque Inscriptionibus luculentum opus nuper confecit, &c. VIII. Kl. Sext. Anno M. DC. XXVI.*

Christophorus Forstnerus in dedicatoria Orationis ad Jo: Cornelium Ducem Venetum p. 4. docuit enim nos Laurentius Pignorius vir clarissimus in notitijs historicis.

Andreas Scotus de bono silentij p. 203. & in Museo Calceolariano pag. 293. 368. 375. 614. Erant enim varij tunc, ut hodie servorum gradus, ut observat Iac. Revardus, Ausonius Popma, & Laurentius Pignorius ex lib. 49. cap. 3. p. 2285.

Ex



Ex lib. 55. cap. 1. & passim Jure Pont. lib. 1. cap. 25.

Item Barthius in lib. 47. cap. 23. de eruditioribus servitijs. *Alia apud doctissimos viros Io: Popmam, & Laurentium Pignorium.*

Ex lib. 49. cap. 3. De stigmatibus Servorum; si quis cupis lege Pignorii Commentarium de Servis.

Ex lib. LI. cap. x. de Tympanis.

*Tympana veterum cribris fuisse similia, ex conspectu ipsorum apparet, quem exhibuit nobis in admodum eleganti Commentario de Servis Laurentius Pignorius.*

Ex lib. LV. cap. 1. Titus Popma, & Laurentius Pignorius Commentarijs peculiaribus de servis, &c.

Jacobus Guthérius de Vetere Iure Pont. lib. 1. cap. 25. in fine: *Extat mensa Isiaca, quæ in Ducis Mantuani Bibliotheca adservatur, ex Petri Bembi reliquijs, illustrata pridem perdoctis Pignorii Commentarijs.*

Petrus Scriverius animadversionum in Epigrammata Martialis lib. 1. p. 9. *Sed quis hodie, Scaligero, Lipsio, Casaubono, & Velsero (quantis Di boni viris!) defunctis, tantæ eruditionis, aut spiritus, qui Spartam hanc dignè exornare possit? Posses tu veterane Schote, posses eruditissime Grutere, posses tu Pignori.*

Nicolaus Crassus in vita Andreæ Mauroceni p. 42. *ut magnos illos Scaligeros, & Lipsios Italia exteris nationibus non invideret, Laurentium quoque Pignorium, & Martinum Sandellium Contareno conjunctissimos.*



Andreas Maurocenus ex L. Pignorij de Antonio Priolo Venetiarum Principe Elogio Epistol. postrema 246. *Sileant marmora, taceant æra; obmutescant picta, sculpta, calata monumenta: omni ære, ac marmore firminus, & perennius Pignori doctissime trophæum istud erit, abs te sapientissimo, prudentissimo, felicissimo Antonio Priolo Principi erectum, &c. & in calce. Salve interim Pignori, pignore quolibet carior, ac pretiosior, qui dum alijs immortalitatis specimen impertis, tui memoriam in omnem posteritatem longissimè propagasti.*

Antonius Quærengus in carm. ad Hieronymum Aleandrum, de Laurentij Pignorij commentario in Tabulam Ægyptiacam.

*Docta inter monumenta, quæ perenni  
Sunt dignissima laude, jure censes,  
Erudite Aleander, hunc libellum,  
In omnes celebrem dies futurum,  
Quo Laurentius, inclytum Latini  
Eloqui decus, abditas vetustis  
Sacras Niligenum notas figuris,  
Pandit mirifica explicatione.  
Vivet, quis dubitet? suo pte cunctas  
Per terras genio aureus libellus.  
Verum clarior usque, & usque vivet,  
Tuâ quod merito poli ad supremam  
Arcem tollitur approbatione.*



In lib. 3. pag. 197.

Fortunius Licetus in lib. de Lucernis. *A Laurentio Pignorio spectabilis eruditionis viro, festivissimum hoc etiam habui. lib. 2.*

Et lib. 3. Post Aldrovandicas, & Coradinas apud Laurentium Pignorium antiquæ rei cultu egregium, duas fictiles vidi lucernas.

Jo: Thuilius in Præfatione Emblematum Alciati pag. 9.

*Idem præstitit in elegantissimis suis Emblematis Hadrianus Iunius, sed in Alciatinis ante me adhuc nullus: nisi quod Pignorius plurimas figuras ex venerandæ Antiquitatis monumentis passim correxit, & feliciter restituit, cui sane hac in parte multum debemus.*

FELIX OSIUS In Castig. in Augustam Historiam Muffati p. 191. *Censet enim is in Itinerario, cujus loci indicium debeo Viro Cl. Laurentio Pignorio, rerum antiquarum rariorumque, ut indici, ita & vindici excellentissimo, apud quem ejus Itinerarij Codex extat.*

Pag. 14.

Abrahamus Ortelius in Itinerario, quod M. S. extat penes eruditissimum, & amicissimum Laurentium Pignorium.

In Urbe Æterna lib. 1. cap. 1.

*Adjecit his Antonini Pij numisma Goltius, elencho Historiæ, primo Adriani, præterea Commodi, &c. & Flavi Prisci Attali, quod aureum mihi recens ostendit vir amicissimus, multarum, atque adeo reconditarum rerum notitia per insignis Laurentius Pignorius.*

Et



Et in calce ejusdem capitis.

*Nec desunt, qui pari fine conjecerint, impositam fuisse Turrin Capiti Genij Populi Romani, in Flavij Valerij Severi nummo, quorum ego conjecturæ plenâ cerâ subscriberem, nisi Vir Clarissimus Pignorius, à quo monumenta propemodum omnia vetera non excussa modo, sed extrita penè sunt, non Turrin, sed Modiolum Serapidis ejus in Genij capite collocaret.*

Iacobus Philippus Tomasinus in *elogijs Illustrium virorum* pag. 14.

I. *Quæ in Bibliotheca supra laudati viri eximij, Pignorij, Antiquitatum omnium studiosissimi cultoris extant.*

II. Pag. 271. *Hujus mihi rei testis est eruditissimus vir Laurentius Pignorius.*

In vita Titi Livij Patavini.

III. Pag. 36. *Cui ista non satisfecerint, legat is epistolam Laurentij Pignorij 44. Balthasari Bonifacio scriptam.*

IV. Pag. 60. *At ea memoria perijt Pignorio teste in suis Originibus Patavinis.*

In Francisco Petrarca redivivo Cap. x.

V. *Viri Clarissimi Laurentij Pignorij, Canonici Tarvisini carmina. & alijs locis passim.*

VI. In Bibliothecis Patavinis Bibliotheca S. Ioannis in Viridario: ut expresse testatus est *Vir omni literarum*



rum genere clarissimus Laurentius Pignorius lib. Symbolicarum epist. 3.

In Athenis nostris Patavinis passim meminimus.

In Annotationibus Poëmatis Torquati Tassi, cujus est titulus Goffredo Etrusco idiomate conscriptis. in ea parte, Dichiarationi delle Historie, &c. leguntur hæc.

*La divina penna di Monsignor Pignoria ammirata da me in tutti li suoi tratti, hà illustrato questa parte del Tasso, che contiene l'Historie, onde le sue NOTITIE, come cose sacre, le leverò, intessendole in queste mie dichiarazioni, come fiori, ò perle, acciò l'opera ricevi vaghezza, e splendore.*

Nec funeri quæ vivo laus defuit. unam GOLDASTI Viri inter eruditos summi, in sua ad Illustrissimum, & Excellentissimum DOMINICUM MOLINUM Epistola subdere visum.

PIGNORII industriam immortalī vitâ inter mortales dignissimam nunc jacere, quis tam alienus ab humanitate est, ut æquo animo sustineat. Nam & eum vixisse, idem mihi Maximilianus noster constanter affirmavit, & tua quidem fide. Sed erramus: non vixit, sed vivit, & cum beatīs cælitibus fruitur aurā divinæ contemplationis. Neque enim aliter ut sentiamus, ingenium, candor, sinceritas, probitas, fides, quæ in scriptis ejus elucescunt, mihi quæ aliunde satis cognita, perspectaque fuerunt, permittunt. Sanè ingentem jacturam feci in ejus obitu, sed abitu: quo prævisse eum censeo, ut mox propero pede insequamur. Nuper mecum egerat de Opusculis suis, tam editis,

(m)

quam



quam *ἀνέκδοτος* in unum corpus redigendis, & ut mea comitate, ac ministerio in hisce oris simul imprimantur ad me transmittendis procurandisve: Quid nunc illis fiet? Quin postremis literis, Illustrissimæ Dominationis tuæ effigiem, ære expressam, cum alijs nonnullis ad me mittere adstipulatus erat. Utinam sit, cui ambas imagines, Molini (inquam) & Pignorij, hominum mihi sempiternâ memoria colendorum, debere agniturus sim? ut quos coram complecti non licet, saltem in vultibus adosculari permittatur, &c.



# LAURENTII PIGNORII MUSEUM.

In Iconotheca Laurentij Pignorij laudati spectantur multa, eaque præclara, quæ paucis hic amplectar.

In ipsa fronte ostij Musei occurrunt statim hæc carmina.

*Sidera doctrinæ hic fulgent dignissima Cælo,  
Quæ placidam illustrant non lævo lumine vitam :  
Selige tu tibi, quæ instillent virtutis amorem,  
Ut ne oculos tantum Pictura oblectet amicos.*

## IMAGINES VIRO RUM CLARISSIMORUM.

*Cæsaris Baronij* S. R. E. Cardinalis, & Historici præclarissimi.

*Roberti Bellarmini* S. R. E. Cardinalis, & Ecclesiæ propugnatoris accerrimi.

*Scipionis Cobellucij* S. R. E. Cardinalis.

Illustrissimi, & Excellentissimi *Dominici Molini*, Senatoris Veneti & litteratorum Mæcenatis, sub qua hæc leguntur.

GENIO POTENTI HUMANITATIS, ET TUTELÆ.

*Qui.*

PHOEBÆAS ARTES ALTO CUM PECTORE JUNXIT.

M 2

*Aloy-*



*Aloysii Lollini* Episcopi Bellunensis, Philologi eximij.

*Guerini Pisonis* I. C. præclarissimi.

*Speronis Speronij* Philosophi, ac Oratoris insignis.

*Francisci Petrarchæ* Vatis eminentissimi.

*Ioannis Vincentij Pinelli.*

*Guidi Panciroli* I. C. excellentissimi.

*Pauli Aicardi* summi Philosophi,

*Torquati Tassi* Etruscorum Poëtarum decoris.

*M. Tullij Ciceronis.*

*Bernardini Scardeonij* Canonici & Historici accuratissimi.

*Aloysii Corradini* I. C. & causarum actoris strenui.

*Everardi Vorstij*, Medici peritissimi.

*Edmundi Brutzij.*

*Onufrij Panuinij.*

*Valerij Belli* Sculptoris gemmarum nobilissimi.

*Honorij Belli* Medici.

*Lauræ*, *Francisci Petrarchæ* Amasiæ.

*Isotæ Nogarolæ.*

*Angelæ Nogarolæ.*

*Cassandræ Fidelis.*

*Lucretiæ Borromeæ.*

} Mulierum eruditissimarum.

*Antonij Queregi* Poëtæ celebratissimi.

Quibus accedunt Phœnix proprijs coloribus, & germanâ figura delineatus ex Pignorij observationibus in veteres auctores, & tabulæ pictorum celebrium.



Capita aliquot Virorum insignium è marmore,  
operis antiqui.

S T A T U Æ.

*Romæ bellatricis Deæ* exerto brachio.

*Harpocratis* quæ spectatur in lib. de Imaginibus  
Deorum. pag. 335. & 553.

*Mercurij.*

*Æsculapij*, quæ cernitur in lib. Symbol. epist. XIII.  
pag. 48.

*Palladis.*

*Apollinis* inter Deorum Imagines conspicitur pag.  
592.

*Serapidis*, sive *Priapi*.

*Pocillatorum*, è ministerio antiquo, quæ expressæ  
cernuntur in libro de servis, pag. 69. 70. 71. 72.

*Equitis armati.*

*Variorum Virorum*, *Mulierum*, è donarijs templi  
apud Hadriam, quas intuemur in libro de Origini-  
bus Patavinis cap. XI. p. 61. in quibus elucet habi-  
tus incolarum vetustissimorum, sive Phryges advenæ  
illi fuerint, sive è Tuscia coloni.

NUMMI ET NUMISMATA.

Hæc carmina inscripta capsulæ leguntur, in qua di-  
sposita sunt veterum Cæsarum numismata.

(m 3)

Cæ



*Cæsareos Proceres, in quorum præmia cessit  
Res Romana olim, spectandos arcula promet.  
Tu sapiens animo atque oculis spectator adesto,  
Et cum de tanto hæc fastu vix frustula restent,  
Assuesce humanis minimum confidere rebus,  
Invida quas volucris Rhamnusia turbine versat.*

Veteres argentei nummi, & ærei gentium Romanorum cum Regibus Romulo, Numa, Anco Martio, &c.

Ad hæc totius Græciæ, quæ continentis, quæ Insularum Numismata, & Africana, & Hispanica, Hebræa, & Barbara nonnulla.

Cæsarum Imagines non desiderantur ex ære, ex argento, & aliquot ex auro pulcherrimæ.

Sigilla ærea quam plurima, & eorum pariter ejusdem seculi non minima congeries, in quibus nominum propriorum, familiarum, stemmatum, civilium munerum, multa oblitterata in lucem revocantur.

Numismata Cæsarum posteriorum, in quibus præclara aliquot ad res Christianas pertinentia.

Nummuli aurei Regum Gallicorum, ijque rarissimi.

Monetarum nov-antiquarum acervus.

Nummi plumbei, qui spectantur in lib. de servis pag. 123.

Artificij recentioris spectantur Imagines, à Jo. Cavino, clarissimo nostrate cælatore expressæ; tum Augustorum & Augustarum, tum Illustrium Virorum, qui patrum nostrorum ævo floruerunt, Pontificum aliquot, Cardinalium & Ducum vultus spectantur.

S U-



## S U P E L L E X   A N T I Q U A R I A .

Æris gravis partes in Symbolis spectantur epistol-  
licis. Epist. 11. pag. 12.

Modulus exactissimi pedis antiqui.

Pondera Unciæ, & Semunciæ legitima Romana, &  
quædam Constantipolitana, & ævi recentioris.

Stylus	} <i>quæ expressa</i> <i>cernuntur</i> <i>in libro</i> <i>de Servis.</i>	} pag. 112.
Tessera		
Acus crinales		
Armillæ		

Murenulæ.

Securis anceps spectatur in Antenore cap. 6.

Plumbatæ.

Jaculum, quod intuemur in vita Antenor cap. 6.  
pag. 20.

Claves	} <i>quæ videnda se offe-</i> <i>runt in libro de Servis.</i>	} pag. 106. 107.
Lenticula		
Calculi		
Fibulæ		

Annuli

Lychni, qui expressi videntur in lib. Fortunij Li-  
ceti de Lucernis antiquorum.

Amuletum, ut in mensa Isiaca pag. 33.

Papyri vetustissimæ inscriptæ notis Longobardi-  
cis duo grandiora fragmenta.

Segmenta vestium cum oris purpureis antiquis.

Conchyliorum variæ species, in quibus multa la-  
pidea naturæ lusu.

Gem-



Gemmæ annulares insignes non paucae, sive ex promiscuo signandi usu, sive ex mysterijs Ægyptiorum, & veterum hæreticorum.

Lapilli, & Gemmæ.

Alectorius.

Smaragdus è fodina.

Iaspis sanguinem sistens.

Stauros lithos.

CrySTALLORUM nascentium congeries.

Vascula pretiosa, ex Argilla Melitensi.

Tabellæ æneæ, quæ typos exhibent pugnarum Bacchanalium.

Tabellarum, & historiarum magnus numerus, inter quas eminent Pisani pictoris, & statuarij maxime toreumata, quæ vocamus Italicè *Medaglioni*.

Alberti Dureri typus plumbeus, exhibens Imaginem muliebrem artificij singularis.

Exotica non pauca, veluti legumina ex India.

Chartæ, & Sericum è regione Sinarum.

Succinum rude, & similia.

Et ut uno verbo dicam, Amphitheatridium artis & naturæ unico conclavi concluditur.



BIBLIOTHECA  
LAURENTII PIGNORII,

Pro foribus.

*Quisquis amas misere duxisse obliviam vitæ  
Accede, & latebris propera te abdere nostris;  
Hic tibi quotquot habet natura arcana recludet,  
Imbuet atque avidum monitis sapientia pectus.*

Extant inibi hi calamo exarati Codices

L A T I N I.

1. Titi Livij prima Decas.
2. Horatii Carmina scripta characteribus Longobardicis, ex munere Cl. viri Nicolai Grassi, S. C.
3. Ovidii Metamorphosis, ex munere Cl. Viri Joannis Bonifacii, Historiarum scriptoris.
4. Virgilii Bucolica, cum notis, qui Codex fuit primum Bernardi Bembi, deinde Petri Bembi Cardinalis.
5. Ejusdem libri Æneïdos, item cum glossis; qui fuerunt Modesti Polentoni, Sicconis filii, & Petri Bembi Cardinalis.
6. Vita Virgilii, auctore Servio Honorato Grammatico.
7. Ciceronis Topica, cum Commentario Boëtii.
8. Boëtius de consolatione Philosophiæ.
9. Vitruvius de re ædificatoria.

(n)

10. Pom-



90 LAURENTII PIGNORII

10. Pomponius Mela.
11. Apicii Cœlii Epimeles.
12. Fragmenta Asconii Pædiani, & C. Valerij Flacci, ex editione Poggii.
13. Prudentii Diptychon.
14. Sortes Apostolorum, & Commodianus, Auctor antiquissimus, à Iacobo Sirmundo, eruditissimo Theologo, manu propria descriptus, & dono datus
15. Notitia Urbium Variarum, incertī auctoris, ex Isidoro, & aliis.
16. Ioannis de Ravenna Opera.
17. Epistolæ Petri de Vineis, & aliorum, è quibus aliquot transtulit in sua vetera nonumenta Vir. Cl. Sebastianus Tengnagel, editæ Ingolstadii, Anno M. DC. XII.
18. Summa artis vulgaris dictaminis, auctore Antonio de Templo, Iudice Patavino, exemplaria duo.
19. Clarorum virorum epistolæ, ex munere amicissimi viri Hieronymi Aleandri.
20. Iesuïda, & carmina Hieronymi de Vallibus Patavini.
21. Capitula de Amore & dilectione Dei & proximi, Albertini Iudicis Brixienfis.
22. Clarissimi viri, Guarini Veronensis, ad Ludovicum de Gonzaga, illustrem Mantuæ Marchionem, de Diphthongis compendiolum, cum Valerio Probo, de notis Antiquorum, & Aldo Manutio ad Christophorum Fulginatem, de Diphtongis Græcis.
23. Andreæ Navageri Carmina.
24. Ca-



24. Capitula Mineralium.
25. Vita Senecæ, Auctore Francisco Petrarcha.
26. Historiæ Latinæ scriptores, cum Censura Caroli Sigonij,
27. Commentaria in Persium, & Juvenalem.
28. Albertini Muffati Eccerrinis.
29. Franciscus Barbarus de re uxoria.
30. Ioannes Jovianus Pontanus de Fortuna, ex autographia P. Bembi.
31. Inscriptiones antiquæ Urbis, & agri Brixia.
32. Francisci Pamphili Sancto-Severinatis Picœni Fragmentum.
33. Pomponii Læti autographum in Quintilianum, Martialem, & alia ejusdem.
34. De machinis haustoriis incerti auctoris fragmentum.
35. Ludovici Lalarelli de apparatu hastiludii Patavini fragmentum.
36. Oratio Io. Baptistæ de Adrianis ad Ducem Augustinum Barbadicum.
37. Statii Thebaïdes.
38. Logica Pauli Pergulensis, cujus apud Pignorium imago eçtypa visitur.
39. Dantis Tertii Aligeri Panegyricus ad Franciscum Diedum, Veronæ Prætorem.
40. Matthæi Palmerii Chronica.
41. Tranquilli Molossi Cremonensis carmina.
42. Bartholomæi Fusci Leonici Veneti de Thomæis Carmina.



92 LAURENTII PIGNORII

43. Publii Augusti Gratiani Utinensis Odarum, seu Hymnorum liber, cujus imaginem in Icono-theca Pignorius adfervat.

44. Farrago Carminum, Orationum, Epistolarum nov-antiquarum.

45. Capitulare Ecclesiæ S. Marci, auctore Nicolao Moravio.

46. Vita Beati Eustochii.

47. Provinciale Romanum.

48. Series Episcoporum Patavinorum.

49. Joannis Sancto-Martini Medici Vicentini de Vinorum commixtione.

50. Jacobi Cujacii dissertatio in Titulum de Pactis.

Præterea habet multos Codices impressos, notatos ad marginem manu doctissimorum virorum.

Ad hæc Volumen Epistolarum variarum Autographum.

A. Matthioli.

C. Clusii.

R. Dodonei.

G. Bacchini.

Torquati Tassi, &c.

Item Opera Ciceronis duobus Tomis, ex Bibliotheca Caroli Quinti Imperatoris.



CODICES GRÆCI.

1. Glossarium.
2. Homeri Batrachomyomachia.
3. Orphæi Hymni.
4. Aristotelis Rhetorica.

LINGUIS VERNACULIS

Scripti.

1. Le Origini delli Longobardi.
2. Croniche della Città di Parma.
3. Cronica di Este.
4. Cronica di Frate Martino.
5. Le inventioni antiche, & moderne de Giulio Pancirolo.
6. Fragmento d'Historia di Papa Aleffandro, donato dall' Eccellentissimo Signor Gio. Bonifacio, con figure antiche.
7. Compendio delle Navigazioni del Rhamusio, & altre cose.
8. Di Leon Battista Alberti inventioni diverse.
9. Viaggio di S. Carlo alla Santa Sindone, & Inventione del Corpo di S. Stefano Protomartire.
10. Varie memorie della Religione Francescana.
11. Delle cose auenute nella Creatione del Serenissimo Principe Donato.
12. Tesoretto di Brunetto Latini.

(n 3)

13. The-



- 13. Theseide del Boccaccio.
- 14. Regola , & modo per fare li Horologi da Sole.
- 15. Marco Antonio Soranzo delle Cifre.
- 16. Arte del Navigare in lingua Portughefe.
- 17. Regole di Conache.

At fluxa , & caduca nimis hæc nostra. Adeò  
verum Tragici illud.

*Ubiquè mors est. Optimè hoc cavit Deus ,  
Eripere vitam nemo non homini potest ,  
At nemo mortem.*

Typographo Jo. Baptistæ Martino Museum hoc  
cum Bibliotheca nostra jam excudendum destinaram,  
verum serpente Patavii contagio , nobis insperatis  
ille vita excedit. Malo in dies sine delectu in quos-  
vis sæviente , x. Junii in extremos Colles Euga-  
neos CORTELLATAM fecedo. Loci amœ-  
nitatem vix oculis hauseram , en ferales literas , quæ  
Clarissimi D. Pignorii nostri abitum nunciantes ,  
mihi lacrymas extorserunt , simulque affectus extre-  
mum Pietatis officium elicit , piis precibus & so-  
lemni parentalium ritu mitigans doloris acerbitem.  
Quod ne lateret posteros. Viro amicissimo , cum  
Nepotibus eodem fato abreptis , monumentum hocce  
supra Aulæ ostium crexi , ut suæ conditionis memo-  
res Advenæ tanti Viri obitum lugeant.



LAVRENTIO PIGNORIO,

MVSARVM CORCVLO,  
FRANCISCO, ET ANTONIO

NEPOTIBVS,

EX PESTE PEREMPTIS,

IAC. PHIL. TOMASINVS.

HANC GRATI ANIMI MEMORIAM

P. C.

Tu verò Illustrissime, & Excellentissime MOLINE, literarum Mæcenæ, præclarum adeò PIGNORIO nostro Monumentum statuisti, ut jam non peste sublatus tumulo lateat, sed in suæ domus fastigio, sub porticu D. Laurentij, veluti redivivus, ingenij majestate nunquam interiturus, digno emineat encomio, inter tuarum Charitum oblectamenta mortalitatis legibus exemptus. Factum verè splendidum, ob quod meritò salutaris Serenissimæ Reipublicæ Venetæ decus, rei literariæ Alcides, Virtutum ubertas, Phœbi amor, Musarum delictum, Eruditorum præsidium ac numen.

D. O. M.



D. O. M.

## LAVRENTIO PIGNORIO,

ALTERI HVIVSCE ECCLESIAE PRIMVM PAROCHO,

DEINDE TARVISII CANONICO,

PIETATE, AC MORVM SANCTITATE  
SPECTATISSIMO,

VERO CANDORIS ET PVDORIS EXEMPLO,

LITERARVM OMNIVM,

CVM GRAVIORVM, TVM POLITIORVM  
PERITISSIMO,PENITIORIS ANTIQVITATIS, NON MINVS  
CERTO, QVAM CVRIO

INDAGATORI,

PATRIÆ, AMICORVM, ET SVI IPSIVS MEMORIÆ,

LVCVLENTISSIMIS SCRIPTIIONIBVS  
PROPAGATORI,MVSARVM DENIQVE ET GRATIARVM  
CORCVLO, ET OCELLO,

## DOMINICVS MOLINVS

SEN. VEN.

AMICO, AC HOSPITI CARISSIMO, ET IVCVNDISS. P.

OB. ANN. CID. DIC. XXXI. IDIB. IVNII.

VIXIT ANN. LIX. MENS. VIII.



Pl. missing, probably  
the large Egyptian folding pl.  
engrav.



THE HISTORY OF THE

REIGN OF CHARLES THE FIRST

BY SAMUEL JOHNSON

IN TWO VOLUMES

LONDON: Printed by A. MILLAR, in Pall-mall.

1743.

THE HISTORY OF THE

REIGN OF CHARLES THE FIRST

BY SAMUEL JOHNSON

IN TWO VOLUMES

LONDON: Printed by A. MILLAR, in Pall-mall.



